



Hnowt'iwnk' hayreneac'i gawarin

ašxatowt'iwn Aristakês Vardapeti Sedrakean, miabanic' srboy êjmiacni

Sedrakean, Aristakes

Goussen 3557





Q 3557

ՀՆՈՒԹԻՒՆՔ

ՀԱՅՐԵՆԵԱՅ

Ի Գ Ա Ի Ա Ռ Ի Ն

Երևզակոն

ԱՇԽԱՏՈՒԹԻՒՆ

ԱՐԻՍՏԱԿԷՍ ՎԱՐԴԱՊԵՏԻ ՍԵՂՐԱԿԵԱՆ
ՄԻԱԲԱՆԻՅ ՍՐԲ ՈՅԷԶՄԻԱՄՆԻ



Ի ՎԱՂԱՐՇԱՊԱՏ

Ի ՏՊԱՐԱՆԻ ՍՐԲՈՑ ԿԱԹՈՂԻԿԷ ԷԶՄԻԱՄՆԻ

ՌՅԻԱ—1872

3557

ՀՐԱՄԱՆԱԿ

Տ. Տ. ԳԻՈՐԳԻԵԱՅ Դ.

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ

ԱՄԵՆԱՅՆ ՀԱՅՈՑ

1873

ՅԵՌԵՄԻԱՅԱՆ ԳՆԱԿՆԵՐ

Հայրենեաց հնութիւնքն այսօրուան
օրս հայրենասէր որդւոց մեծագոյն մասին
անձկակարօտ հետաքրքրութիւնն զարթու-
ցած են: Աւ յիրաւի ի՞նչ կայ երկրի վե-
րայ հասկացող սրտի համար առաւել փա-
րելի և նուիրական քան հայրենիք, և ի՞նչ
կարող է նորա դաժան վիրաց ու բազմա-
դարեան մղկտացուցիչ խոցերու հանդէպ
աւելի զգալի թուիլ, եթէ ոչ սիրուն հայ-
րենեաց պանծալի կամ ողբալի հնութեանց
նշխարեալ մնացորդք: Մեր հայրենիքն
վշտակոծ Հայաստանն լինելով, թէպէտ և
մերթ ընդ մերթ յերևան կհանէ իւր ծոցէն
այնպիսի յիշատակարաններ՝ որոց վերայ
դրոշմած կտեսնենք իւր արիասիրտ որդւոց
կորովաբազուկ քաջագործութիւնները,

դիւցազնական սխրագործութիւնները ,
 հայրենասիրական և ազատասիրական անձ-
 նանութիւնները, փութաջան և մե-
 ծագործ աշխարհաշինութիւնները , և
 Առաքելական Ս. Եկեղեցւոյ կարգաց և
 կրօնի անաղօտ և անսայթաք պահպանու-
 թիւնը. սակայն շատ անգամ այն է՝ որ
 հնախոյզ աչքերն արտասուք քամելով
 պիտի նշմարեն այն գետինն ու քարերն՝
 ոյք ներկուել ոռոգուել են բիւր անգամ
 Մէհրութանեան , Ասասկեան , Սարգ-
 սեան չարահոգի հայրենանենգ դաւաճա-
 նութեամբ և մատնութեամբ միլիոնաւոր
 ողորմելեաց թափուած արեան գետերով ,
 այն շիրիմներն , ու մահարձաններն՝ որոց
 մէջ կհանգչին անհեռատեսութեան և ե-
 սականութեան չար նախանձուն զոհ գնա-
 ցած հայրենաշէն և աշխարհի օգտակար
 հոյակապ անձանց աճիւններն , այն կիսա-
 կործան շէնքերն , և դժուարանշմար աւե-
 րակներն՝ որոց տեարք և բնակիչք , է որ ի
 դառն գերութիւն վարեալ , է որ սովու , սան-

Չանաց, և լեռնաղօղ խստամբերութեան
անխայելի կրակին մատնուած, և է որ վայ-
րենամիտ վայրագասուն թշնամեոյ արիւ-
նարբու սրոյն ճարակ փնացած, թողել են
միայն տխուր աւերակաց կտորներ, այն փա-
ռաւոր եկեղեցեաց կանգուն ու կործան
շէնքերն ու անթիւ նշխարներն, որոց կոր-
ծանումն է բերել աշխարհին հետ միասին
ոչ այնքան օտար աղգաց յարձակմունքը և
անդուլ արշաւանքը, որչափ ընդ ժամա-
նակս ժամանակս համարիւն համազգի եղ-
բարց մէջ ճարակուած և բորբոքուած նո-
րասիրութիւնն, մոլեռանդութիւնն, ըն-
չաքաղցութիւնն, առելութիւնն, եսակա-
նութիւնն, ապօրինի քենախնդրութիւնն,
և այն ամենայն չարիք, զորս դիւրաւ կճը-
նանի տգիտութիւնն:

Հնութիւնք ստորագրել և ժողովել,
հնախօս պատմութեան թերութիւնն և
ամբողջութիւնն նկատել ու մթութեանց
մերայ լոյս սփռել ասել է, ուստի և այն
ազգի հին պատմութիւնն՝ որ կարօտ է

հնու թեան վկայութիւնն մօտն ունենալ՝
բայց չունի, չէ կարող այնքան յարգ և
վարկ վաստակել :

Հնութեանց նշանակութիւնն ժամա-
նակէ ի վեր յարգի եղած է մեր ուսում-
նական ազգայնոց մօտ. և ոմանք իսկ ներ-
կայ դարուս աշխատասէր անձինքներէն
այդ օրինակ գովանի ծառայութիւնն ցոյց
տուած են ազգին և ազգային գրականու-
թեանն. իսկ Աւրուպա՝ որ մեզմէ շատ և
շատ յառաջ զգացած է նոցա ծանրակը-
շիւ յարգն և նշանաւորութիւնն, մեզմէ
նմանապէս և շատ յառաջ բազմաթիւ
արեւելախոյզ ուսեալ ճանապարհորդներ
և հնասէր անձինք մեծագումար զոհիւք
զրկած ու հաւաքած ունի արեւելից հը-
նութիւնքն մանաւանդ մերս Հայաստանի՝
որ նորա աչքը կհամարուի, և այսօր իւր
յայտ եկած ճոխ հնութեանց անսպառ
գանձիւք զարմացրել է զնա: Այժմ յի-
շատակեալ օտարազգի և Հայազգի բնա-
խոյզ, բանասէր, հնասէր, և տոհմագիր

անձանց քրտամբք մեր մայր աշխարհի շատ
 դաւառաց և նահանգաց հնութիւնք և
 ազգի ազգի տեղեկութիւնները ապահով-
 ւած են ժամանակի կորստեան վտանգէն,
 բայց դեռ քանի կողմանք կան զրկուած
 այդ բաղդէն, որոց հետ և Նախիջևանի
 դաւառը, որք մինչև այսօր այցելուի մի չը
 հանդիպեցան, որոնք կարող լինէին մեր-
 կանալ իւրեանց ցարդ խնամօք պահած
 պատմական հազարաւոր հնութիւննե-
 րն:

Յիշատակելոցդ վերայ իբրև շատից հը-
 նութեանց ականատես կհրաւիրեմ ան-
 ձանձիր աշխատասէր համազգեացս ուշադ-
 րութիւնն. իսկ ես այս աշխատութեամբն
 ինչպէս և վերնագիրն ցոյց կտայ, պիտի
 ջանամ երևան հանել միայն Նընջակ դա-
 ւառի հնութիւններն, որ ոչ սակաւ նը-
 շանաւոր տեղ բռնած ունէր ժամանակին
 մեր պատմութեան մէջ: Ացաւիմք միայն,
 որ չյաջողեցաւ մեզ ըստ մեր բաղձանաց
 կցել սորա հետ պէտք եղածին չափ տոհ-

մագրական և բանասիրական տեղեկութիւն-
ները այս դաւառի սակաւաթիւ գիւղորէ-
ից ընկի գաղթական ընակչաց վերայ:

Արիւսակէս Աւարդապետ Սեդրակէանց

Տպագրան Ս. ԼՂՏպանի.

1870 Մայիսի 1870 - Բ

Սպարակ-Նիս:

ԵՐՆՋԱԿ ԳԱԽԱՌ

Հին Հայաստանի աշխարհագրական բաժանման համեմատ, Երնջակ գաւառ մեծին Հայոց հնգետասան նահանգաց տասներորդին՝ այն է Միւնեաց տասներկու գաւառներէն մէկն է *):

Սահմանք.

Սահմանք գաւառիս են. յարևելից՝ Ծըղուկ գաւառ (Միսիան), յարևմտից և ի հիւսիսոյ գետն Նախիջևանի, և ի հարավոյ՝ Գողթն գաւառ :

(*) Վարապետ Վ. Հահնազարեան իններորդ ըստ կարգի կգնէ զՄիւնիս. տես նորա լոյս ընծա. Օրպելեան Պատմ. երես 5 :

Գ-Ե-Գ.

Այս գաւառն մի միայն գետ ունի համանուն, որ սկիզբն առնելով Օղկեաց լեռներէն, ջուղայի մօտ կխառնուի Արասիին:

Ա-Ե-Ե-Կ.

Առներն են սոքա. ի սահմանակցութեան Օղուկ գաւառի՝ Օղկեաց բարձրաբերձ լեռինքը. Շահկերտի դիմաց՝ Մեղրաքար (Բալլը-ղայա) կոչեցեալն. յարեմտից նոյն աւանի՝ Արնջակաբերդ, որ նըշանաւոր է պատմութեան մէջ ըստ բազմադիմի անցից. ի հարաւոյ Քռնայի, և ի սահմանակցութեան նորուն՝ Ալան-դաղը, (Օձալեառն), իսահմանակցութեան Գողթրն գաւառի՝ Գարուդաղ կոչուած լեռներն:

Բ-Ե-Ե.

Արնջակ գաւառը Նախիջևանի մասն լինելով, նորա նման իւր արգասաւոր ծոցէն յառաջ կբերէ և կպարզէ ժիր մշակին տեսակ տեսակ առատ բարիքներ, բաց

ի քանի մի լեռնային մասերէն, որոց ցուրտ
կլիմայն ներհակ է ջերմով աճեցող բերոց:
Նրկրագործութիւն տեղւոյս բաւական
մշակուած լինելով կստանայ առատ և մա-
քուր տեսակի ցորեան, գարի, բամբակ,
հաճար, քնջիթ, կտաւհատ, սեխ, ձմե-
րուկ, վարունգ ևլն. ծառապտուղներէն
կգտնուի ընտիր ծիրան, տամոն, սալոր,
դեղձ, տանձ, խնձոր, ընկոյզ, սերկելիլ,
կաղին, ևլն. Ապրակունիսի մէջ կը նշմար-
ւին նաև պտղատու նշենի, թզենի, և նրո-
նենի: Այգիք շատ կան, միայն մշակելոյ
եղանակն ամեն տեղ չգիտեն լաւապէս,
մանաւանդ գինի պատրաստելն: Հայաս-
տանի դաշտաց և լեռանց մէջ գտնուած
ընտանի և վայրենի անասնոց, գազանաց,
թռչնոց, և սողնոց գրեթէ տեսակներն կը
գտնուին և այստեղ:

Հանք.

Այս գաւառիս մէջ մինչև ցայժմ յայտ
եկած հանքերն են ոսկի, արծաթ, պղինձ,
կիր, գիպս (գաճ), կայծքար, ջրաղացա-

քար, ածուխ, և գիլ. ուստի կէտնուին
շատ տեղեր և տեսակ տեսակ հանքային
ջրեր:

Գ-ի-դորայք.

Երնջակայ մէջ գտնուած գիւղորայքն
էն. Ապրակունիս, Քռնայ, Բանանեար,
Սալթաղ, Նորաշէն, Խոշկաշէն, Գեաղ,
Փորադաշտ, Շօռութ, Խանաղա, Գա-
ղանչի, Ներքին, Միջին և Աերին Ան-
գուրներ, Թէյվաղ, Արաւիս, Միլաւ,
Խաչափարախ, Գղճա, Զամալդին, Զու-
ղայ, Արագին, և Ազնուտ: Իբրև յիշատա-
կութեան անարժան կթողումք մեք Արա-
ւիս և Միլաւ փոքրիկ և աննշան գիւղերը,
իսկ միւսոց վերայ կսկսեմք խօսել կար-
գաւ, բայց ամենէն յառաջ Ապրակունիսի
մէջ գտնուած նշանաւոր մենաստանին վե-
րայ, որ յանուն Ս. Կարապետին:

ՎԱՆՔ Ս. ԿԱՐԱՊԵՏԻՆ ԵՐՆՋԱԿՈՒ.

Հայաստանի հռչակաւոր վանքերէն մինն
է և այս, յանուն Ս. Կարապետի, Ապ-
րակունիս գիւղի մէջ, Նախիջևան քա-

ղաքէն չորս ժամու ճանապարհաւ կամ
չորս մղոնաւ հեռի:

Այս մենաստանի հիմնարկութեան թը-
ւականն ազգային պատմագիրներէն չկա-
րացաք գտնել որչափ և հետամուտ եղաք.
գուցէ միայն այնպիսի ձեռագիր յիշատա-
կարանների մէջ գտնուի, զորս մեք չկա-
րացաք տեսնել. բայց հաւանած եմք ա-
սել, որ այս մենաստանը պիտի շինուած
լինի մետասաներրորդ դարու վերջերը. ըստ
որում պատմութեան մէջ կգտնեմք սորա
նորոգուիլն չորեքտասաններրորդ դարու
մէջ այսինքն յամի 1381 ընդ ձեռն Մա-
ղաքեայ վարդապետի Ղ ըիմեցւոյ. իսկ հը-
նոց ամուր շինութիւնները և վանօրէից
վերայ գործ դրած ճարտարապետական
ընտիր և կիրթ ճաշակն ի նկատի ունելով,
չէ կարելի չկարծել թէ բաւական ժամա-
նակ անցած պիտի լինի շինութեան վե-
րայ, որ կարօտած է նորոգութեան: Չամ-
չեան մեծարդիւն է. Միքայէլի պատմու-
թեան մէջ յամի 1330, Ունիթոռաց

Տաղման պատմութեան առթիւ կ'ընդունի
 և Գրիգոր Վարդապետ ոմն Ապրակու-
 նեցի իբր համախոհ նոցին. և Ապրակու-
 նեցի բառովն պէտք է հասկանալ այս մե-
 նաստանի մէջ եղող վարդապետ. վասն զի
 ցարդ ևս վանքն սովորաբար « Ապրակու-
 նեաց վանք », կրկնուի, և մէջի գտնուած
 կրօնաւորը կամ վարդապետը « Ապրա-
 կունեաց վարդապետ », : Աթէ Ունիթո-
 ոաց պատմութիւնն չլինէր, գուցէ դեռ
 շատ անագան յիշուէր պատմութեան մէջ
 այս մենաստանը, ինչպէս նաև շատերը :
 Շահխաթունեանց բաղմարդիւն Յով-
 հաննէս Ապիսկոպոսն, ինչպէս և ոմանք
 հաւանած են ասել իբր թէ առաջին մե-
 նաստանն Արնջաղայ եղած է Արնջակ ամ-
 բոցի մօտ յանուն Ս. Գէորգայ. իսկ « Ա-
 սայի վարդապետ իսպառ լքեալ զայն՝ գայ
 յայս տեղի և նորոգ հիմնարկութեամբ
 տայ կառուցանել փառացի տաճար ի կո-
 փածոյ քարանց յամին 1551, յանուն սրբ-
 րոյն Յովհաննու Աարապետի », (տես ըՍ-

տորագ. Կաթ. Լջմ. և հինգ գաւառացն
 Արարատայ. Աշխ. Յովհ. Ապիսկոպոսի
 Շահխաթունեանց. հատ. Բ. եր. 319):
 Այս կարծիքն չէ և իմը. և ես ընդհա-
 կառակն կըպնդեմ, որ յիշատակեալ Ս.
 Գէորգ անուն մենաստանն (որոյ համար
 տե՛ս ի ներքոյ) կարող էր վանք Արնջակու
 համարուիլ քանի՛ որ համանուն գաւա-
 ռին մէջն է, բայց ոչ աւելի հին և նշանա-
 ւոր քան այս ներկայս, որ կկոչուի յանուն
 Ս. Կարապետին. ընդհակառակն դեռ Ս.
 Գէորգ անապատի անունն պատմութեան
 մէջ չտեսած, և դեռ չկարդացած որ Ա-
 սայի վարդապետն է շինած վերջինս յա-
 նուն Ս. Կարապետին, կգտնեմք զայն չո-
 բեքտասաներորդ դարու մէջ նորոգուած
 ընդ ձեռն Մաղաքեայի Արիմեցւոյ, և այ-
 նուհետև իրրև ժամանակի երևելի մենաս-
 տաններէն մինն երևելի անձանց բնակա-
 րան եղած. մանաւանդ որ Ասայի վարդա-
 պետէն բաւական յառաջ ծագած Ա-
 տինա - Հայ Ունիթուաց շփոթութեանց

Ժամանակը այստեղ “Ապրակունիսի մե-
նաստանիս”, մէջ զօրացած և զինուոր-
ւած կտեսնեմք Արտանեցին, Տաթևացին,
և այլք, և ոչ ուրիշ տեղ: Աթէ արդա-
րեւ յանուն Ս. Վեորգայ եղած վանքն՝
չէն էր այս միջոցներին մինչև ցԱսայի,
անշուշտ պատմութեան մէջ պիտի տես-
նէինք նորա առաջնորդաց կամ կրօնաւո-
րաց անուններն և արարքն:

Յիրաւի երկրի բնիկ բնակչաց աւանդու-
թիւնն ցարդ ևս կենդանի մնացած է, որ
այս մենաստանն փոխադրուած կհամարէ
այս տեղ, բայց միևնոյն աւանդութիւնն
ցոյց կտայ և առաջին տեղն՝ “չին վան-
քատեղ”, կոչելով զայն՝ որ կանկանի մե-
նաստանիս հիւսիսակողմն գրէթէ քառորդ
վերստ հեռի անտի փոքրիկ բլրակի մի վե-
րայ, որոյ վերայ դեռ կան նաև նշմարելի
արդարև հետք հիմանց շինուածոց. և շատ
հաւանական է՝ որ ժամանակին հանդա-
մանքը կամ դրից անյարմարութիւնն տե-
ղափոխութեան տեղիք տուած լինին: Ինչ-

պէս մենաստանիս գլխով անցած անցքե-
րէն շատ քիչը հասուցել է մեզ պատմու-
թիւնն, նմանապէս և նորա Առաջնորդաց
կամ Անահարց կամ գոնէ ի նմա բնակ-
ւած նշանաւոր անձանց սակաւուց ոմանց
միայն անուներն:

Չորեքտասաներորդ դարու մէջ այսինքն
յամի 1376 կերևի Առաջնորդ վանիցս
Սարգիս վարդապետ ոմն. սորա օրովն կը-
տեսնեմք բնակուած այս մենաստանի մէջ
Մաղաքիա վարդապետ Արիմեցին նորո-
գող վանիցն, և Յովհաննէս Արտնեցի
Կախիկ մականուանեալն, որդի Աւանեայ
իշխանի, աշակերտ Ասայեայ վարժապետի
Նչեցւոյ, որ ձգելով Տաթևի վանքն, ու
հեան առնելով շատ մի կրօնաւորներ կգայ
այս տեղ, և աջակցեալ Սարգիս ու Մաղա-
քիա վարդապետաց՝ կաշխատեն ողորմելի
ժողովուրդն պաշտպանել բանասարկուի չա-
րութեան գործիք — Աատինասայ Աւնի-
թոռաց բորբոքած ազգաւեր հրդեհէն:
Օարմանք բան. 2. Միքայէլ Չամչեան

Ինչպէս չխղճահարի ճշմարտութեան դէմ
 մեղանչելով ջանալ ցոյց տալ կամ հաւա-
 տացնել որ Արոտնեցին, Տաթեացին, Սար-
 գիս և Մաղաքիա վարդապետք ևս համա-
 միտ և համակամ էին Աւնիթոռաց խոր-
 հրրդոցն և վարդապետութեանցն. ըստ իս-
 եթէ սեաւ գոյնն շուովմայ գահին կամ շ.
 Միքայէլին ախորժելի գոյն մի լինէր, ան-
 կարծիք պատմութեան մէջ քսան տեղ,
 և իւրաքանչիւր տեղն ամբողջ գլուխներ
 պիտի կարգէր ու մրէր մաժովի սև լինելն
 ապացուցանելոյ համար:

Մաղաքիայի վանքը նորոգելէն զկնի,
 Յովհան Աախիկ Արոտնեցի կնասի Առաջ-
 նորդ վանիցն, և ժողովելով աշակերտներ
 կուսուցանէ ինքնին. իսկ Սարգիս վարդա-
 պետ կկարգուի Առաջնորդ Աստապատի
 վանուցն, և Մաղաքիա վարդապետ Փո-
 րադաշտ գիւղն եղած միջոցին յանկարծա-
 մահ կմեռանի, որոյ համար Չամչեանն կը
 գրէ, “ Այլ համբաւ թէ Աւնիթոռք դեղ-
 եալ իցեն զնա, ” (հատ. Գ. գիրք Գ.

դւ. Գ. եր. 449), իբր թէ շատ հեռի էր
ի նոցունց այսպիսի ոճիր մի:

Յամի 1388 կը մեռանի և Յովհան Ա-
րոտնեցի և կթաղուի Մաղաքիայի մօտ,
որոց գերեզմանաց ուր լինելն պիտի տես-
նեմք ներքևը. Արոտնեցւոյ տեղն կ'յաջոր-
դէ նորա աշակերտ Գրիգոր Տաթևացին,
որ հւր վարդապետի շաւղացն հետևելով՝
կժողովէ ուխտին մէջ շատ աշակերտներ և
կուսուցանէ. որ և յետոյ ժամանակի վըր-
դովմանց երեսէն Ատաթէի վանքը քաշ-
ւելով կ'մնայ անդ երկար ժամանակ, ուր
և կ'մեռանի, ուստի և կոչուեցաւ Տաթև-
ւացի:

Յետ Գրիգորի Տաթևացւոյ մենաստա-
նիս առաջնորդաց յաջորդութեան կարգը
և անուանքը կ'ծածկուին անյայտութեան
մէջ մինչև ցամա 1654, յորում կերևի
Նսայի վարդապետ Մեղրեցի որ կ'նորո-
գէ զտաճարն, գործակցութեամբ Առաքար
վարդապետի ուրումն: Յետ Նսայեայ յա-
ջորդողների անուանքն դարձեալ անյայտ

կմնան, կերևի միայն յամի 1738 և ազգա-
 կան ՌՆՂՆ Մկրտիչ շուշտակ Եպիս-
 կոպոս, եղբայր Ղազարու Գաճկեցւոյ:
 Եպա կուզան, Կարապետ վարդապետ
 Նախիջևանցի, յետ Կարապետի Մատ-
 թէոս Եպիսկոպոս Նախիջևանցի, յետ
 Մատթէոսի Փիլիպպոս եպիսկոպոս, յետ
 նորա Կարապետ վարդապետ Բ, և յետ
 նորա Երեմիա վարդապետ Մելիք-Թան-
 գեանց Միւնեցի: Սոցա՝ յորում ամի և մին-
 չեւ ցերբ պաշտօն վարելն, նոյնպէս ինչ
 գործ տեսնելն չկարացաք հաւաքել բաց ի
 վերջնոցն, իսկ անուանքն քանի մի հին-
 ու նոր կոնդակներէ և նամակներէ առինք:
 Երեմիա վարդապետ դեռ ի կենդանու-
 թեան Կարապետի կարգուելով Ղանա-
 հայր ուխտիս, և մինչև ցամն 1865, այն է
 մինչև ցմահ վարելով պաշտօն, մեծ յարգ
 և վարկ կվաստակէ շքակայ ժողովրդակա-
 նաց մէջ, և իւր մեծամեծ ու գովելի վաս-
 տակօքն, սրտեռանդ ծառայութեամբն,
 ու ազգի ազգի շինութեամբքն, շնորհակա-

Եւ այս արժանի է: Աւ թէպէտ շինուածոց
 մէջ չի տեսնուի բնաւ կիրթ ճաշակ, բայց
 որ գոնէ նա իւր կարողութեան չափ ջա-
 նացել է պայտառացնել մենաստանն, քան
 քանդել զայն, և եղբարց ու ազգականաց
 տները լցնել, խանութներ բանալ ևլն.,
 ամենայն իրաւամբ պիտի գովեստներ առ-
 նու, և առած է: Այս մենաստանի դիրքը
 կանկանի դիւր տեղ մի, և իւր չորս կողմը
 նայողի աչքի առաջ կբերէ գեղեցիկ և ծի-
 ծաղկոտ տեսարան. հողապատ պարիսպ մի
 բրգաւոր կպատէ զնա. արևելեան պարսպի
 տակէն կանկանի մեծ առու մի, ուստի կը
 վազէ կանցնի մռնչալով և գդգմամբ գարնան
 յորդ անձրևներէն երբեմն երբեմն բարձ-
 րացած հեղեղ զայրագին:

Ե ինութիւն տաճարին սագաշէն, կո-
 փածոյ քարամբք և գեղեցիկ ճարտարու-
 թեամբ. կաթուղիկէ մի բարձր և վայելուչ
 կերպով կանգնած ի թրծեալ աղիւսոյ,
 աւելի շուք կբերէ տաճարին. ունի երկու
 գուռն՝ արևմտեան և միւսն հարաւային.

եղերք արեմատանին զարդարած են աղնիւ
 քանդակագործութեամբ. երկայնութիւն
 տաճարին է 23 քայլ, և լայնութիւնն 19.
 Թաղակապ տանիք եկեղեցւոյն կաթուղի-
 կէիւ հանդերձ հաստատուած է չորս մե-
 ծամեծ սեանց վերայ. ունի սեղան պատա-
 րագելոյ մի միայն, և երկու աւանդատուն,
 որոց ամեն մէկի վերայ դարձեալ մի մի վեր-
 նատուն. աջակողմեան աւանդատան կամ
 խորանի մէջն էր պահուած «Օրհնանքա-
 հողը», որ միւսնոյն դրսի հասարակ հողն է,
 բայց ծածուկ լցուած այստեղ կբաժան-
 ւէր պարզամիտ ուխտաւորաց վերայ, իբր
 սպեղանի զօրեզ. ճարտար խորամանկու-
 թիւնն և շահասիրութիւնն ինչե՞ր առնել
 չի տայ: Չախակողմեան խորանն է պահա-
 րան մասանց սրբոց. այս խորանի յատակը
 աղիւսասալ կազմել տալու ժամանակն
 հանգուցեալ Արեմիա վարդապետն տեսած
 է դուռն մի գաղտնարանի. ուստի անցնե-
 լով մինչև բուն սեղանոյ տակն, գտած էր
 բաւական ձեռագիր մատեաններ, թերևս

և ուրիշ անօթեղէններ կամ զարդեր: Իւրաքանչիւր խորանի գրան ճակատին դրուած է մի մի փոքրիկ գեղաքանդակ խաչքար, և իւրաքանչիւրն ի պատուանդանի խաչին ունի արձանագիր, —

Չախակողմանն է այս. “Սուրբ խաչս յիշատակ է Տէր Ազարիա Ապիսկոպոսին և ծնողաց նորին հաւրն Ալթունդաշին, և մաւրն Փայխաթունին յիշեցէք ի Վրիստոս. թվին ԹՎԻ, , . իսկ աջակողմեանն է. “Ս. Խաչս բարեխօս առ Վրիստոս Մահտեսի Արակոսի և ծնողաց Շահունին թվին Ա՛Օ՛Գ, , : Ակեղեցւոյ մէջն նկարուք զարդարուած է եղել, որոյ մնացորդքն սեղանոյ տանեաց և կաթուղիկէի վերայ կարտափայլեն ոչ բոլորովին անկիրթ ճաշակ. իսկ մնացեալ տեղերն ծածկած է սպիտակ սուաղ: Բաց ի յիշատակեալ արձաններն, նաև արտաքուստ երկու խաչքարանց վերայ եղեալ կայ գրութիւն. առաջին արձանագիրն է արեւմտեան որմոյ ճակատին լուսամտէն բարձր հաստատուած

խաչքարի պատուանդանի վերայ այսպէս.
 “Նսայի և Ղազար վարդապետ շինողք
 ԹՎ Ռ․ , , . և միւսնոյն խաչի թևոց մէջ տե-
 դը այսպէս. “ԹՎ․ ՌՂՂ, , : Նրկրորդ
 խաչքարն է հիւսիսային որմոյ վերայ լու-
 սամտէն բարձր հաստատուածը, որ ունի
 այս “Նսայի վարդապետ շինող․ ԹՎ․
 ՌՂՂ, , : . . .

Ունեցած է այս տաճարն յարեմաից
 կուսէ գաւիթ փոքրիկ քարամբք և թըր-
 ծած աղիւսով շինեալ․ այժմ միայն գաւ-
 թի կամարաց հիմունքը կամ բարձքը կը
 նշմարուին չորս տեղ․ երկու բարձերի վե-
 րայ հանգուցեալ Նրեմիա վարդապետն
 շինել տուած է կոփածոյ քարամբք փոք-
 րիկ զանգակատուն, որ ոչ միայն թերի
 մնացած է իւր մահուամբն, այլ քարերի
 կրանիւթ լինելուն պատճառաւ այժմ կոր-
 ծանման վտանգի մէջ է․ ի հարաւոյ կըց-
 ւած է տաճարիս մատուռ մի փոքրիկ եր-
 կարաձև յանուն Ս․ Ստեփաննոսի, նոյն-
 պէս կոփածոյ քարամբք և վայելչակերտ,

յիշատակ Շօռութեցի Խօջայ Այվաղին,
որոյ յիշատակագիրը ի ներքս մատուան կա-
մարի երկու ծայրերին գրուած է կարմիր
գեղով այսպէս.

«Ի թուոյ ազինս մեր Հայկի,

Հազար հարիւր վաթսուն և երեքի.

Խօջայ Այվաղն գովելի,

Յոյժ բարեպաշտն ցանկալի.

Տեղեալ գոյով Շօռութեցի,

Շինեաց տաճարս այս նազելի.

Յանուն Ս. Ստեփաննոսի

Նախավկային մարտիրոսի.

Իւրն յիշատակ է միշտ կենդանի,

Արով Քրիստոս պատարագի.

Մասն և բաժին իւրն լիցին,

Եւ ճնողացն Մկրտչին և Ղատարին.

Եւ կողակցին Թառիկին, և

Քեոցն Աննայուն և Փառանկուն.

Եւ Գասերացն և իւր տան

Արբանեակն է Մարգարիտն,

Օր Տէր Աստուածն ամենայնի,

Օինքն ի ցասմանց անփորձ պահի.

Արկար կենօք յայս աշխարհի,
 Պայծառ փառօք ի յասենի.
 Աթոռս մեծին Յովհաննիսի,
 Իւրն օգնական միշտ լինիցի.
 Թէ առաջնորդ թէ միաբանք,
 Եւք յԱյվազէն շնորհակալ , , :
 Այս մատուռն Ս. Ստեփաննոսի ունի
 Իւր տանեաց վերայ հաստատուած երկ-
 յարկ զանգակատուն. առաջին յարկն քա-
 րաշէն՝ յիշատակ Նախիջևանցի Աղամա-
 շին, որոյ արձանագիրն դրուած կայ արեւ-
 մտեան հարաւոյ սեան ճակատին այսպէս.
 « Յիշատակ է զանգակատունս Նախ-
 ջուանցի Աղաջանի որդի պարոն Աղամա-
 շին ի ԱՆՂՕՒԹ թուին , , . երկրորդ յարկն
 կանգնեալ յաւուրս Արեմիայ վարդապե-
 տի թրծած աղիւսովք, յիշատակ է Շու-
 շեցի բարեպաշտօն Վարապետ աղայի Շահ-
 մուրաատեան, որ և ունի յարեւմտեան որմն
 զանգակատան ազուցեալ փոքրիկ մարմա-
 ըիոնի վերայ իւր յիշատակագիրը:

Ս. Ասթանք.

Տաճարի արևելակողմն քարալիփ մէջ
բաւական խորութեամբ փորուած ջրոյ ա-
ւաղան մի կայ, ուր տեղ հոսել է յառաջ
աղբիւր ցուրտ ջրոյ « Ս. Ասթանք », ա-
նունով . և ինչպէս կպատմեն, ամեն կիւ-
րակնամուտ երեկոները մո՞՞ կը վառէին
այս տեղ . աւանդութիւն բնակչացն Ապ-
րակունեաց կասէ թէ՛ այնքան յորդ ջուր
կվաղէր այս սուրբ Ասթանքէն, որ մինչև
անդամ Պարսիկ աւաղակ խումբերէն շըր-
ջակայ Հայ գիւղորէից բնակչաց այս մե-
նաստանի մէջ ամրացած ժամանակը՝ բազ-
մաթիւ գերդաստանաց պիտոյից բաւակա-
նութիւն կտար . և ցամաքեցաւ կասեն
վառաբարոյ մարդոյ մի մեղաց պատճառաւ,
որ գարշ գոլ ծով անարդած էր սորա յար-
գը Աւարդավառի խառնիճաղանձ բազմու-
թեան ժամանակը:

Երնջակող Ս. Կարապետի այս մենաս-
տանը առհասարակ տեղական Հայ և Մահ-
մետական բնակչաց մէջ հռչակուած է իբ-

րեւ բուժիչ խայթուածոց օձից. երբ որ
 մէկը հարաւ օձէն, պէտք է գիտել որ խո-
 կոյն կբերուի այս տաճարի դուռն. ուր
 օրհնութեան ասացեալ հողէն (որոյ հա-
 մար յիշած եմք) քիչ մի օձահարի բերա-
 նը ձգել տալով, և քիչ մի ջրով շաղկած
 խայթուածի վերան կապելով կմիամտուին
 բոլորովին: Այս դէպքը քանիցս անգամ
 կրկնուած է իմ օրովս և տեսած եմ որ
 ինչպէս Հայ, նոյնպէս և Մահմետական
 օձահարները այնուհետև որչափ ուրախու-
 թիւն կզգան իւրեանց մէջ: Այսպիսի
 փորձերով կարելի է կշռադատել թէ՛ ներ-
 քին անդորրութիւնն սրտի որչափ ներ-
 գործութիւն կարող է ունենալ մարմնոյ
 վերայ:

Մասն-ն + Ա. անիցս.

Ա. Հաղարատիէն ասացեալ Ս. Աշան,
 արծաթեայ մեծադիր ոսկեղօծ քառաթե-
 պահարանի մէջ. այս Ս. Աշանն ոմանք կը
 համարեն լինել մասն կոնքին, որի մէջ
 Քրիստոս իւր աշակերտաց ուները լուաց.

իսկ ոմանք մասն թաշկինակի Տեառն, տեղ-
 ւոյս արաջնորդ Մատթէոս Ապիսկոպո-
 սի, ներկայ միջոցէս յիսուն տարւոյ չափ
 յառաջ առ ժողովուրդն ուղղած օրհնու-
 թեան թղթին մէջ վերջինն կճանաչուի,
 այսպէս սկսելով, « Ի դրանէ Արնջակու
 Ա. Աարապետի շնորհալի տաճարէն, և Ա.
 Թաշկինակէն Քրիստոսի , և ըն. իսկ
 Մանուէլ Ա. Աիւմիւշեանցի կհամարէ
 լինել առաջինն: « Հաղարափրկիչ, կոչ-
 ւելոյ պատճառն կմեկնէ աւանդութիւն
 բնակչաց երկրիս, և կհաստատէ նոյնն լի-
 նել որ ինչ « Մարդաղաւնեաց, սուրբ
 նշան կոչուելուն, հին յիշատակարաննե-
 րի մէջ: Թաշկեցւոյ « Յանկալի գրախո-
 տի, 672 երեսին՝ այս սուրբ նշանի հա-
 մար կպատմուի թէ՛ երբ որ Աանկթա-
 մուր կգերէ Աիւնեաց երկիրը, մի ի գերե-
 լոցն Ապիսկոպոս Յովհաննէս անուն այս
 սուրբ նշանն յուսն կապած կձգէ զինքն
 ի գետն և « շնորհօքն սուրբ նշանին զը-
 նայր ի վերայ ջրոյն՝ որպէս ի ցամաքի, »

գերեվար զօրքը տեսնելով կպարհուրին և
 կյայտնեն Նանկ - թամուրին, որ երգմամբք
 կհաւատացնէ շնորհակալ, միայն թէ գայ և
 պատմէ իրան թէ ո՞ր զօրութեամբ ջրոյ
 վերայ անմնաս կրնի թանայ. և եպիսկոպոսն
 մօտ գալով կյայտնէ թէ՛ այս Ս. Նշանի
 զօրութեամբ որ ինձ հետ է. թագաւորն
 հրաշից վերայ զարմացած կասէ եպիսկոպո-
 սին, ինչ որ կուզես՝ խնդրէ և տամ. և ե-
 պիսկոպոսն ցոյց տալով մօտակայ փոքրիկ
 մատուռն մի՛ կասէ, խնդրեմ որ որչափ գե-
 ռիք պարուհակուին այս մատրան մէջ՝ ա-
 զատ լինին. որ և իսկոյն կկատարուի. բայց
 մտածները սուրբ Նշանի զօրութեամբ ա-
 զաւնոյ թև առած լուսամտէն կթռչին
 կերթան, և այսպէսով կարճ միջոցի մէջ
 գերիքը կվերջանան, և մատուռն չի լցուի.
 զօրքը ապշած ներս կմտնեն, և հասու լի-
 նելով հանգամանքին, իսկոյն ահաբեկ կը
 թողուն կմեկնին անտի. այսպէսով սուրբ
 նշանն երկու անունն ևս կառնու. «Մար-
 դաղաւնեաց», որ մարդկանց աղաւնուոյ թև

պարզեցնելով կազատէ, և « Հաղարափըրկիչ », որ հաղարաւորները կփրկէ. նոյն մատուռն՝ որոյ համար կպատմուի այս հըրաշքը, և ուր սուրբ նշանն երկար ժամանակ մնացած է մինչև ցփոխադրութիւնն, կոչի այժմ « Գիւղիւ վանք », և է « Մախիջեան դաւառի Առինջ գիւղէն եօթն վերստ հեռի, այլ ամայի և լքեալ »:

Հայր Միքայէլ Չամչեան առասպելեաց կարգը դասելով այս աւանդութիւնն, կը գրէ. « այլ այս առասպել լք չունին պէտս քննութեան, և թէ կայցէ խաչ այնպիսի անուամբ, մի ոմն ի գրողաց յօրինեալ իցէ զայսպիսի անհեթեթ պատճառ, վասն յարմարելոյ զնշանակութիւն անուանակոչութեան նորին: Աւ դարձեալ, « Այն է զարմանալին, զի Զահկեցին իբրև ստոյգ ինչ ի մէջ բերէ զայս. բայց թուի թէ ոչ ինքն, և ոչ միւս պատմողն հաւատան այնմ՝ զոր գրեն, » (տես Չամ. Պատ. հատ. Գ. ծանօթ. Զ. գրոց եր. 881—882):

Պատմական ապացուցութեամբ ստուգ-
 ւած չէ՝ թէ երբ, և ուստի՝ բերուած է Ս.
 Նշանա, կամ երբ փոխադրուած այս մե-
 նաստանը, միայն Ջահկեցին կգրէ, որ
 Թադէոսի առաքելոյ Հայաստան բերած
 խաչն է: Ա երջին ժամանակներս Վիւմիւշ-
 խանցի Մանուէլ վարդապետն, իւր Աե-
 ւանայ վանուց ստորագրութեան մէջ կ յի-
 շէ թէ՝ Թադէոս առաքելաւն Աոնքի մասե-
 րէն երեք խաչ շինելով իւր ձեռամբն բե-
 րած է Հայաստան, յորոց մինն այս Ե-
 րրնջակու Հաղարափրկիչ Ս. Նշանը, միւս՝
 Աւանայ վանուցն, և երրորդն՝ Գրիգո-
 րիօպօլ քաղաքին Նրիմու: Այս Հաղա-
 րափրկիչ Ս. Նշանս ոչ միայն երկրի Հայ
 բնակչաց, այլ և օտարաց և նոյն իսկ Մաս-
 մետականաց ակնածելի և նուիրական է,
 և ես քանիցս յոեսած եմ Մասմետական-
 ներ զոհիւք եկած յերկրագագութիւն, ա-
 մեն ժամանակ կան սորա ջերմեռանդ ուխ-
 տաւորները, և երբ ձախորդութիւն կամ
 մօտալուտ վտանդ կամ ցաւ պատահի ժո-

Գոփրդեանս և երկրի, ամենքն առհասարակ
 ջերմեռանդագինս արտիւ կղիմեն դէպ ի
 ս.ս, և շրջեցնելով իւրեանց մէջ թափո-
 ըսկան հանդիսիւ՝ կհայցեն բարեխօսու-
 թիւնն յօգնութիւն: Բայ ի այս ժամա-
 նակները, Նախիջեանի բարեպաշտ ժողո-
 վրդոց վաղեմի սովորութիւնն է ամեն տա-
 րի Վանաչ Աւերակէին շքեղ հանդիսիւ
 քաղաքը տանել:

Բ. Աջ Ս. Կարապետին Յովհաննու
 արծ. ոսկեղօծ:

Գ. Աջ Յովհաննու Ասկերերանի արծ.
 ոսկեղօծ:

Դ. Խաչ արծ. մեծազիր մասամբ Ա.
 Կարապետին. յիշատակ տուեալն վանիցս
 Տ. ուղայեցի Յակոբը Կաթուղիկոսէն թվ.
 ՌՂԵ:

Ե. Խաչ արծ. չիֆթիշի, մասամբ Պե. տ-
 րոսի առաքելոյն:

Չ. Խաչ արծ. չիֆթիշի. մասամբ Ա.
 Կարապետին և Պե. տրոսի Ա. աքելոյն:

Կ. Խաչ արծ. մասամբ Աննաց Փայտի:

Բ. Խաչարծ. մասամբ Ա. Կարապետին :
 Թ. Խաչ. արծ. չիՖթիշեք երեք անյայտ
 մասամբք :

Ժ. Տուփք երկու՝ մինն արծ. ոսկեղօծ,
 միւսն փայտեայ, պարունակեն զմասունս
 սրբոց, այլ չէ յայտ թէ որոց :

Չեւագիր ճարտանք Ա. անիցս.

Չիք տարախոյս որ այս մենաստանն պի-
 տի հարուստ գրադարան ունեցած լինի,
 բայց դժբաղդաբար կորցրել է ամենը մեր
 Հայաստանի միւս վանօրէից նման, է որ
 հարստահարութեանց և յափշտակու-
 թեանց և է որ սգիտութեան խաւարի
 թանձրանալուն պատճառաւ, որով յարգ
 և արժէք չունենալով դիւրաւ կարող
 էին ոչնչանալ. այժմու ունեցածներն մի-
 այն քանի մի հատ ձեռագիր Աստուածա-
 շունչ և Աւետարան են դիպուածով գրու-
 նուած ինչպէս յիշած եմք, որոց մէջ նը-
 շանաւ որներն են.

Ա. Աւետարան փոքրագիր ամբողջ,
 պատկերադարդ, ընտիր գրչագիր գրեալ ի

մագաղաթի ի Վ. Պօլիս ի թուինն Հայոց
 ՌՎԼԵ. յՆ զիս դարէ Համդեցոյ. ունի
 ի վերջն յիշատակարան գրողին և ստա-
 ցողացն՝ Մարինոս կուսի « Ար ետու (ա-
 սէ) զայս ոսկեղօծ սուրբ Մեթոարանս յի-
 շատակ հոգւոց մերոց և ամենայն արեան-
 առու ազգասոհմին մերոյ՝ կենդանեաց և
 ննջեցելոց ի դուռն մեծի անապատին Աէ-
 վանայ, որ յերկրին Գեղամայ ի
 թուականինն Հայոց ՌՃԻԵ, , , և Մկրթ-
 ախ Վարդապետի, որոյ յիշատակարանն
 է « Գարձեալ երես ի գեանի եդեալ ա-
 դաչեմ ի մաքրափայլ աղօթից ձերոց, ով
 սրբանունդ հանդիպողք սուրբ գեղեցկա-
 նկար և աստուածաբան տառիս, յիշեցէք
 ի Քրիստոս զվերջին ստացող սորին զՏէր
 Մկրտիչ բազմաշխատ վարդապետն՝ որ է
 առաջնորդ Արքայ Կորսուպետիս որ ի դաւա-
 որս Երինջակ: Ար և զայս ոսկիակազմ և
 սուրբ մատեանս աստուածային եւս յիշա-
 տակ ի սմա: Եւ զճնողքնորին զտէր Մկրթ-
 ախ քահանայն, և զՎարդապետն հեզա յո-

գին և եղբարք նորին ըստ մարմնոյ զտէր
 Վազար քրտնաջան վաստակաւոր Հայ-
 րապետն ամենայն Հայոց և զտէր Անդրէ-
 աս պարզամիտ քահանայն ի
 թուականիս Հայոց հազար հարիւր իննը-
 սուն և վեց , , :

Բ, Աւետարան փոքրագիր ամբողջ գե-
 ղազարդ պատկերօք ընտիր գրչագիր գրեալ
 ի մագաղաթի. թուականն և անուն գրչին
 անյայտ, ունի ի վերջն յիշատակարան
 ստացողին — Շօթօթցի Խօջենց Մկրտչի
 որդի մահտասի Հայրապետին, այլ ան-
 թուական;

Գ, Աւետարան փոքրագիր ամբողջ գր-
 եալ ի թղթի, ի սկիզբն ունի նօտրագիր
 յիշատակարան ստացողի ի տեղիս տեղիս
 եղծեալ, և է այս, «Նուստ ծառայս
 Աստուծոյ Վրիգորի, անք
 զաստուածապատում մասեանս ի
 արդեանցս ի, . . . ելու մն ինձ և ոյ
 իմ անկեալ ամենից ք
 սմայ յիշեսջիք յարժ, թս ձեր զըս-

տացող իմ . և որք յիշման զմեզ
 զինքն իւր երկնից արքայութեանն
 առնէ ամէն գրեցաւ թվ . ՊԱ . , , .
 ի վերջ Աւետարանին Մատթէոսի « Օրս-
 տացաւ զ սուրբ աւետարանիս զգերապա-
 տիւ զաստուածասէրն և զմար-
 դասէրն ամենայն զարմիւք ճնողաւք և
 բնաւին ազգականաւք յիշեցիք ի Քրիս-
 տոս Աստուած ի քաւութիւն ամէն , , .
 իսկ ի միւս երես թղթոյն « Ա երստին ըս-
 տացայ զաստուածախօս սուրբ Աւետա-
 րանս ևս նուաստ ծառայս Աստուծոյ տի-
 րացուս և ին և եղաք ի սուրբ ուխ-
 տրն ի վանքն Ապահունեաց ի սուրբն Նի-
 կողայոս գրեցաւ գիրս Հայոց թը-
 վականին ՊԺՕ . մարտի ԻԲ , , . ի
 վերջ Աւետարանին Յովհաննու « ի թը-
 վականիս Հայոց ՌՃՂ . ի Հայրաստ-
 ութեան Ս . Լջմիածնի Տ . Յակոբոյ և
 ի թագաւորութեան փոքրն Շահաբասին ,
 ևս Յովհաննէս եպիսկոպոս սպասաւոր և
 վերականգու Սաղմոսավանից և Առաւորչի

սուրբ յանապատիս, տուել էր Այ սրանցի
 մելիք Յովասափ էրէցն վախմ. մէք այլ
 տեսինք և իմացանք այս սուրբ աւետարա-
 նրս որ Աստուածընկալ սուրբ Աշանիս
 էր, և ին. ապա դայ նօարգիր յիշատակա-
 րան թուականի և գրչի Աւետարանին
 « Փառք ամենասուրբ Արքորդութեանն և
 մի Աստուածութեանն ամէն. գրեցաւ Ս.
 Աւետարանս ի թվ. 2ՕԸ. ի մեծ դրպ-
 րատանս որ կոչի Գալիձոր ի վարժապե-
 տութեան մեծիս Ասայեայ, և եռ ամեծին
 Գաւթայ, ձեռամբ անիմաստ գրչի Տիրա-
 տուր Աիլիկեցւոյ, և ին:

Դ. Աւետարան մեծադիր փառապարդ
 պատկերօք և նկարուք. ընտիր գրչագիր
 գրեալ ի մագաղաթի, ամբողջ մի երեսն
 արծաթապատ, յորում և պատկեր մկրր-
 տութեանն Քրիստոսի. ի բուն սկիզբն
 ունի յիշատակարան Տէր Աւագայ, գնո-
 ղի զայս աւետարան ի թուականին ԹՁԱ,
 և տուողի ի դուռն Ս. Աշանին վախմ.
 ի վերջն ընդ երկար յիշատակարան ստա-

ցողի նորին Աւրդան կուսակրօն քահա-
 նայի, “ իսկ ի թուականիս Հայոց
 Չ. յամս աստուածապատիւ մեծի Աս-
 թուղեկոսիս Հայոց և հասարակաց հաւրս
 հեռուն Առտանդեայ, զոր Տէր Աստուած
 ընդ առաջին հայրապետացն դասեցէ.
 ընդ որս ես Աւրդան կուսաս ծառայ
 Քրիստոսի և աշակերտ սուրբ տանս և
 ըստ շնորհացն Աստուծոյ ըսպտաւ որ և
 փակակող մեծափառ հաճարացս Աստու-
 ծոյ տանս հայրապետական, աստուածա-
 պահ դգեկիրս որ կոչի Հռոմկլայ :

Ե. Աստուածաշունչ մեծադիր ամբողջ
 և անարատ, գրեալ ի մագաղաթի ընտիր
 գրչագիր, ոսկե՛նկար և փառազարդ պատ-
 կերօք շքնդացեալ . ի վերջն ունի ձիգ յի-
 շատակարան թորոս Ա . ստացողի գրոյն,
 “ Այդե սկիզբն գրոյս և աւարտումն Առ-
 տանդեաւ պօղիս ձեռամբ Աստուածատուր
 դպրի ի թվականու թեանս Հայոց Ա.Չ. . .
 ի ներքոյ սորին գայ և հեռեւարդ. “ Ի թը-
 շին ԱՂԺԻ. ի հայրապետութեան տեա-

որն Յակոբայ եղաւ սուրբ տառս ի վանս
 Երինջակայ ի վայելումն հեզասոգի մեծ
 վարժապետին Ասայեայ, զոր յայսց աւու-
 րրս նոր նորոգեալ կոփածու վիմով և գե-
 դեցկազան յօրինուածով զսուրբ եկեղե-
 ցին որ Ս. Աարապետ վերածայնի, որ և
 իսկ յորդորիչ եղև սուրբ գրոյս, զի ան-
 ջնջելի յիշատակ կացցէ ի սուրբ ուխտս
 Ապրակունեաց, , :

Օ. Աստուածաշունչ մեծազիր ոսկե-
 զօծ նկարուք և փառազարդ պատկերօք
 ընտիր և զարմանալի գրչագիր գրեալ ի
 մագաղաթի ամբողջ. իսկ շատք ի պատ-
 կերացն և նկարացն մնան դեռ թերիք և
 շատիցն դեռ տեղիքն թողեալ մնան առանց
 սկսանելոյ. չունի յիշատակարան:

Է. Աստուածաշունչ մեծազիր գրեալ ի
 մագաղաթի ընտիր գրչագիր ծաղկանկար.
 այլ ի խոնաւութենէ ի տեղիս տեղիս եղ-
 ծեալ և խրթնացեալ. ունի երկար յիշա-
 տակարան, յորում և պատմին համառօ-
 յիւ արարք և խռովութիւնք Ազիազարու

Անթապոլոյ, ստացող գրոյն է Տաճկեցի
 Հայրապետի որդի խօջայ Բմիրզան, որ
 ետ յիշատակ զսա անջնջելի և անանց
 առ սուրբն սիօն, բարձրաբերձ գահն, և
 յերկնաքառակ ասթոռն Արընջակու
 ի թուականութեանս Հայկականի սեփ
 ԱՆ՝ և ԺԳ՝ ամի ի ծովապար և յարքա-
 յանիստ քաղաքն Բստամբուլ, :

Բ. Նարեկ միջակադիր, անթերի գրեալ
 ի թղթի ի թուին ԱՆ՝ՕԿ:

Թ. Մաշտոց, զիրք ծիսակատարու-
 թեան, մեծադիր գրեալ ի մագաղաթի ըն-
 տիր գրչագիր. չունի յիշատակարան:

Ապա-տժ+ Մենաստանիս .

Մենաստանս ունի հարիւր խալիփարա-
 չափ հող, յորմէ քառասուն խալիփայն ան-
 ջըրդի. նմանապէս այլի մի, ծառատունկ
 պարտէզք երեք, ջրաղաց մի և ձիթահան
 մի:

Արդի-ն+ Մենաստանիս .

Այս վանքի արդեանց աղբիւրներն են,
 երկրագործութիւնքն, յուխտաւորաց գո-

յացեալ նուէրք, Ա արդավառի հանդի-
սաւոր ուխտի արդիւնքն, և սրբոց մա-
սանց ըստ սովորութեանն ի Նախիջևան
և յայլուր տանելն:

Ե Ինո-ւ-ժ-Ք Ենաստանիս.

Քսան տարի յառաջ այս վանքը դրե-
թէ օրինաւոր սենեակներ ունեցած չէ կրօ-
նաւորաց և հիւրոց բնակութեան համար
բաց ի հարաւ ախաղճն եղած « աս աջնոր-
դարան », ասացեալ թաղակապ երկ յարկ
աները, մինչև որ Արեմիս վարդապետ յա-
ւուրս իւր կանգնել տուած է քանի մի
սենեակներ:

Գ Երեզմանատուն.

Հիւսիսակողմն պարսպի մօտ փոքրիկ
քլրակի վերայ է դերեզմանատուն վանիցս,
ուր ամփոփուած են մարմինք միաբանից
տեղւոյն. նոյն կողմն դարձեալ, բայց բուն
պարսպի տակ կան քանի մի գերեզմաններ,
որք կկրեն խոյաձև տապանաքարեր. կերե-
ւին սոքա բաւական հին, բայց դժուար է
որոշել թէ որո՞յ ժամանակի, և որո՞ց մար-

մինքն են ածիւնացեալ. մօտ օրերս դիպ-
 ւածով երևեցան հարաւային պարապին
 տակ քանի մի գերեզմանք՝ որք մինչ ցարդ
 աննշմար անյայտացած էին խճան իւթ կար-
 կառին մէջ. ի ներքուստ ամենքն մաքուր
 բռած և յարդարած փոքրիկ խրճիթիկներ
 էին, ուր կային միայն օսկերոտիքն, զորս ի
 նկատի առնելով, գուցէ սկամայ ճշգրտ-
 տած լինիմք Օրբելեան Ստեփաննոսի այս
 խօսքերը՝ «Քի գոն աստ գերեզմանք հայ-
 րապետաց, որք էին պատահմամբ եկեալ
 վասն ամբուլթեան բերդին ի ժամանակս
 եպիսկոպոսացն Վիւնեաց, և անդ վախ-
 ճանեալ,,. (տես Պատմ. Վիւնեաց Ա.
 Օրպ. հատ. Բ. եր. 110, ի լոյս ընծ. Ա.
 Վ. Է. ահնազ):

Ապրակո-նի+ հաճ Ապրակո-նիս.

Սուրբ Վարապետի վանուց արևելա-
 կողմն կէս վերստ հեռաւորս թեամբ և
 Նրնջակայ գետի աջոյ թևի վերայ ընկած
 գիւղ մի է: Սորա անունը պատմութիւնը
 կ՛սկիչէ ԺԳ դարու անցից մէջ, բայց ան-

շուշտ նոյն ժամանակէն աւելի հին պիտի
 լինի: Այս գիւղի հին ու նոր դիւրքը և
 անձուկ սահմանները ի նկատի ունելով,
 գիւրաւ կհասկացուի՝ որ թէև հին, բայց
 ոչ երբէք բազմաբնակ գիւղ եղած է.
 Ազգար Զահկեցւոյ պատմելովն ինչպէս
 շրջակայ շատ գիւղորայքն, նոյնպէս և
 Ապրակունիս շրեքտասաներորդ դարու
 սկզբներէն խնորուել է և բաժանուել
 հայրենի եկեղեցւոց ծոցէն ջանիւք Աւնի-
 թօռաց. վերջին ժամանակները, երբ այդ
 Ատինասայ խումբը կքակաուի, կհալա-
 ծուին ու կփչանան, թողլով միայն անա-
 գորոյն անխիղճ արարմանց սարսեցուցիչ
 յիշատակները, նոցուն քարոզութեան
 որդիքը — պապական եկեղեցւոյ զաւակ գը-
 րուած քանի մի գիւղօրէից բնակիչները
 վերջին թշուառութեան մէջ կրնկնին,
 ըստ որում համարիւն եղբարքը կգարչե-
 ին, և Պարսիկներն իբրև անտերունջ ժո-
 ղովուրդ մանաւանդ իբրև նոր դինի յե-
 նուած խորշիկ խումբ՝ ամեն հնարաւոր

ջարջարանքը, նեղութիւնները, և վշտերը
 անխնայ կհասցնէին, այս ամէն միջոցները
 կպատրաստեն Հայաստանեայց անարատ
 եկեղեցւոյ գրկէն զատուած, և օտարա-
 ցած 15—20 ի ջափ զիւղորէից ողորմելի
 ժողովրդեանն Պարսկական կրօնն ընդու-
 նելու իբրև միակ միջոց առօրեայ անդոր-
 րութեան և խաղաղութեան, և ահա այս-
 պէսով բոլոր կհասլաարին խեղճ հայերը
 կրօնի հետ միասին կկորցնեն և լիզուն և
 ազդութիւն յանդարձ տարագրութիւն.
 որով և քստմնելի հարուած և անբուժե-
 լի վէրք ազգի, միւս զիւղորէից վերայ խօ-
 սելն առանձին առանձին տեղեաց թողով
 դանք **Մարտիկունիս**:

Թահկեցիս եր, 334 պապական զիւ-
 ղորէից Պարսկական դէն ընդունելն գրբե-
 լով կասէ. « նմանապէս և յերկրին Վա-
 խիջեանայ Մխթարմայից զեղօրայքն բա-
 ղումք դարձան ի կրօնս Պալսից, որպէս
 Սայիթաղ և Քռնայ, և ըն. հսկ Մարտ-
 կունիսի, Թահբունիսի, Կոշկաշէնի և

Ապարաների համար կգրէ թէ «սոցա մեծ
 մասն,, ո՛ւր է հապա արդեօք Ապրակու-
 նիսի ի կրօնս Պարսից դարձած մեծագոյն
 մասն բնակչաց, և ո՛ւր պապի զաւակ մը-
 նացած փոքրաթիւ մասն, այժմ ոչ ա-
 ռաջնոյն տեղն կերելի, ոչ վերջնոյն. ա-
 ռաջնոյ համար հաւանական է կարծել
 թէ տեղափոխուած լինին ուրիշ մահմե-
 տական գիւղեր. իսկ երկրորդի համար թէ և
 շատ անաղան, կրկին ընդունած լինին իւ-
 րեանց հայրենի եկեղեցին, և մտած նորա
 ծոցը. և այս սորա համար շատ անաղան
 ասացինք, որ ինչպէս կերելի՝ Ապրակունի-
 սի այդ մնացած փոքրաթիւ Ատինասա-
 յոց դարձի վերայ հազիւ 180 տարի ան-
 ցած լինի, դեռ մինչև ցայսօր գիւղես մէջ
 գերդաստան մի կայ, որոյ տոհմի ազգա-
 նունը թէ և «Մահակեանց,, բայց սովո-
 բարար ամենքն ևս «Գռանկեանց տուն,,
 կհոչեն: Ապատմեն ծերունի բնակիչք զեղ-
 ջըս՝ թէ այդ Գռանկեանց տունը պառաւ մի
 կար՝ որ երբ եկեղեցւոյ մէջ երեք անգամ

կկրկնէին: «Առ ըբ ասառւած որ խաչեցա-
 ըրն, կզայրանար կասէն, և կպոռար. նոյն-
 պէս երբ «Հրաժարիւքք, ասելով կզառ-
 նային եկեղեցւոյ մէջ զէպ յարեմուսս,
 կբարկանար սաստիկ և կանարդէր մօտը
 կացողներին. բայց այտի, զիւղի ծերունի
 բնակիչներն մինչև ցայսօր իսկ կպատմեն թէ
 «Մերն զեղն ժամանակով Հայու թիւ-
 նեց պրանվերայ Քրանկու թեան, յետոյ
 էլի Հայու թեան,»: Այս զիւղն ունի եկեղե-
 ցի մի յանուն Ս. Վէորդայ. մինչև ցամն
 1868 անշուք և խարխուլ շէնք մի էր, այ-
 ժըմ նոր ի նորոյ կնորոզուի Հասարակ
 քարամբք և տանիքն թրծած աղիւսով՝
 թաղակերտ, միայն ամբողջ և անարատ
 թողած են սեղանը՝ որ կամարակապ է շի-
 նուած. արդէն այս սեղանի վերայ կընշմա-
 րուի դեռ Ատաինական ախորժի մնացորդ.
 եթէ սորա վերայ սրբազնագործող քա-
 հանայն զիտենար, թէ Ատաինաձև շէն-
 քը, սրոյ վերայ ինքն կացած է, քանի
 տխուր և արտասուելի անցից պատճառ

եղած է, կարծեմ որ ամեն վեր եղած ժա-
 մանակը գողար և սարսէր: Այնպէս
 հիմունքը քանդած ժամանակը դուրս ե-
 կան հարիւրաւոր խաչքարեր, որոց ոմանց
 վերայ կնշմարուին նաև հետք անարուեստ
 ձեռքի գրած արձանագրութեանց, ան-
 վերձանելիք. միայն մէկի վերայ նշմար-
 ութեցաւ «թվին Ը Ն», բաց աստի երե-
 ւեցաւ և փոքրիկ աշտանակի բարձրու-
 թեամբ մարդոց հասակի օրինակ գիպսէ
 (գած) շինած արձան մի, որ մարմարէն
 ամենևին որոշել չեր լինի, և այս արձա-
 նի վերայ փորագրուած էր Տիրամօր պատ-
 կեր, Վրիստոս ի գիրկն:

Այնպէս հարաւակողմն երեսուն քայլ
 հեռաւորութեամբ առապարի մի վերայ
 կայ փոքրիկ խրճիթանման շէնք մի, որոյ
 շորս կողմի հասարակ որմունքն կան երկու
 արշին ու կէս բարձրութեամբ. երեք խաչ-
 քարինք կային անշուք յարկիս մէջ, որոց
 մէկի վերայ մաշուած ու անվերձանելի
 տառից նշոյլներ, խաչքարանց շորս կողմը

շարուած բազմաթիւ խեցեղէն ճրագա-
 րաններ, ասացին որ այս Սուրբ Յովհան-
 նէսն է (շատ զօրաւոր սրբատեղ), ի պա-
 տիւ որոյ ամեն կիւրակամուտ երեկոները
 բարեպաշտ կանայք ճրագ կվառեն. պատ-
 մեց մեզ գիւղացի ծերունւոյ մէկը՝ թէ մեր
 գիւղացիներէն մինն կամեցաւ նորոգել այն
 սուրբ Յովհաննէսն, բայց երազ եկաւ իրան
 թէ ձեռ մի՛ տար, այլ ո՞՞նք ևս պատմեց, որ ե-
 րեսայի մէկին 1870 ամի Փետրուարի ամ-
 սին երազով յայտնել է՝ թէ իմ մօտի թը-
 թի ծառի տակը քանդեցէք, երեք աման
 փող կայ պահած, երկուսն հանողին լի-
 նի, իսկ մինն գործ դրուի իմ նորոգու-
 թեան համար. բայց դեռ ոչ ոք ձեռ տը-
 ւած էր թթենւոյն: Ի հիւսիսոյ կողմանէ
 գիւղիս առուակի աջ թևի վերայ կայ
 բարձր առապար մի բլրակաձև, որոյ վերայ
 կանգնած են երեք մեծամեծ խաչքարինք,
 որոց համար ասացին լինել սահմանի որո-
 շիչներ, ըստ որում այսպիսի խաչքարինք
 կան կասեն հաստատուած և քանի մի տե-

զեր, որոց մի քանին այժմ հողով ծած-
 կուած: Յիշեալ խաչ քարանց մէկի վերայ
 կնշմարուէին կոպիտ գրերի հետք, սակայն
 բայ ի պարզ մնացած թուականէն որ է
 Ռ՝Օ՝Գ՝, այլքն առհասարակ անվերծա-
 նելի: Այս առապարի վերայ և ստորոտ-
 ները սփռած են գերեզմաններ այնքան
 հողի հետ հաւասարեալք, որ հազիւ կար-
 ծել կտան մարդոյ թէ այդ տեղերը խոր
 քնով ննջելու ընկողմանած են մարդիկ. այդ
 գերեզմանատուներ շատ ընդարձակ եղած
 է և մեծատարած, բայց մեծազոյն մասն
 այժմ այգւով է բռնուած. գիւղացիք
 պատմեցին թէ «էս է Քրանկների գերեզ-
 մանատուներ»:

Ապրակունիսի այժմու բնակիչք 45 տան
 չափ են, որոց ոմանք գաղթականք Սալ-
 մաստոյ և ուրիշ տեղեաց, կպարապին
 երկրագործութեան և յաջողակ են: բայց
 շատ սակաւ է սոցա հողը. չորս կողմն մահ-
 մետականներ լինելով, հին ժամանակէ ի
 վեր շատ հարստահարած են այս գիւղի

բնակիչները, և սոցա արքունի հողերի մեծ
 մասն յափշտակած՝ թէպէտև այսօրուան
 օրս Տէրութեան շնորհիւ ապահովուած
 են թուրքերի բռնութիւններէն, բայց դար-
 ձեալ սարկական հողին մէջներէն չէ վե-
 րացել. նոյն իսկ այն բոպէին թուրքերի
 հետ աղաչանքով և ակնածութեամբ կը-
 շարժեն երբ հարկ կայ իւրեանց օրէնքով
 որոշուած իրաւունքը պաշտպանել. այս
 կերպ ստորութիւնը երբէք տեղիք տուած
 չէ իրանց վէնք բանեցնել, որով և հետե-
 ւաբար մէջները եթէ զինավարժ և ձիա-
 վարժ մարդիկ չկան, իսկ աշխատութեան
 կողմէն բոլոր շրջակայ բնակիչներէն կըզե-
 րազանցեն. հողի սղութիւնը սոցա ուրիշ
 աշխատանք գտնել տուած է, ամառն քա-
 ջազօտի երիտասարդները իւրեանց արտո-
 րայքը փութով հնձելով կղիմեն Սիւ-
 նեաց այժմու «Սիսեան», ասացեալ եր-
 կիրը և հունձ անելով բաւական օգուտ
 կատանան. և այնտեղէն պրծնելով Շա-
 րուր կվաղեն բրնձաքաղի. սոցա աշխա-

տու թեանց միջոցներ են նաև մի վարձով
 մարդ և ապրանք այս կողմն այն կողմն
 տանել բերել, ու միւս՝ Տփլիս երթալ և
 երկու երեք տարուան պանդխտութեամբ
 ընտանեաց ապրուստ ձարել. կգտնուին
 սոցա մէջ և քանի մի արհեստներ, որովք
 փոքր ի շատէ հաց կհայթայթեն զոր օրինակ
 քարտաշութիւն, դարբնութիւն, հիւս-
 նութիւն, որմնագրութիւն, համետա-
 գործութիւն, ոստայնանկութիւն, ներկա-
 րարութիւն, սափրչութիւն, նուագա-
 ծութիւն (զուռնաչութիւն), թմբկահա-
 րութիւն (դափաչութիւն), բայց ամենէն
 շահաւէտն քարտաշութիւնն, այգիգոր-
 ծութիւնն ծաղկած է գաղթականների
 ձեռքով. այգիներ շատացած են վերջին
 ժամանակներս, բայց դաշտի երեսն սփռած
 հնձաններն ի նկատի ու՛ելով, պէտք է
 կարծել որ հին ժամանակները կրկնապա-
 տիկ են եղած ու մշակուած: Մաքուր բա-
 րոյականութիւն կթագաւորէ գիւղիս բը-
 նակչաց մէջ. ջերմեռանդ սրտերի մէջ դեռ

արմատ արձակած չէ սառնութիւնը և
 թուլութիւնը. երկիւղած են և պատկառ
 նախնաւանդ օրինաց սովորութեան, հա-
 լատարիմ և սրտացաւ սուրբ Արարպե-
 տի վանքին և ամեն ժամանակ զանազան
 միջոցներով իւրեանց ծառայութիւնը ցոյց
 կտան:

Քա՛նա կամ Քա՛նի.

Արնջակ գետուոյ աջոյ եզեր վերայ ի
 ստորոտս Ելանտաղուոյ կանկանի այս գիւ-
 ղըն, երբեմն բազմամարդ հայաբնակ և
 նշանաւոր աւան. Քա՛նա մտած է չորեք-
 տասաներրորդ դարու սկզբան անցից պատ-
 մութեան մէջ ազգաւէր ունիթօռաց
 պատճառաւ. սակայն հաւանական է կար-
 ծել որ իւր սկզբնաւորութիւնը եթէ ոչ
 շատ հին ժամանակաց մէջ՝ գոնէ երեք
 կամ չորս դար յառաջ պիտի առած լինի.
 ըստ որում պատմութեան մէջ առաջին
 անգամ յիշուած ժամանակը կերևի մեծ
 միաբանութեամբ հռչակաւոր մենաստան
 ունեցող և նշանաւոր աւան մի. այս ա-

ւանն ազդին տուաւ և կաթուղիկոս մի,
 Տէր Մխիթար կամ մականուամբ Մխիկ,
 որ յամի 1341 նստաւ յետ անկման Յա-
 կոբայ Սեղւոյ: Այս տեղէն ծագեց և ժան-
 տըն Յովհան ցիցն ազգի, որ այնքան սար-
 սափելի և ահռելի հարուածոց և դառնա-
 դէտ վնասուց ազգի և եկեղեցւոյ պատճառ-
 եղև իւր « միարար », (ունիթօռ) խմբովն.
 մենաստանն որոյ մէջ որջացած էր Յովհան,
 և որ նորա ազգակործան խմբի արարմանց
 և խորհրդոց պատսպարանն էր, ցարդ ևս
 կայ սոյն աւանի մէջ փոքրիկ առապարի
 վերայ քարոզ քստմնելի չարութեանց և
 անօրէնութեանց նոցին: Ա՛հ սիրելի ընթեր-
 ցող, դեռ թողած այս մենաստանը, յա-
 ռաջ բերենք այն անլուր և մոլեռանդու-
 թեան հրով բորբոքուած կորստաբեր ան-
 ցից համառօտ նկարագրութիւն, որ հազա-
 րաւոր վնասներ ազգին և եկեղեցւոյն հա-
 սուցանելէն, աշխարհի ներքին խաղաղու-
 թիւնը խանգարելէն, հազարաւոր պարզա-
 միտն'ր գայթակղելէն, անմեղ տառապեալ

Ժողովրդի մէջ սուր, հեռ, և ատելութիւն
 լցնելէն, մինչև անգամ և արիւն թափելէն
 յետոյ, նաև այս անդառնալի կորուստը և
 հարուածը տուաւ, որ տասն և հինգ գիւ-
 ղեր որոշելով Հռովմայ ուղղափառ գահին
 երկրպագուներ, ժամանակէ մի յետոյ
 անպաշտպան թողլով անագորոյն Պարս-
 կի ձեռքը, որը կոտորել տուաւ իբրև
 անձանօթ կրօնի ծառայողներ և որը ստի-
 պեց առ հարկի մահմետականութեան դի-
 մելու, որով այսօրուան օրս Հայ մի ար-
 տասուօք և տխուր զգացմամբ պիտի նշմա-
 րէ Հայ արիւնը դեռ կրող զճագրութիւնը
 հայութեան անունէն որոշած ժողովրդա-
 կանայ վերայ (*):

(*) Եւ յիրաւի զարմանալի բան է որ՝ ինչ մարդ
 ալ լինի այս գիւղերն մտնողն, ինչպէս են Գոնա,
 Բանանեար, Սալթաղ և այլն, բնաւ չի նշմարեր
 Տաճկական կամ Պարսկական զճագրութիւն, այլ
 ընդհակառակն դեռ անփոփոխ և անայլալակ մնա-
 ցած հայացի կերպարան, և տիպ դիմաց:

Ասեցի Յակոբ Աթոռ զիկոսի օրով, այս
 ինքն իսկզբան ժ.Վ. դարու մեծ անուն և
 համբաւ ունէր Աչեցի Նսայի վարդապետ
 « մեծ վարժապետ Հայոց, կոչեցեալն, և
 ինչպէս կգրէ Չամչեանն, « սորա եղևն բա.
 զում աշակերտք, զոր ոմանք թուեն երեք
 հարիւր վաթսուն երեք, (հատ. Բ. Գիրք
 Ն. գլ. Խ). սորա աշակերտներէն էր և Յով.
 հան Քռնեցի « որ և կարգեցաւ առաջ.
 նորդ վանից յիւրում աւանի, : Ն. յս միջոց.
 ներն Յովհաննէս պապի հրամանաւ կգայ
 Պարսկաստան Բարդուղիմէոս լատին Ա.
 պիսկոպոս, ի կարգէ քարոզողաց, և Մա.
 րաղայ քաղաքի կողմերն վանք շինելով
 իւր համար, կսկսի քարոզել պապական.
 նութիւն, և կգանէ շատ աշակերտներ :
 Յովհան Քռնեցի սորա համբաւը լսելով
 կերթայ մօտը, և մտերմանալով հետը,
 տարի ու կէս ժամանակի աշակերտութեամբ
 կսովորէ ինչպէս լատին լեզուն, նոյնպէս և
 նորա չարարուեստ թակարդներն ու կեղ.
 ծուպատիր հնարքներն. Չամչեան Հ. Մի.

քայէլն, որ միշտ կաշխատէ ամեն բան շը-
 ուովմայ՝ առիկանի քմացն և ախորժին հա-
 մեմատել, կ'զրէ՝ իբր թէ մեծն Ասային ին-
 քըն՝ «լուեալ զբարի համբաւ նորա՝ յղեաց
 պատուէր առ Յովհան Քոնեցի գնալ և
 տեսանել զնա, թէ որպիսի՛ իցէ վարդա-
 պեաութիւն նորա,» (ինոյն հատոր, ի գիր
 և ի գլուխ). իսկ Ասազար Ջահկեցի կ'զրէ,
 «Ալ մոլորական հոգին այն . . . թող-
 եալ զվարժապետն իւր և զուսումնակից
 եղբարս ուղղափառս, գնացեալ ի Մարա-
 զայ և գտանէ մոլորեցուցիչ ոմն Քարդու-
 ղիմէոս անուն,» (տես ի գիրս Ջահկեցւոյն
 եր. 326): Այդ միջոցին ահա յղացաւ Աս-
 խիջեանի բազմաթիւ գիւղորէից պարզա-
 միտ բնակչաց ապագայ դառն ճակատագի-
 րըն, և Ազգի և Ակեղեցւոյ նիւթական և
 բարոյական հարուածը, որք և ծնունդ ա-
 ոին երբ Յովհան յիշատակամեռ և Քար-
 դուղիմէոս մուտ դործելով Քոնայի վան-
 քը՝ ժողովեցին ոչ սակաւ աշակերտներ և
 համամիտներ, և սկսան քարոզել հայր

Միքայէլի խոստովանած ուղղափառութիւնն. և այս առաքելական մեծ պաշտօնը յառաջ տանելու համար՝ սկսան ցրուել տարածուել ազդի մէջ, ջանալ բառնալ Հաստանեայց Արքեպիսկոպոսի դաւանութիւնը, և ծէսերը, իբրև մոլորութիւն և հերժուածողութիւն, իսկ նորա սեղը պաշտել պապականութիւն. և այս նպատակաւ շուտով ձեռք առին թարգմանել նաև քանի մի գրեանք, ինչպէս Առաքինութեանցն, Մոլորութեանցն, Աւելերտինն, և ին. ու նոցա վերայ դասախօսել իւրեանց աշակերտաց. և երբոր ազդի քաղաքական հանգամանաց և առհասարակ նիւթական ու բարոյական դառն վիճակի պատճառաւ սկսած գործոցն բաւական յաջողիլն տեսան, Յովհանն Առնեցի ածապարեց Հրոռովմ երթալով ու ծառայութիւնները պապին ցոյց տալով, Առմինիկեան միաբանող կամ միարար կարգի անուամբը կրնաքել տալ և իւրեանց խուճար. այնուհետև ամեն ճիգն և հնար թափեցին վանքեր և

եկեղեցիներ կանգնել ի Նախիջևան, Ա-
 րրնջակ, Տփլիս, Կարև, Մարաղայ և
 Աուլթանիէ, որոց շատից աւերակներն
 կան և մնան դեռ յիշատակ անցելոյն. այս
 ամենը չէր ինչ որ բարեխիղճ ընկերու-
 թիւնը կամեցած էր, նա դեռ ուրիշ նպա-
 տակ ունէր և շուտով ալ ձեռն սրկեց, վերց-
 նել ջնջել ոչ միայն Հայաստանեայց Ակե-
 դեցւոյ դաւանութիւնն և ծէսերն, այլ
 և Հայ լեզուն և նորա տեղ գործածել
 տալ պատարագի և այլ ժամերգութեանց
 ժամանակ լատինականն, որպէս զի Հայ ա-
 նունը միանգամայն մոռցնել տային. որով
 և իւրեանց ջերմեռանդ գործունէութիւնն
 ակնյայտնի փայլէր Հռովմայ դահի առաջ,
 որ կատորժէր լսել ուրախութեամբ նոցա
 ձեռնարկութեանց հետեանք ազգի մէջ
 յարուցած երկպառակութիւնները: Աոցա
 արածների և քարոզածների վերայ փոքր
 ի շատէ պարզ տեղեկութիւն մի ընթեր-
 ցողի՞ տալու համար, յառաջ կրերեմ Հ.
 Միքայէլի հետեւեալ խօսքերը. «Յարեան

յայնժամ երկու ոմանք իբր նախանձա-
 ւորք արքանեակք չարի, որոց մին կոչիւր
 Ներսէս Պաղոն Նպիսկոպոս Արմեայ, և
 միւսն Միսէօն պէկ՝ Նպիսկոպոս Աարնոյ,
 որք միարանեալ ընդ իւրեանս զարս քանի
 մի՝ շրջէին հանդերձ նոքօք այսր և անդր,
 և քարոզէին թէ հարկ է կրկին մկրտել և
 դրոշմել զամենայն հայս լատինական ճի-
 սիւք, վերստին ձեռնադրել զքահանայս
 նոցա, և տալ պատարագել լատին բար-
 բաւով և արարողութեամբք, նոյնպէս
 փոխել և զամենայն կարգ պահոց և այլոց
 սովորութեանց, զի այսու կարասցեն միա-
 բանել ընդ եկեղեցւոյն Հռովմայ, և ասէին
 ըստ գրեւոյ Մխիթարայ Աթոռղիկոսի
 թէ՛ «մկրտութիւնն Հայոց է երկրայելի, և
 պատարագն Հայոց ոչ է ճշմարիտ պատա-
 րագ,», ուստի որպէս ասէ նա ինքն Մխի-
 թար Աթոռղիկոս՝ յանդգնեցան ի ծա-
 ծուկ և յայտնի մոլորութիւն մուծանել
 յեկեղեցի. զի ինքեանք կրկին ձեռնադր-
 եալք և կրկին մկրտեալք՝ նա և զայլս բա-

զուամս ձգեցին սա ինքեանս և կրկին մկր-
 տեցին և կրկին ձեռնադրեցին. զի զոմանս
 ի բաղանիս, զայլս ի տունս, և զայլս յան-
 ցրս ջրոց կրկին մկրտէին, և ի ծածուկ
 տեղիս և ի վայրս անտառաց կրկին ձեռ-
 նադրէին: Աւ պատճառ զայս այսպէս առ-
 ներոյ ասէին նախ՝ թէ յորժամ զառաջինն
 մկրտեցայք՝ ոչ ձանաչէիք, ուստի և չէք
 գիտակ՝ թէ արդեօք քահանայն ասացեալ
 իցէ «ես մկրտեմ զքեզ յանուն Հօր և
 Արդւոյ և Հոգւոյն սրբոյ», և զուցէ չիցէ
 ասացեալ վասն արբեցութեան. վասն որոյ
 հարկ է ձեզ կրկին մկրտիլ. . . : Արկ-
 բորդ զի զմեզսն զոր գործեցիք, զուցէ ա-
 պաշխարութեամբ չկարացիք ջնջել, այժմ
 մկրտութեամբ քաւեալ սրբեսցիք, և ա-
 ռանց պատժոց քաւարանի կարասցիք ան-
 ցանել յարքայութիւն երկնից, :

Այս երկպառակութեան հուրը օր քան
 զօր բորբոքելով ազգի դառնաղէտ վիճակի
 մէջ յաւել և նոր անտանելի ցաւ. մէկ
 կողմէն արիւնարբու թշնամեաց յարձակ

մանց, սրածուծեանց և աւերմանց մէջ
 պաշարուած կողքար, կհեծէր անդադար,
 միւս կողմէն ներքին աւերն և հարուածն էր,
 որ այս անխիղճ անօրէն անձանց ձեռքով
 սկսուած ճարակեցաւ, և այնքան սարսա-
 փելի նիւթական և բարոյական վնասներ
 պատճառեց, որոց լսողը կսոսկայ, մինչև որ
 Ղևոն արքայ և Յակոբ Աթուղիկոս շի-
 ւարեցան և չգիտէին թէ ինչ հնարքով ան-
 կարգութեանց առաջը փակել կարող են*):
 Մեք շատ երախտապարտ եմք մեր այս
 ժամանակուան քանի մի ընտիր վարդապե-
 տաց ձգանցն, որոնք երբէք չդադարեցին
 բանիւ և դրով դէմ դնել ծագեալ ան-
 կարգութեանցն, և քիչ ու շատ ի դերև
 հանել նոցա ջանքերը, որովք գուցէ ամ-

(*) Եթէ Տէր յաղողէ պիտի տամ ազգիս
 «Յեցք ազգի», անունով աշխատասիրութիւն մի,
 որով պիտի ջանամ ցոյց տալ ազգիս նիւթական
 և բարոյական վնաս տուողները խկզբանէ հետէ
 մինչև ցայսօր:

բողջ երկիրը որսացուէր՝ թէ որ չէին
 հողատարք: Կարաւոր ժամանակ պահե-
 լով ունիթօոք իւրեանց կենդանութիւնն
 և զօրութիւնն վերջապէս բարձան ի միջոյ.
 բայց ի՞նչ եղեն այնքան բազմաթիւ ժողո-
 վուրդը, որք արդէն մկրտուած ու կնքուած
 էին յանուն Աստին. — նոցա սակաւագոյն
 մասն մի դարձան վերստին իւրեանց հայ-
 բենի եկեղեցւոյ ծոցը, «իսկ անդարձքն
 (ըստ Զահեցւոյն) յետոյ ի սուրն տաճ-
 կաց անկեալք ամենեքեան կոտորեալ փչա-
 ցան, որպէս ի Պուլթանիա քաղաքն Պա-
 րսկաստանայ. կային անդ ԻՆ եկեղեցիք հա-
 յոց, իսկ յորժամ անկան ի յախթարմա-
 յութիւն և մոռացան զուխտն աստուա-
 ծեղէն, ապա յայնմ հետէ ոմանք ի սուր
 սուսերի մաշեցան, և ոմանք ի կրօնս Պար-
 սից դարձան, և մի ի նոցանէ ոչ մնաց ի
 կրօնս ախթարմայութեան . . . : Կմա-
 նապէս և յերկրին Կախշուանայ ախթար-
 մայից գեղորայքն բազումք դարձան ի կրօ-
 նս Պարսից, որպէս Պալիթաղ և Քանայ,

որ զՆոսաքինութեանց և զՄոլութեանց և զՆյախերան անդ թարգմանեցին, և Աէծուկ, սոքա ամենայն: Իսկ Նպրակունիս և Շահ-բունիս և Խոշկաշէն և Նպարաներ, որ է Նպիսկոպոսարան իւրեանց, սոցա մեծ մասն,
 . . . (տես Ղրախա ցանկ. եր. 333-334):

Թող արդ սիրելի՛ ընթերցող, որ հառաջ մամբ սրտի կնքելով այս աղէտալի պատմութիւնը, դառնամք ի կարգ մեր բանից:

Մենաստան Վանայի.

Տխուր անցից յիշատակները ապագայից սրտից մէջ զարթեցնում է հնութեան նշխար այս մենաստան կիսաւեր. Տաճարի շէնքն քառանկիւնի, ներքին լայնութիւնն և երկայնութիւնն ութն քայլ. ամբողջ որմունքը, սիւնքն և կաթուղիկէն աղիւսակերտ. կաթուղիկէ տաճարին, որ հաստատուած է եղել երկու արեւմտեան սեանց և երկու արեւելեան կիսասեանց վերայ՝ կործանուած է. թողլով միայն շրջապատ որմունքն՝ մէջ եկեղեցւոյն զարդարուած է ազգի ազգի քարաքանդակ

և աղիւսակապ խորշերով կամ պատու-
 հաններով . ունի երեք սեղան, մինն մեծ,
 որոց վէմքարինքն կից յորմն արևելեան,
 ունի հինգ դուռն, երեքն արևմտեան,
 միջինն աւագ դուռն բարձր և լայն. եկե-
 ղեցւոյ մէջ տեղը կանգնած կայ կոփածոյ
 միապաղաղ քարէ սիւնաձև արձան. նոյն-
 պիսի սիւն մի ևս արևմտեան դրան հան-
 դէպ արտաքոյ: Տաճարի մէջ կան երկու
 գերեզմանք, արևմտեան մեծ դրան կից.
 գերեզմանաքարերի վրայ թէև ամենևին
 զիր չի նշմարուի, բայց ես հաւանած եմ
 կարծել թէ սոցա մինն Քարդուղիմէոս
 Ապիսկոպոսին պիտի լինի, միւսն ուրիշ մէ-
 կին, որք ի նշան յարգանաց և երախտա-
 գիտութեան այս տեղ ամփոփուած կլինին.
 հարաւային կողմէն տաճարին կցուած է
 եղել թաղակապ և աղիւսակերտ փառա-
 ւոր շէնք, որոց տանիքն հաստատուած են
 տաճարի որմոյ և կամարակապ սեանց վը-
 րայ. այս շինութեան երկարութիւնն դեռ
 փոքր ինչ աւելի է քան զտաճարինն, իսկ

լայնութիւնն երկու քայլ • գուցէ սա լինի
նոցա դպրոցը, ըստ որում բաց այս, միւս
շինուածոց մէջ չէ կարելի դպրոցի յար-
մարութիւն նկատել • իսկ եկեղեցւոյ ա-
րեւմտեան և հիւսիսային կողմերէն են
պէսպէս կրօնաւորական մեծ և փոքր խցե-
րի աւերակներ • և անհնար է չկարծել թէ
այդ խցերի մէջ պիտի լինի գաղտնի դա-
րան, ինչպէս տեղական բնակչաց կարծիքն
ևս ցոյց կտայ :

Այս վանքը յայտնի է կողմանցս բնակ-
չաց մէջ « Կուսաբեր », անուամբ, « կու-
սաբեր գնացի », « կուսաբերիցն եմ գա-
լի », կասեն սովորաբար, որ կուտայ պատ-
մութեանը նշանակութիւն • ։ Միքայէլ
Չամչեան Առաքել պատմագրէն քաղե-
լով սրբոց ։ ռիփսիմեանց մասանց լատին
կրօնաւորաց ձեռքով յԱրնջակ բերիլն,
կասէ « հասեալ յԱրնջակ դաւառ, յա-
ւանն Ապարան կալան օթեանս առ Ու-
նիթօռս, և անդ յերիս բաժանեալ զնըշ-
խարս սրբուհւոյն՝ զորս ունէին առ իւր-

եանս, զերկուսն եղին ի պահեստի յայլ
 և այլ տեղիս, և այլն (Հատ. Գ. զիրք
 Թ. զԼ. ԺԹ. եր. 570). Թէպէտ և
 յընթացս պատմութեանն ցոյց կտրուի
 որ այդ այլ և այլ տեղերն մինն Ապարա-
 ների իւր մէջն էր, և միւսն Ռօլու սարի
 վերայ, սակայն անշուշտ և այս վանքիս
 մէջ պիտի պահուած լինի խիստ ծածկա-
 բար, որուն անդիտակ են մնացել թէ Ալ-
 թուն - Աւետիք Աստապատցի, որ արքուն-
 նի սպասաւորօք եկած Ապարաներ մա-
 սանց ամբողջ դանելուն խնդիր էր, և թէ
 անցիցս պատմիչ Առաքել Ա. Գաւրի-
 ժեցի, յորմէ և մնացած պիտի լինի անու-
 նրս «Առսաբեր», :

Այս վանքն շատ ուխտաւորներ ունի,
 և անուանի է ընդհանրապէս Հայ և
 Թուրք բնակչաց մէջ իրան սեպհականած
 հրաշիւքը. կասեն որ որչափ խելադար
 մարդ, կամ կատաղած անասուն բերուի
 սարա դուռն, իսկոյն կբժշկուի. վասն որոյ
 և վանքիս մօտ կարելի է միշտ տեսնել

այդպիսիները: Պ. Ի. Շոպէն, որին վե-
ճակուած էր աշխարհագիր առնել և ըս-
տորագրել այս կողմերն ևս, յիշատակե-
լով Քռնա գիւղ, կասէ, «Այս գիւղի
մէջ կգտնուին աւերակք Հռովմէական
եկեղեցւոյ, որմուկնքն և սիւներն ամբողջ,
իսկ կաթուղիկէն խոնարհեալ. եղած է
այստեղ և մենաստան Պապական, որոյ
հիմնարկութիւնն կհամարին հնագոյն ԼՁ-
միածնէն» (տես Истор. памят. сост.
Арм. области II. III. եր. 323):

Տեղական աւանդութիւնն՝ զոր մէջ է
բերել Պ. Շոպէն, այն միւս եկեղեցւոյ
համար է, որ այս վանքի հարաւային ա-
րևմտակողմն կանկանի կէս վերստ հեռա-
ւորութեամբ, դաշտին մէջ. փոքրիկ եկե-
ղեցի մի եղած է այս, որոյ միայն այժմ
որմուկնքն կերևին կէս կանգուն գետնէն
վեր սրբատաշ կոփածոյ քարամբք և կը-
րազանգ. սորա համար ասացին ինձ Քռ-
նեցիք, որ մեք կանուանեմք «Ղատրմի
Քիլիսասը», (իսկական կամ հին եկե-

դեցի). աւանդութիւնն, որ սորա շինու-
թիւնն յառաջ կդնէ քան Աջմիածնին,
կծառայէ միայն սորա վաղաւուրց հնու-
թիւն հասկացնել, իսկ պատմութեան ա-
ռաջ չունի արժէք: Այս եկեղեցւոյ և
յիշատակեալ վանքի մէջ բաւականաչափ
արտորայք կան, որոնք թէև միւսոց հետ
խառն կհամարուին այժմ սեպհականու-
թիւն թուրք կալուածատիրոջ, բայց տե-
ղական բնակչաց մէջ ցարդ ևս կկոչուին
«Քիլիսա չամբսը», (եկեղեցական հող):

Ա ի ճ Ռենասսանսի Քրոնիկա.

Րենասսանսի արեւելեան պարսպի տա-
կը կանգնաչափ կանգուն որմն կայ հարա-
ւէն դէպի հիւսիս երկայնած, քարուկիր
ամուր շինութեամբ. մէջ տեղն ունի ջը-
րանցք, և կափարիչ վէմ մի. տեղին՝ որոյ
առաջեալ կանգնած է այս որմն, երկու
բլրակի մէջ տարածուելով, հովիտ մի
կձեացնէ, խորագոյն և բարձր տեղերէն
վազած ջրերն իւր մէջ ընդունելով լիճ

կկապէ. կայ և առուակ մի հանած, որ
հեռու տեղէ ջուր է բերած լծիս համար
անձրևաց նուազութեան ժամանակը, ու
գործ է դրուած վանական պարտէզների
և պիտոյից համար :

Գերեզմանք.

Վանուց հարաւային կողման պարսպի
տակ կբարձրանայ փոքրիկ բլրակ մի, որոյ
գլխին կայ գերեզման մի, որ մաշուած և կի-
սաբեկ տապանաքարովն կերևի լինել հին.
սորա համար տեղացւոց հարցրած ժամա-
նակս լսեցի որ իրանք որդւոց որդի կա-
նուանեն « քէշիշ - գապրը », (գերեզման
քահանայի), և պապենական սովորու-
թիւն կայ մէջներս որ ջերմ կամ տենդ
ունեցողներն կբերենք կասեն, գերեզմա-
նիս վերայ կլուանամք, ձգելով քարի
վրայ սև փող, հաւկաւիթ, և այլն, ու կող-
ջանայ հիւանդն բոլորովին. նոյնպէս և
այս վանքն եկող Հայ ուխտաւորներն ա-
ռանց այս գերեզմանիս վերայ խուսկ և

մոմ վառելու շերթան: Այս գերեզմանն
 ես հաւանած եմ ասել որ Յովհան Քու-
 նեցեւոյն պիտի լինի, ըստ որում ամենեին
 դժուարին չէ կարծել որ նորա քրտամբքն
 և ջանիւք Նատինացած միաբանութիւն
 մի կամ ժողովուրդ կամելով աւելի մե-
 ծարել՝ այստեղ առանձինն թաղած են.
 տխամար ժողովուրդն ևս իւր փոքրիկ խմբի
 պարագլուխը մեծարելով խնկօք և մոմե-
 ղինօք սովորութիւն թողել է յետնոց, և
 այդ սովորութիւնը զօրանալով հետըզ-
 հետէ, այսօրուան օրս Հայ-քրիստոնէից
 և հայ-մահմետականաց կողմանցս անգի-
 տութեանը և աւելորդապաշտութեանը
 ակնածելի սրբավայր մի ընդունել տուած
 է այն շիրիմն, ուր անմեղ հօտը պառակ-
 տող և գիշատող գազանի մի ոսկերքն
 կհանգչին:

Այս բլրոյ արևելեան հիւսիսակողմն,
 փոքր մի անջատ կբարձրանայ միւս այլ
 բլրակ, և սորա վերայ կան երկու գերեզ-
 մաններ, իրար շատ մօտ, որոց իւրաքան-

չիւր մէկի վրայ մի մի մեծ տապանաքար,
 գուցէ սոցա վրայ գրեր եղած են, բայց հը-
 նութեան ժանեօք փչացրած անհետ,
 ուստի և չէ յայտ թէ որո՞ց են հանգստա-
 րան. իսկ այս բլրակի հիւսիսակողմը հով-
 տաձև ընկած տափարակ գետնի վրայ կան
 բազմաթիւ գերեզմաններ, զորս տեղական
 բնակիչքն կանուանեն « Արման գաբրըս-
 տան », (Հայոց գերեզմանք կամ գերեզմա-
 նատուն). զարմանալի էր տեսնել այնքան
 գերեզմանները, որոց ոմանց վերայ մա-
 քուր տապանաքարեր, բայց շատերը հը-
 նութեան երեսէն սարսափած քիչ կմնայ
 որ հողի տակ ծածկուին անհետանան,
 ինչպէս և շատերն եղած են *):

(*) Ինչպէս այս գերեզմանատանս մէջ, նոյն-
 պէս և Ապրակունիսի և ուրիշ գիւղորէից քիստո-
 նեայ գերեզմանաց վրայ կտեսնուին խոյաձև ար-
 ձաններ. յայտնի բան է որ խոյաձև տապանա-
 քարը Պարսկական ախորժակն է հնարել, միտյն
 Հայերն ևս, որոնք ինչպէս շատ բաներով գնա-

Այժմու բնակիչք Քռնայի յիսուն տան չափ Մահմետականք են, ամենքն ալ բնիկ տեղացիք, սերունդք նախնի Հայոց. կպարապին երկրագործութեամբ, որ նոր նոր կծաղկի մէջները. արհեստաւորներ չկան մէջները, նոր ի նորոյ սկսած, բայց շատ շատացրած ունին ծառատունկներ և պարտէզներ. այս գիւղիս բնակիչք բոլոր գաւառի մէջ յայտնի են իւրեանց գիւրաբորբոք և կռուասէր բնաւորութեամբ, իսկ մէկ մէկու շատ պաշտպան և օգնող. միւս գիւղորէից բնակիչները զսոսա « տալի - քռնայի », կանուանեն և կակնածեն:

Իւլան — սոսաղը.

Քռնայի արևելակողմն և անտի քառորդ ժամու ճանապարհ հեռի կբարձ-

ցել են նմանել իւրեանց իշխող տէրութեանն, զուցէ և այս ձև տապանաքարով՝ կամեցած են նոցա սրտերը շահել: Հայոց խոյաձև տապանաքարերն յարևելս են ուղղած երեսները, պարսիցն յարևմուտս:

րանայ սրածայր լեառն Իլանտաղը (օձա-
լեառն). գրեթէ անմատչելի է սորա զազա-
թըն՝ որ և ունի շատ էրէներ:

Արեք անուն ունի այս լեառն, «Իլան-
տաղը», «Իրան-տաղը», և «Ինան-տա-
ղը»:

Իլան-տաղը՝ կնշանակէ օձի լեառն.
աւանդութիւն կողմանցս ցոյց կտայ որ
հին ժամանակը շատ և բազմատեսակ
օձեր կային սորա վերայ, իսկ այժմ մեծա-
նուն ճանապարհորդն շահատհառւզին
յիշատակելով այս լեառն՝ երկու ժողո-
վրդական աւանդութիւն մէջ կբերէ, ա-
ռաջինն իբր թէ օձ մի եթէ մինչև քսան-
հինգ ամաց հասանիլն մնաց անտես մարդ-
կանէ, կառնու կերպարանափոխութեան
զօրութիւն, ուզածի պէս ամեն կենդան-
ւոյ կերպարանքով երևելու. որոյ համար
և երիտասարդի մի պատահած աղջկայ
կերպարանք առնող օձի անցքը կգրէ.
Երկրորդ թէ՛ մեծն Իսկէնտէր (Աղէք-
սանդը) իւր կանայքը բնակեցոյց այս լեռան

վերայ, և տեղւոյն թովեալ օձերը կզգու-
շանան նոցա պահպանութեանն:

Իրան - տաղը՝ լեառն Պարսկաստանի:

Ինան տաղը, կամ այսպէս «Ինան քի
տաղ տըր,, աւանդութիւն երկրին կասէ
որ՝ երբոր Նոյի տապանը ծփալով ջրոյ ե-
րեսին կգար անցնել դէպի Արարատ,
հպեցաւ սորա գագաթին, վասն որոյ Նոյ
ասաց, « հաւատա որ սա էլ լեռ է,, :

Բանանիար (Ապարանէր).

Ս. Արապետի վանքի հիւսիսային ա-
րևելակողմն վերստ մի հեռաւորութեամբ
կանկանի այս աւանն, երբեմն անուանի
քաղաքն Հայոց: Սորա բուն անունն է
«Ապարան,, կամ «Ապարաներ,, երբ որ
շնորհիւ ունիթօռաց լատինացած հայ
բնակչաց տեղւոյս արտասուելի ճակատա-
գիրն վճռեց նոցա համար մահմետականու-
թիւն, հետզհետէ և անունս «Ապարա-
ներ,, աղաւաղուելով, թլպատեցաւ յայժ-
մու կոչումն «Բանանիար,, : Հ. Միքայէլի

կարծեացը նայելով, այս քաղաքի բուն և
ամենահին անունն պիտի լինի «Տիգրա-
նակերտ», ըստ որում նոյն անունն վերայ
ծանօթութիւն կարգելով հատ. Ա. եր.
196, կասէ. «բայց հայելով միանգամայն
ի պատմութիւնս Հայոց և այլոց ազգաց,
մարթ է ասել թէ ոչ մի, այլ երկու էին
Տիգրանակերտ քաղաք յայլ և այլ տեղիս
շինեալ, մինն ասի լինել Ամիդ քաղաք,
այն է Տիարպէքիր յաշխարհին Աղձնեաց
յառաջին Տիգրանայ կանգնեալ, և միւսն
երևի լինել յաշխարհին Միւնեաց, գուցէ
թէ այն իցէ Ապարան քաղաք կամ Ապա-
րաներ, շինեալ թերևս յերկրորդ Տիգ-
րանայ, կամ թէ գուցէ սոյն այս Ապարան
քաղաք իցէ շինեալ յառաջնոյն Տիգրա-
նայ, իսկ Ամիդ ի յերկրորդէն,» :

Առանց այս անունն ևս, Ապարաներ
քաղաքը իւր ամենահին, նշանաւոր և ան-
ունանի քաղաքը լինելու հաստատու-
թիւնն ունի պատմութեան մէջ : Արդէն
փրկչական 59 թուականին կգտնեմք Ա-

պարանը հռչակաւոր, բազմամարդ և բար-
 գաւաճ քաղաք մի, զոր Աորբուղոն
 Հռովմայեցի սպարապետը իւր յաղ-
 թութիւններն յառաջ տանելով՝ կպատ-
 րաստուի պաշարել առնուլ, և կյաջողէ
 խորհրդոյն կատարումն յօժարակամ հը-
 նազանդութեամբ քաղաքացւոց: Քաղա-
 քիս մէջն էր ամրացած և Տիգրան արքայ
 յամի 61. երբոր Պարսից Վարէհ-Ողո-
 գէս արքայի Մանէճ զօրավարը Պարսիկ
 և Ասորի զօրօք յանկարծ յարձակեցաւ
 քաղաքի վերայ և պաշարելով զայն՝ «ըս-
 կաւ նեղել ի մարտ պատերազմի, և
 զօրք նորա մեքենայիւք և սանդղովք ջա-
 նային հուպ մատչել, այլ վտանգեալ ի
 քաղաքացւոց՝ ոչ կարէին վճարել ինչ»,
 Զամ, պատմ. եր. 312:

Այս տեղ բերուեցան յԺԲ. դարուն
 Աստին կրօնաւորաց ձեռքով մասունք
 սրբոց Հռիփսիմեանց, որոց մի մասն այս
 տեղ գաղուածն էր, զոր գտաւ Աւետիք
 Ալթուն գանակոծ առնելով տեղացի

երեց մի: Այս տեղէն էր Մխիթար Ապարանցի Աւնիթօռաց կարգէն, պատմիչ, որ իւր ամբողջ պատմութիւնն լցրել է մոլեռանդ կրիւք:

Այս տեղ էր և չարածնունդ Աւնիթօռաց եպիսկոպոսարանը ըստ պատմելոյ Զահկեցւոյն:

Այսքան մեծաբնակ և անուանի հինօրեայ քաղաք մի այսօրուան օրս հասարակ աննշան գիւղ մի է, բնակարան, հարիւր քսան տուն Մահմետականաց: Ապարաների երբեմնին մեծութեան, բազմամարդութեան և բարգաւաճանաց վկայք՝ դեռ ցայսօր ժամանակի կհանդիսանան նախնի Հայ, և Հայ-Ղատին բնակչաց հազարաւոր գերեզմանները գիւղի հիւսիսային և հարաւային կողմերը. որոց շատը դեռ Պարսկական մոլեռանդութեան պատճառաւ ջնջուած անհետացած, հազիւ նշմարելի պարսպաց հետքը, որք դէպի գիւղն տանող արեւմտեան ճանապարհ

հի վրայ կտեսնուին երկարած *). նմա
նապէս և քանի մի տեղեր, դաշտի երե-
սը, մանաւանդ զիւղի հարաւակողմն
տեսնուող այնքան հնձանների մնացորդ-
քը, և այլն :

Եկեղեցի Ապարաների.

Գիւղի մէջ փոքրիկ ապառաժաքար բլու-
րակի մի վրայ կայ ցարդ կիսաւեր եկեղեցին,
եպիսկոպոսարան Ունիթօռաց. շէնք եկե-
ղեցւոյն մինչև կամարները քարուկիր, իսկ
կամարները և տանիքը թրծած աղիւսով .
թաղակապ տաճարն բաժանուած է երեք
մատուռի, որոց միջինն մեծ, և հաստա-
տուած է եղել չորս սեան վերայ. երեք մա-
տուռն ևս ունեցած են զմբէթներ. ա-
ւագ սեղանն շրջապատող որմոյ վերայ
յարևելից, ի հարաւոյ, և ի հիւսիսոյ
կան քանի մի հատ խաչքարինք, որոց մի
քանին խիստ ճարտարարուեստ քանդա-

(*) Գուցէ քաղաքի բերդի սխարիսպն է սա :

կուած . Հիսիսակողման գեղաքանդակ
խաչքարի մի վերայ խաչի վերին թևի եր-
կու կողմն գրուած է « ԹՎ — 28 » . Իսկ
ի պատուանդանին « Քրիստոս Աստուած ,
յիշեա՛ զտիկին ... » . միւսն եղծեալ . միւս
բոլոր խաչքարանց վերայ կային արձանագ-
րութիւնք՝ բայց եղծեալք , իսկ աւագ սե-
ղանոյ հարաւային և հիւսիսային կամարաց
որմոց մէջ կային երկու գեղարուեստ խաչ-
քարինք , ամեն մէկն գետնէն կանգուն և
կէս վեր . հարաւային խաչքարի վերայ
գրուած էր « ԹՎ . Ռ՝Օ՝Ա . կանգնեցաւ
խաչս ի բարեխօսութիւն Պատրոնաճա-
րին . յիշեա Քրիստոս Աստուած և ողոր-
մեա » . հիւսիսային խաչքարի վերայ կի-
սամաշ գրովք « կանգնեցաւ խաչս բարեխ
. ԹՎ 2՝Օ » . նոյնպէս հիւ-
սիսային մատրան որմոյն մէջ կային երեք
խաչքարինք , որոց երկուքն արձանագրած՝
բայց մնացին անվերծանելիք : Այս եկե-
ղեցւոյ ներքեւը եղած էր վիմափոր գաղտ-
նի դարան , որ անյայտ էր միանգամայն

մինչև ցափն 1870, յորում պատահամբ
 գիւղացի մօտաբնակ տաճկին մէկը արևել-
 եան կողմէն տան ծածկի համար հող վեր
 առած ժամանակը դուռն գտնելով, հա-
 նած էր՝ ինչպէս նոյն գիւղացիք կհաւա-
 տացնէին, շատ զարդեր և անօթեղէններ,
 թէպէտ և ես ամեն ջանք գործ դրի որ
 կարողանամ ձեռագիր գրեանքը ձեռք բե-
 ընլ եթէ եղած են յիրաւի, բայց ի զուր
 անցաւ: Որովհետև այս եկեղեցւոյն տը-
 ւած չէ այս կողմերս առանձին և սեպհա-
 կան նշան հրաշից, ինչպէս սուրբ Աարա-
 պետի և Քռնայի վանքերին, վասն որոյ
 տեղական Մահմետականաց մէջ առած է
 եղած սովորաբար ասել, «հալա սուրբ
 Աարապետը օձի կծածն ա լաւացնում,
 Քռնու վանքը գժուածը, բաս տու, Քա-
 նանեարի եկեղեցի ի՞նչ բանի ես պէտք
 գալի», :

Գաբան Ռաբանի.

Ապարաների արեմտակողմն փոքրիկ
 բլրակի մի վերայ կայ քառանկիւնի մատ-
 րաձև շինուած մի « Գաբան—Ռաբասը, »
 անուամբ. ըստ աւանդութեան նախապա-
 շարեալ բնակչաց՝ այս տեղէն անցած է
 Ալին, որոյ կրնկի տակն ընկած քարն է,
 որ այժմ կը յարգուի. սակայն ինչպէս կերե-
 ւի, եղած է սա Հայոց սրբավայր, ըստ ո-
 ղում վերջին տարիներս ջերմեռանդ
 Մահմետականին մէկը նորոգելու մտօք
 քանդել տուած ժամանակը, հաներ է
 հողի մէջէն ոչ սակաւ հին ճրագարան-
 ներ, կերևի որ գիւղի քրիստոնէութենէ
 ի Մահմետականութիւն փոխուած ժա-
 մանակը թէև երեսի վերայ ու ամայի մը-
 նացած է եղել այս սրբավայրը, սակայն
 ակնածութիւնն՝ որ բնականաբար երկար
 ժամանակ կարող է տպաւորուել մտաց
 և սրտից մէջ, վերջապէս Ալոյ անուամբ
 գտած է իւր յարգանքը տգէտ Մահմե-

տականաց մէջ և գուցէ ջանիւք խորա-
մանկ շահասիրութեան :

Բնակիչք գեղջս երեք մասին չափ եկք
են վերջին ժամանակաց, կպարապին երկ-
րագործութեամբ, այգեգործութեամբ,
և խաշնապահութեամբ. բաց ի վեց տանէ
ամենքն աղքատ. ունին մզկիթ մի հասա-
րակ շէնք՝ գիւղի մէջ տեղը, ուր կժողո-
վին իբրև ի կեդրոն շրջակայ Մահմետա-
կանք արք և կանայք, Ալուոյ և նորա որ-
դուոց մահը փառաւորապէս տօնելու հա-
մար: Թէ տեսնէիր դու, ընթերցող եղ-
բայր, թէ այնտեղ, ուր երկար ժամանակ
Ղուսաւորչի շարչարանքը կտօնուէր, այ-
ժըմ Ալուոյ, Հասանայ, և Հիւսէյինի
նահատակութիւնը կտօնուի, կշիւարէիր
յիրաւի անցեալի դժնէութեան վերայ:
1869 թուականի Մարտ ամսին մէջ պիտի
կատարուէր այս հանդէսը, գնացի և ես
տեսնելու. գիւղին մօտեցած ժամանակը
տեսի հարիւրաչափ պատանիներ և երի-
տասարդներ երկար ու ձիք շարուած ճա-

նապարհի մէջ, որի ձեռք դաշոյն, և որին
 բիր, կուրծքերը սպիտակ հանդերձ փաթ-
 թած և գլուխները պատառած սրով
 ու քարով, և արիւնով ներկած բոլոր
 կուրծքերը ու դէմքերը, կատաղի և վրէժ-
 խնդիր ձայնով կպօռային «Հասան,
Հի-սէյն, Ալի, աղած վայ,, ևայլն. նո-
 ցա ձայնին իբր առաւել տխրութիւն և
 ազդուութիւն տալու համար կրնթանային
 հետները թմբկահար մի և փողահար
 (դափի, զուռնաչի) և որոնք իբր ըստ տե-
 դւոյն մերթ կսկսէին ձայները հանել, և
 մերթ լռել. մտինք գիւղը, բերին ինձ օ-
 թոց նստելու մզկիթի պատին տակ, որոյ
 առաջ՝ հրապարակին մէջ պիտի հանդէ-
 սը կատարուէր. հետզհետէ եկին ժողովե-
 ցան այն տեղ և շրջակայ սգաւոր գիւղա-
 ցիք, բերելով իւրաքանչիւր գիւղի բազ-
 մութիւն իւր հետն պատգարակ մի զար-
 դարուն չորս մարդոյ ուսերի վերայ բար-
 ձած, որոց մէջ բազմած էին Ալւոյ որդիքն
 և քոյրն, որոց հասած էր ժամանակն

մահ և սուգ տեսնելու. հանդէսն սկսաւ
 բորբոքուիլ երկար ժամանակ հրապարա-
 կին մէջ բոլորաշրջան խմբով ու օդը
 լցնող աղաղակներով ամենքն ևս շապ-
 կաց օձիքները արձակած, որը դաշոյնով
 ճակատը կճեղքէր, որը բաց կուրծքը
 կկոծէր. իսկ այդ միջոցներին բերներէն
 լսուած բառերն էին « աման Ալի, աման
 աղւծ, ւաւան վայ, շի-սէի՛ն վայ, և այլն.
 վերջապէս պատրաստուեցան երթալ ընդ-
 արձակ դաշտ մի գիւղէն դուրս, ուր պիտի
 ներկայացուէր և պատերազմն. հետներն
 միասին գնացի և ես, առաջին անգամ
 այնպիսի հանդէս տեսնելու. մօլլայի մէ-
 կը Ալի ձեացած նստաւ ձի և շրջապա-
 տուած ծառաներէն եկաւ կանգնեցաւ
 բազմութեան մէջ, որի առաջն բերին ոչ
 խար մի մատաղ անելու, բայց չընդունեց,
 ու սկսաւ նախ խրատել ու մխիթարել ժո-
 ղովուրդն. ապա երբ տեսաւ Ազատին սպա-
 ռազինած, յայտնեց որ պիտի դուրս գայ
 թշնամւոյն դէմ. ժողովուրդն սկսաւ լալ,

բայց նա սկսաւ մխիթարել զնոսա և իւր
 ընտանիքն, թէ բնաւ չվախենաք. ես ու-
 նիմ օգնութիւն ի վերուստ, որով ան-
 շուշտ պիտի յաղթեմ թշնամւոյն. իսկ
 թէ կամք Տեառն վճռած լինի իմ մահը,
 այն ժամանակ միայն անհաւատն թոյլ-
 տուութեամբ երկնից կարող է ձեռն
 բարձրացնել իմ վերայ. բայց եթէ մեռ-
 նիմ ես, գիտացէք որ կերթամ ձեզ հա-
 մար երկնքի մէջ տեղեր պատրաստելու:
 Այս խօսքերն ասելով կուզէր բաժանուիլ,
 միայն նորա շասան որդին աղաչանքովն
 նորան արգելք եղաւ և ինքն գնաց. փո-
 քըր ժամանակէ ետքը հրացանի ձայնը
 լսուեցաւ, և ահա շասանն սպանուած
 Աղտիէն դադաղի մէջ դրած բերին բազ-
 մութեան մէջ. լաց և սուգ պաշարեց
 զքորսն, մայրն, և ժողովուրդն. բայց
 թշնամւոյ վրէժն առնելու համար պատ-
 րաստուեց երթալ միւս եղբայրն, շիւ-
 սէյինն. նոյն հանդէսն կատարուեց և
 շիւսէյինի վերայ, և ողբացին նորա դին

ևս. իսկ արի և ահարկու Նզտին ամեն
 մէկը սպանելէն յետոյ ձին կմտրակէր կգար
 մօտ և Նլուեն ձայն կտար « մարդ կայ ու-
 ղարկիր, չկայ՝ դու արի կռուելու », տեսա-
 րանն այսպէս քանի քանիցս կրկնուեցաւ,
 և իւրաքանչիւր անգամին ժողովուրդն
 մեծակական ողբով կլցնէր վայրը, մանա-
 ւանդ երբոր կարգադիր ախունդն լալով
 կդիմէր հետևողացն և յուսահատ կեր-
 պով կգուժէր սպանելոց մահն, և մօտա-
 լուտ վտանգն. վերջապէս կարգն եկաւ
 Նլուոյ, որ բոլորն գրկախառնած մխիթա-
 րելէն յետոյ մեկնեցաւ. նոյն հրացանն
 Նզտիի ծանոյց և նորա մահը՝ որով ան-
 տանելի և դառնակակիժ սուգ պատեց ա-
 մենքը. և յիրաւի այնքան բարձրացաւ
 լացն ու կոծն, որ կարծես ներկայացուին
 չէր՝ այլ իսկական անցք. ի վերջոյ Նզտին
 արշաւեց եկաւ մտաւ բազմութեան մէջ
 մերկացրած թուրը ձեռին, բռնեց Նլուոյ
 և որդւոց մատաղերամ սերունդը, որպէս
 զի խողխողէ միանգամայն և ջնջէ. սակայն

հրեշտակն աներևոյթ կերպով բռնեց
տուրն և զինքն հալածեց այն տեղէն ան-
դարձ: Ամենայն խօսակցութիւն հանդի-
սիս մէջ կլինէր երգով. յաւարտ այս ամենայնի,
մեծ ախունդն ել բարձր աթոռի
մի վերայ, և կարդաց օրհնութիւն ամեն
կարգի մարդկան, և ցրուեցան ամենե-
քին:

Մարտի:

Մահմանակից Ապարաների և անտի
կէս վերստ հեռի կանկանի այս գիւղ, որ
ունի այժմ յիսուն տուն մահմետական
բնակիչ: Այս գիւղն Ապարաներ քաղա-
քի մասն է եղած ի հնումն, և որովհետև
շինուած է եղել ապառաժ և մեծատա-
րած սալաքարի վերայ, ուստի և առած է
անունս «Մալիթաղ», որ այժմ Մալ-
թաղ, այն է՝ սալի վերայ շինուած թաղ.
սորա բնակիչքն ևս որսացած լինելով ու-
նիթօռաց թակարդի մէջ, նոյն ճակատա-
գրին են հանդիպել, որ ինչ միւս գեղեր:

Այժմու բնակիչք աղքատ են և կպարա-
պին երկրագործութեամբ, և խաշնարա-
ծութեամբ. այգեգործութիւնն նոր սկսած
է միջները, բայց չէ ծաղկած. Ակեղեցի
գեղջս՝ որ եղած է հնումն, աւերեալ
գոլով, ցոյց կաայ միայն հիմանց մնա-
ցորդքը: Վիւղի հիւսիսակողմն, ճանապար-
հի վերայ է հին գերեզմանատունն ան-
բաղդ շայոց, լցուած բազմաթիւ խաչ-
քարերով, որոց շատը գիւղի բնակչաց
ձեռօք քանդուած անհետացած են նոր
բացուած առուակի պատճառաւ:

Բողո-սար.

Մայթաղի հիւսիսակողմն և գրեթէ
գիւղի կողքին կանկանի այս «Բողո-սար»,
ասացեալ բլուրը կամ լեռնակը, որ երկ-
ձիւղ գազաթովը բաւական նմանութիւն
ունի Մասիսին: Այս տեղ էր գաղած
մասն ինչ նշխարաց սրբոց շոխիսիմեանց,
որո հանել տուաւ Ալթուն Աստապատ-
ցի. բայց մասանց տեղն կանգնած կայ և

ցարդ ևս կմնայ փոքրիկ մատուռ մի «Առ-
 սանաց», անուանեալ, հասարակ քա-
 րամբք թիայն շարուած. ուր որոշ օրուան
 մի մէջ 'Նորաշէն գիւղի Հայերը կգան
 ուխտ: Մերձակայ բնակչաց մէջ այս լեռ-
 նակն կկոչուի նաև «հարսն ու փեսայ»,
 աւանդութիւնն կասէ որ երկու նորապը-
 սակ ամուլք ճանապարհ ելած ժամանակը
 կհանդիպին աւազակաց, որոց միտքը կը-
 լինի հարսն փախցնել. իսկ ողորմելի ամ-
 ուլքն սոցա ձեռքէն ազատուելու մտօք կե-
 լանեն սորա գազաթն թէ և, բայց երկուքն
 ևս քար կդառնան և կմնան այն տեղ:

Նորաշէն.

Առլուսարի արևելեան ստորոտի վերայ
 կանկանի այս գիւղը՝ բնակութեամբ վաթ-
 սունաչափ գերդաստանաց, որոց կէսը Հայ-
 անունս ,,Նորաշէն,, արդէն ցոյց կտայ
 որ վերջին ժամանակաց է. իսկ գիւղի չորս
 կողմիցը տեսնուած բազմաթիւ շինու-
 թեանց աւերակները և հնակառոյց Ակե-

դեցին ցոյց կտան որ և յառաջագոյն ե-
ղած է անդէն բնակութիւն. այս պատճա-
ռաւ հարկաւ պէտք է կարծել որ սա պիտի
լինի թագակեցւոյ յիշատակեալ ,, Եւս-
բունիս ,, գիւղը, որոց կէսն ի ժամանակին
թակարդեցան ի յաղթս Աւնիթոռացն:
Քնակիչք տեղւոյս կպարապին սովորաբար
երկրագործութեամբ և սակաւութեամբ այգե-
գործութեամբ. այժմու շայք տեղւոյս
գաղթականք են Պարսկաստանի բացի սա-
կաւաւոր տներէ:

Սո՛ւրբ Եւստակիոսի Եկեղեցի.

Շոյակապ՝ ամենաշքեղ և փառաւոր
կոփածոյ քարամբք Եկեղեցի մի՛ բաւա-
կան մեծ և ընդարձակ, սագաշէն տանիք
Եկեղեցւոյն և փոքրիկ կաթոլիկէն չորս
մեծամեծ ամրապինս սեանց և ութն կի-
սասեանց վերայ հաստատուած են. եր-
կայնութիւն տաճարին արտաքուստ երե-
սուն քայլ, իսկ լայնութիւնն տասնևութ,
ունի երեք սեղան, երկուքն աւազ սեղա-

նոյ յաջմէ և յահեկէ, աւանդատանց վե-
 րայ շինուած. ունի երկու դուռն, մի ա-
 րևմտեան՝ փառաւոր՝ հոյակապ և գեղա-
 քանդակ. սորա ճակատին հաստատուած
 է ամբողջ քար մի, որոյ վերայ նուրբ քան-
 դակեալ երեք խաչ քարեր. ներքոյ խաչ-
 քարին դրուած է. «Յիշատակ է դուռս
 մահտեսի Աթանիսի որդի Աղարին», .
 յաջմէ նորին՝ «Յիշատակ է խաչս մահտե-
 սի Գրիգորին և որդւոյն Մանուկին», . և
 յահեկէ՝ «Յիշատակ է խաչս Հայրապետի
 որդի Միքայէլին», . դրան աջակողմեան
 սեան ճակատին՝ «Յիշատակ է սիւնս մահ-
 տեսի Աղարեայ և ծնողացն մահտեսի Աղի-
 այի և Նէրխաթուհին», . Առաջև Ակեղեց-
 ւոյս չորս փառաւոր կամարակապ սեանց
 վերայ հաստատուած է գաւիթ շէղ, իւ-
 րաքանչիւր սեան արտօքին ճակատին քան-
 դակեալ մի մի պատկեր չորից Աւետարան-
 չաց և գրուած նոցա անուները, իսկ հիւ-
 սիսային սեան ճակատի վերայ գրուած է
 «Յիշատակ է խաչս Աւհանին կողակցի

Նազըլույին,, իսկ հարաւայնոյ վերայ՝ Յի-
 շատակ է սուրբ պատկերս Մարկոսի որդի
 Ավանէս վարդապետին,, : Գաւթի տանի-
 քէն բարձր Տաճարի արեւմտեան պատի
 ճակատին լուսամուտէն վեր, ՝ Յիշատակ է
 սուրբ խաչս Այվաղի որդի Հարօնին Թ.
 ԱՂՆ ին,, :

Հարաւային դրան ճակատի սալքարի
 վերայ, ՝ Հիմնադրեցաւ սուրբ եկեղեցիս ի
 Թվ. Հայոց ԱՒԵ ին,, . սակայն ինձ իս-
 պառ անհաւանելի է՝ որ այսքան վսեմ և
 մեծաճախ փառաւոր յարկ մի մօտ ժա-
 մանակի գործ լինի. գուցէ արձանագիրն
 վերջին ժամանակաց գործ լինելով՝ անգի-
 տութեամբ այն թուականին տուած է շի-
 նութիւնն. մի և նոյն արձանագրին իբր
 շարունակութիւն՝ յետոյ ժամանակաւ դը-
 րուած է, ՝ Նս Նորաշէնցի Մարկոս Ե-
 փոււնովս իմ յօժար կամաւս Ժ. խալվար
 Նախջեանի վախիմ արիմ Եստուածա-
 ծին Ակեղեցւոյն ի Թվ. ԱՂԺ ին,, .
 գաւթի արեւմտակողմն եղած են ջաւական

եկեղեցական սենեակներ, այժմ հաւասարուած և բնակութիւն ձգած է քահանայի համար : Արեւելոց արևելակողմն է աղբիւրն նորին, որոյ երկու թաղակապ հոյաշէն աւազանների մէջ վազեր է համեղ ջուր, խողովակներով հեռուէն բերած, իսկ այժմ միանգամայն ցամաք և խցեալ :

Ս—րբ Յովհաննէս.

Այժմու ծառաստանեայց մէջ ընկած փոքրիկ վայելչաձև եկեղեցի մի եղած է, այժմ աւերակ. մնան միայն սեղանն և տանեաց կէսն. սեղանոյ չորս կողմով պատին մէջ թողած կան եօթն պատուհաններ, և ամեն մէկի մէջ մի մի խաչքար. նայելով խաչքարների քանդակներին, բաւական նուրբ են, իսկ արձանագրութիւններն շատ խակ ձեռին գործ : Արևելեան հիւսիսակողման խաչքարի մի վերայ տեսած արձանագրի թուականն միայն յանձն առինք օրինակել, որ է « Ի թ. ԶԱՂԻ » յաջմէ

և յաճեկէ սեղանոյն եղած են պահարանք,
այժմ հազիւ նշմարելիք :

Սահմանքը՝ Նորաշէնի.

Նորաշէնաւ գիւղիս Նրնջակ գետի վե-
րայ շինուած էր փառաւոր կոփածայ քա-
րամբք կամուրջ մի գեղեցիկ, զոր յամի
1871 Օգոստոս ամսին ահեղ և կարգէ
դուրս հեղեղ մի քանդելով կէսն անհե-
տացոյց :

Ղանտի — Մազրայ.

Նորաշէն գիւղի դաշտին մէջ արևելա-
կողմն դէպ ի Ղազանչի տանող ճանա-
պարհի ձախ թևի վերայ կանկանի փոքրիկ
հողակոյտ մի «Ղանտի — Մազրայ», ա-
նուանով. աւանդութիւնն կասէ որ այս
կարկառը Ղանտի անուն աւազակի մի գե-
րեզման է: Ղանտի իւր ահարկու սրովն
ահ ու դողի մէջ պատած պաշարած է ե-
ղել բոլոր գաւառը. որչափ կաշխատին ա-
ռաջն փակելու, անհնարին կլինի. ըսպա-

նութիւնն, յափշտակութիւնն օր քան
 զօր կաստկանայ. Շահաբաս արքայ ճա-
 րահատեալ զօրք կուղարկէ որ ըմբռնեն
 զինքն. բազմաթիւ արքունի հրոսակը մին-
 չև Օղկեաց (Միսեանի) լեռները փախցնե-
 լով վերջապէս կբռնեն Ղանտիլը ու կրբե-
 րեն. Շահաբաս կհրամայէ կանգնեցնել,
 և ամեն մի զօրականի՝ իւր ձիոյ տուրա-
 կով հող բերել լցնել նորա գլխին. որով
 կձեանայ այս փոքրիկ բլրակը «Ղանտի-
 Մազրայ»,

Խորհուրդն.

Ղանտաղւոյ հիւսիսային արևելեան ստո-
 բոտի վերայ ձգուած է այս գիւղ, երբեմն
 Հայաբնակ. այս գիւղն ևս ընդունեց ունի-
 թոռաց քարոզութիւնն. այժմու բնա-
 կիչք գեղջ՝ քառասուն տան չափ մահ-
 մետականք են, բայց չէ յայտ թէ հին Հա-
 յերն են լատինացած, թէ յետոյ այլ և
 այլ տէրերէ ժողովուածներ. եկեղեցի գեղ-
 ջրս, որը հնութեան երեսէն, և որը մահ-

մետական մոլեռանդութեամբ այժմ միան-
 դամայն գետնի հետ հաւասարուած ու ե-
 դած է գեղացւոյ մէկի պարտեզատեղ . հի-
 մունքն միայն մնան նշմարելիք . այս գիւղիս
 մէջ կրդեւ աղբիւր մի բարեհամ ի բաւա-
 կանութիւն բնակչացն :

ՆՐՆՃԱԿՔԵՐԴ.

Նրնջակ գետոյ ձախ թէի վերայ, և
 Նորաշէն գիւղէն երկու վերստ հեռի կը
 բարձրանայ միապաղաղ սեան նման ուղ-
 դակի վեր : Ը. Մ. Չամչեան կղնէ այս լեռան
 ընդ մէջ Նրնջակ և Գոյլթն գաւառաց,
 բայց միանգամայն սխալ : Ըստ որում բուն
 համայնուն գաւառի մէջն է, և Գոյլթն
 գաւառէն բաւական հեռի : Ե. յս ամ-
 բողիս գլխովն անցած գառնաղէտ և քրտա-
 մնելի անցից յիշատակը մարդ կըտը-
 հուրեցնէ : Սա ինքն վաղ ժամանակէ հե-
 տէ ապաքտանարան պիտի եղած լինի մեր
 ազգայնոց, թէ և պատմութեան մէջ առաջ

ջին անդամ նշանաւ որ կհանդիսանայ Յու-
 սուփ բռնաւորի պաշարմամբը, և Վաթա-
 տայ Խոստովանող Արքայի՛ սորա սատրոսը
 կրած կտաամահ տանջանօքը, յամի 914:
 V. յդ արիւնարբու անդուծ բռնաւորն շքո-
 թ այակապ կաշկանդած Հայոց թշուառ և
 ողորմելի թագսւորը, և հետն առած կղի-
 մէ այս բերդիս վերայ՝ «Ե մաի եղեալ
 խլել և յատակել զամբոցն, և զբնակիչս
 նորին վարել ի դերուծիւն, մանաւանդ
 զտիկնայս մեծամեծաց, յորս երեւելի էին
 մայրն Վաթատայ Միսակեանց, և կինն նո-
 րա որ էր քոյր Գազկայ բռնաւորի, և կինն
 Մահակայ եղբօր նորին Վաթատայ, և այլ
 ևս ազատ կանայք, թող զբաղում որդիս
 նախարարաց որք զօղեալ մնային անդ,
 Զամ. պատմ. հատ. Բ. գիրք Գ. եր. 756.
 քայց ելբ որ կտեանէ մարդաստոշոշ բռնա-
 ւորն, որ ամբոցն անձնատուր չի լինի, սրբ-
 աին չարաթոյն դառնու թեան մաղձը կը-
 թափէ Վաթատ արքայի վերայ, կանգնեցը-
 նել տալով զնա բեղի մէջ զանուածնե-

ըի աչքի առաջը, ու չարաչար գանահա-
 րութենէն և աղղի աղգի անլուր սոսկալի
 և անտանելի տանջանքներէն յետոյ, խեղ-
 դել հրամայելով հրապարակին միջ. դա-
 հի՞՞ք հրամանն առած, թաշկինակը բռնի
 վարոցներէն բերանը մղելէն, տասներկու
 մարդոց վրան ընկնելէն ու հոլովելէն յե-
 տոյ, չքսամնեցան ի բերելն «արտաքոյ
 բնութեան ի սարսափելի տանջանս. զի
 յերկարեալ տակաւին շնչոյ նորա՝ մատու-
 ցին ի ծածուկ անդամս նորա կտտանս և
 չարչարանս անողորմս և քսամնելիս, ան-
 հնարինս և անասելիս: Աւ ապա մինչ չե-
 կր իսպառ. հատեալ շնչոյ նորա, խողխո-
 ղեցին զնա, և հատին սլով զգլուխ նորա,,
 (ի նոյն Պատմ.):

Անորէն ոստիկանն Ամբատայ կեանքը
 զրաւելէն յետոյ ուրչափ և բերդի պաշա-
 րութնն ու պատերազմն կասսակացնէ, ա-
 բո ու մն անհնարին կլինի, մինչև որ ամենա-
 հաս և արագահաս նենգութեանն ու մատ-
 նութեանն մեքենաները թ շնամին յանկարծ

մերկազէն ի ներքս լցնել կաան, յահարեկ
 շուարու մն և ի սուգ անհնարին դառնու-
 թեան տարարադդ բնակչացն, որոց «հա-
 արնտիր արարեալ զմնացորդս մարդկան,
 քանպիտանան և դողեզան սրոյ եառն ճա-
 րակ, իսկ զառոյգսն և զդեղեցիկսն զերե-
 ցին: Ոջնպէս և զկամայս մեծասանց հան-
 դերձ մանկամոք նոցին», (անդ. եբ. 758):
 Հայ ուղևոր, Հայ եղբայր, ո՞չ օրչափ հա-
 սած կլինէի բաղձանացս, թէ որ այս աշ-
 խատու թիւնովն տեղիք տուած լինէի քեզ
 դիտել, թէ այդ հողն՝ ուստի գու պլմ
 գտակդ ծուռ գրած կկտեսս կանցնես, քո
 անբաղդ թագաւորի, իշխանաց, և համա-
 բիւն հազարաւոր եզրարց արիւնով ոսո-
 դուած է. այդ լեառն՝ որի անկովն այդ-
 պէս երգով և դնդնայով կանցնիս, բիւ-
 րաւոր սրտաբեկ, անյոյս, և անօգնական
 ընտանեաց, տիկնայց, և իշխանաց մերթ
 ապատանարան է եղած, մերթ տիրանենդ
 մատնութեան և նախանձու ձեռքով զո՞-
 հարան, զանէ, այդ տեղէն անցած միջոցդ,

վրէժխնդիր սիրար թող անդամ մի շար-
 ժէ, երակնելիոյ մէջի արիւնը, և եթէ դու
 օգնել չկարացիր, գոնէ կարեկցութեամբ
 ևս պատուէ նոցա արտասուելի յիշատա-
 կը :

Արկտասաներորդ դարու մէջ կժա-
 աանպէ, այս ամրոցն քանի մի աւանօք հա-
 մանուն գաւառի՝ Ալիկում Առապելեան,
 և դրայր Իւանայ. յետ նորա Ամբաս քա-
 ջազօր իշխանն Միւնեաց: Այս ամրոցիս
 ստորաները տեսնուած պատնէշի և պա-
 րուպի նշմարելի հաստապինդ հիմունքը,
 թամանակի անկասկած ամրութիւնը կը-
 հասկացնեն. և հարիւրաւոր գերեզմաննե-
 րը, որք ամրոցիս ստորտը, գէպ ի Շահ-
 կերա տանող ճանապարհի ձախ թևի վե-
 րայ կարկառի մի գլխին կանկանին, և որոց
 ամեն մէկը կարտուեսակէ իւր մէջ մինչև 40-
 50 մարմններ, տեսնողին կարծել կտան
 այս տեղ թափած հազարաւոր մարտոց
 արիւնը և կոտորածը. ո՞ր կարող է երկուա-
 նայ թէ այս գեանափոր փոսերի մէջ կու-

տակուած դիակները այն զօրացն կլինին,
որք ժամանակաւ ամբողջիս դէմ մարտ դը-
րած և ջարդուած, կամ երկարաձիգ պա-
շարման միջոցն դիւրածախս ախտով մի
բռնուած, առ տեղեաւն հողը մտած ենւ
Մ.յս գերեզմանների հիւսիսակողմն, փոքր
ինչ հեռի, բաւական ընդարձակ բլրակի
մի վերայ կան դարձեալ պարսպի կամ
պատնէշի աւերակներ, որոց համար 'Աորս-
շենեցի ուղեցոյցն իմ աասց որ 'բերդը
փակողների օրտուաանդն ա' ինչպէս որ մե-
զանում պապենական խօսք ա ասում են,,:

Ա երջին ժամանակներն այս տեղ ա-
պաստանած էին և Պարսիկ զօրքը. յետ
'նոցա և Առւսաց սակաւամիւ բանակը,
մինչև որ բոլոր երկիրն իրանց ձեռքն ա-
ռին: Արեք անգամ է որ ես այս ամբողջի
գլուխը բարձրացայ տաժանելի նեղու-
թեամբ, և երեք անգամն ևս զարմանքս
զսպել ճկարացի, տեսնելով բարձր և ա-
պառաժ լերան մի դլեին այնքան հոյակապ
և բազմամիւ արհեստահար շէնքերը:

Արկու ճանապարհ կայ միայն բերդն ելանե-
 լու, մինն հարսու ային և միւսն հիւսիսային.
 հիւսիսային ճանապարհն յառաջ այն-
 պէս պատրաստուած է եղել, որ մէկ ձիով
 կարելի է եղած գնալ. իսկ այժմ շինուածոց
 փլատակաց և լերան գլխէն թափած սա-
 լերովն փակուած. այսու ամենայնիւ ոտքով
 գնացողին համար միւսէն դիւրին. այս ճա-
 նապարհով քարձրացած ժամանակը, կանս-
 նեա երեք ամրապինդ պարիսպներ քարու-
 կիր շինուած են, առաջնապարիսպն ըստ
 կիսոյն քանդուած է, միայն պահակներն
 տեղերն աւելի դիմացել են. միջնապարիս-
 պն առաջնոյն չափ վնասուած չէ. իսկ
 ներքնապարիսպն դեռ կանգուն մնացած
 ամուր և քարձր շէնք մի է. այս պարսպի
 քովեր կան սենեակներ, որը քարուկիր, և
 որը թրծած աղիւսով կանգնած շինու-
 թիւնք, մեծաւ մասամբ անվնասք, իսկ
 պարիսպն անցած ժամանակդ, կտեսնես
 հարիւրաւոր մեծ և փոքր սենեակներ, է որ
 քարուկրով, և է որ աղիւսով շինուած,

բոլորն ալ ամուր և ընտիր, որոց կպահա-
 սի միայն ծածկը. լերան արեւմտեան հա-
 բաւային ծայրի վերայ դեռ մինչև այսօր
 կայ և մնայ ամբողջ քարաշէն դիտարան
 մի: Աչ սակաւ ուշադրութեան արժանի
 են և 'նորա ջրամբարներն' որք թուով ինն
 հատ են, ամեն մէկը վեց քայլ լայնու-
 թեամբ՝ քսան շորս քայլ երկայնութեամբ
 և վեց կանգուն խորութեամբ: Այս ջրամ-
 բարներն լեռ քարէ կտրուած, սաշուած
 և քառակուսի ձևով փոսացրած աւա-
 զաններ են, մանր մանր ճիւղերով փո-
 րուած առուակներովն բոլոր անձրևները
 և հալուած ձները կ'ողտվուին անկորուստ:
 Ամբողջ խիստ վտանգաւոր պաշարման ժա-
 մանակ նոցա ջրամբարները զովացրել են
 պաշարելոց պասուքը. նոյն իսկ ամառուան
 տօթ եղանակին ամեն մէկի մէջ ևս ջուր
 գտինք, բայց մեռած ինչպէս են սովորա-
 բար անշարժ ճահիճների ջրերը. երևի
 գործածած ժամանակը աւաղով կամ ուրիշ
 հնարքով մաքրել ու կենդանացրել են:

Արեւմտեան գաղաթիւնը երկու ճիւղ բաժա-
 նուած է. այցելուէն մի ճիւղի տարածու-
 թիւնը և վրայի շէնքերը ղիտելէն յետոյ
 կապարտաւորի և միւս գաղաթիւնը ելանել
 ահ ու գողով, որ առաջինէն շատ բարձր
 է. այս ճիւղի վերայ դանուած աղիւսակերտ
 և ըստ մեծի մասին կանգուն շէնքերը տես-
 նողը, առաջինի վերայ ունեցած զարման-
 քը կզսպէ. դէպ ի հիւսիս և արեւուաք
 մտիկ տուող լեռան մերկ և միապազայ
 գաղաթին վերայ կանգնած հոյակապ կա-
 մարները, ընդարձակ քառակուսի դահլի-
 ճը, և շորս կողմի վայելուչ ճարտարա-
 բուեստ շէնքերը արդէն ցոյց կտան իշխա-
 նական արքունիք լինելը, որով և իրա-
 ւամբ մերձակայ բնակիչք “Շահ—Սախ-
 տը”, կանուանեն: Եւ նչ սքանչելի և դիւ-
 թիչ տեսարան կընծայեն այս տեղէն մը-
 տիկ տուողին, Արնջակ գաւառը, Մասի-
 սը, Արասխը, Նախիջևան քաղաքը, և
 Պարսկաստանի լեռները: Հարաւային ծա-
 նապարհն ջնայելով որ արդէն դժուարա-

կոխ և տարժանեցուցիչ է, դարձեալ երեք
 պարսպով ամրացած է. սորա ներքնաբեր-
 դը, որ լերան գլխին է, այնպէս ամուր և
 անվտանգ է, որ կարծես նոր շինուած է.
 յաջմէ և յահեկէ կան երկու ընտիր և գե-
 զեցիկ սենեակներ նոյնպէս անվասք: Այս
 ճանապարհն կտանէ զմարդ գէպ ի Արն-
 ջակ գետը, որ մօս ովն կանցանի. վերջին ու-
 աւեր պարսպէն դուրս եկած ժամանակը
 լերան ստորոտի վերայ բազմաթիւ շինու-
 թիւնների — տանց և պարսպաց մնացորդ
 ներ կանսնէ մարդ, բոյորն ևս քարաշէն.
 բայց դժուար է որոշել թէ ինչ նպատա-
 կի են ծառայած:

Խամեաղա.

Արնջակաբերդի այս հարաւային ստո-
 բոտի վերայ այժմ կայ տաճկաբնակ գիւղ
 մի «Խամեաղա», անուն որ կերևի հիմ-
 նեալ վերջին ժամանակներս. որովհետև
 բերդի այնքան անդադար պաշարմանց ժա-

մանակ չէր կարող այս տեղ բնակութիւն
 լինել : Բնակիչք գեղջա ծոյլ և աղքատ
 մահմետականք են 50 տան չափ. նոր նոր
 սկսած են ծառաստաններ և պարտեզներ
 մշակելու ձեռք տալ :

Երնջակի քաղաք.

Յիշատակեալ բերդի հարաւակոյմն և
 անտի իրր չորս վերսա հեռա որու թեանք
 կան և մնան դեռ հազիւ նշմարելի աւե-
 րակք քաղաքիս, որոյ անունով և անբողջ
 քաւար կոչուած է. տարածութիւն քա-
 դաքիս ձգուած է կէս մի հարթ լեռնադաշ-
 տակի, և կէս մի լեռների վերայ, բայց ամ-
 սոս, որ կոյր՝ ագէտ, և հնութեան յարզը
 շիւտցող թուրք բնակիչք Խանաղա դիւ-
 դի, վերջին ժամանակներս սակաւ առ սա-
 կաւ քանդելով աւերակներն աղարակներ
 դարձուցած են, այնպէս որ այժմ հազիւ
 կան և կնշմարուին ցան և ցիր մնացորդք
 հիմանց, ըստ կհսոյն քարու կիր և ըստ կի-

սոյն հողանիւթ շինութեանց: Առաջեւ
 քաղաքատեղւոյս՝ լեռնադաշտակի վերայ
 կանկանի գերեզմանատունն, որ այնքան
 բազմաթիւ հին գերեզմաններովն քաղա-
 քին երբեմն բազմամարդութիւնն կը
 յայտնէ. հնութեան ժանիքն ծախել է գե-
 րեզմանաց բոլոր արձանագրութիւնները,
 պահելով միայն ի նշան քրիստոնէութեան
 մասնապատ խաչերը. այնքան երկար դե-
 գերելով քարերի մէջ հազիւ միայն մէկի
 վերայ այս դրերս որոշել կարացի «թ վին
 Ա.Ի.Ի», : Արչափ շատ կերեին հանգստա-
 բանիս գերեզմաններն, գեռ երկու բաժնի
 չափ հերկուած հողի մէջ անյայտացած
 են, յիշատակեալ գիւղի մոլեռանդ բնակ-
 շոց չարամիս մախանօք: Այս քաղաքիս
 մէջ եղև ազգային ժողովն շայոց, Բա-
 դարատ մեծ իշխանի, և Ամբատայ Բադ-
 բատունւոյ մեծ սպարապետի օրով յամի
 841, Ավայեցի Յովհաննէս Ասթողեկոսի
 վերայ եղած ամբատատանութիւններն քըն-
 նելու համար:

Ս. Գ. Ե. Բ. Գ.

Եւր. Չակ քաղաքի հիւսիսակողմն, բար-
 ձրը և գժուարամատչելի լերան մի գլխին
 կանկանի այս վանքը յանուն Ս. Գ. Ե. Բ. Գ.
 շինու թիւնն հասարակ, քարուկիր, կան-
 գուն կմնան միայն որմունքն, ունի սեղան
 մի, և դուռն երկուս. չունէր բնաւ արձա-
 նագիր, կից աւագ մատրանս ի հիւսիսոյ
 եզամ է միս ևս աղօթատեղի փոքրիկ,
 այժմ և նա աւեր բոլորովն բաց ի արևե-
 լեան որմոյ կէսն:

Ընաջլ աւ մատրանն դէպ յարևմուտս,
 լերան զարիվայր կուրծքի վերայ կտարա-
 ծուի ընդարձակ գերեզմանատունն, որոյ
 շիրմաց դեռ շատը հերկուած հողի մէջ
 ծածկուած անյայտացած հերկող արօրի ե-
 րեսէն. մնացելոց մէջը կանսնուին քանի մի
 փառաւոր մահարձաններ, այլ գրութիւնն
 ներն եղծուած: Մատրան քովերը գիւղի
 կամ բնակութեանց հետք չգտնելով հար-

կաւ կկարծուի որ և այս հանգստարանը
 Արնջակ քաղաքինն պիտի լինի դարձեալ,
 ուր ամփոփուած են շատերը առանձին կը-
 տակով և բաղձանքով մի, ապա թէ ոչ փոք-
 րիկ մատրան մի սակաւաթիւ ծառայողնե-
 րովն չէր ձեանայ բազմամարդ հանգստա-
 րան. արդիւնաւոր այրն, Յովհաննէս Ա-
 պիսկոպոս Շահխաթունեանց այս տաճա-
 րիս կամ մատրանս համար կկարծէ լինել
 առաջին մենաստան Ա. Արապետի Արն-
 ջակու, զոր մեք չընդունեցինք վերելը: Ա.
 Վեորդայ մատրան հիւսիսակողմն հարիւր
 քսան քայլ հեռի, սրածայր ժայռին տակ
 փոքրիկ քարապատ խրճիթիկ մի կար, որոյ
 մէջ գերեզման մի՝ վրայի քարը մէջ տեղէն
 բեկեալ, ուսէր զանազան նկարներ և փո-
 ղուածք. իսկ եզերքի մէկի վրայ այս գրերս
 «ՆՂ, Լ, Թ», գուցէ միւսքն եղծեալք.
 աւանդութիւն մերձակայ բնակչաց «Ղըզ-
 նաւորի», կկոչէ այս շիրիմս: Բնչպէս յիշա-
 տակեալ մատուռն Ա. Վեորդայ, նոյնպէս

և այս դամբարան ուխտատեղիք են մօ-
տակայ Հայ զիւղօրէից:

Ղազանձի (Շահէբա).

Արնջակ գետի ձախակողմն քարձրաւ ան-
դակի մի վրայ տարածուած բաւական ըն-
դարձակ զիւղ մի է. գեղեցիկ տեսարան
կրնձայեն այս զիւղին՝ զինքն շրջապատող
լեռներն և բլուրներն, որոց մէջ կան՝ որ
մերկ են, և կան՝ որ բուսաբեր, կան՝ որ մեծ,
և կան՝ որ փոքր: Ղազանջին շրջապա-
տող լեռանց մէջ նշանաւորներն են յա-
րեմաից Արնջակաբերդ, ի հարաւոյ «Պալ-
լը—Ղայա», (Սեղրածոր վէմ), և կը-
կոչուի այս անուամբ նորա համար՝ որ ան-
մատչելի գագաթին մեղուք բուն դրած են.
Ի հիւսիսոյ՝ անառիկ ամրոցն Ղազանջուոյ,
որ շատ անգամ ապաստանարան է եղած
ողորմելի ժողովրդեան Պարսիկ ասպատա-
կողների երեսէն, և հանդիսարան սրխրա-
դործութեան՝ կորովի բազկաց Նաւդամի-

բեան Յովհաննէս իշխանի և արիասիրտ
 քնկերաց նորին, որոց համար Չաւչեանն
 կգրէ «էին արք զօրաւորք և հաստարա-
 զուկք»։ Այս աւանն ի հնումն շատ մեծ
 և բարգաւաճ եղած է, և շատ անդամ
 պատմութեան մէջ քաղաք կկոչուի։ Այժ-
 մու բնակիչք զիւղիս բոլորն ալ Հայք են
 հարիւր տան շափ, որոց կէսն բնիկ, և կէ-
 սրն գաղթական, բնիկ բնակչաց մէջ գրե-
 թէ դեռ կփայլի նախնեաց անվեհեր և քա-
 ջակորով արիութիւնը, անուանի են ձիա-
 վարժութեան և զինակրութեան մէջ, և
 «կնածելի շքակաց բնակչաց մօտ»։

Այս զիւղի բուն անունն է Շահկերտ,
 որ ցոյց կտայ լինել Շահի գործ կամ դաս-
 տակերտ, բայց հնութիւնն ցոյց տուած չէ
 սորա սկզբնաւորութիւնն, անունս Շահ-
 կերտ, տեղական աւանդութիւնն կմեկնէ
 «Շահ-գիրդ», (Շահեմուտ) ինչպէս պի-
 տի տեանեմք ստորև։ Այժմու սովորական
 կոչումն «Ղազանչի», առնուած է ի կիրա-
 ւորութիւն գրացի բնակչաց մէջ զիւղիս նախ-

նի բնակչաց արհեստէն, այս ինքն պղնձագործութենէն, որ ժամանակին գլխաւոր և կիրթ պարապմունքն էր Շահկերտցւոց մեծագոյն մասին: Այս տեղ՝ ինչպէս կերևի՝ ամենեին մուտ գործել չէ կարացած լատինահայ ունիթօուաց ճարտարահնար խորամանկութիւնն, մինչդեռ մօտակայ գիւղորայքը շատերը գլխովին որսացուել են. Շահկերտի նշանաւոր բազմամարդութեան և ծաղկեալ դրութեան վկայք են, մինչև ցայսօր դեռ նշմարելի աւերակներն ջրանցից, այգեաց, ջրաղացից և այլն:

Պատմեցին գիւղիս ծերունի բնակիչքը, թէ «Նախնեաց մեր գիւղումն քառասուն երկու ջրղաց ա էլել, ու հազար հինգ հարիւր տուն բազմութիւն, Պարսից հարստահարութիւններէն և անդադար ասպատակութեանց անթիւ հարուածներէն ստիպուած այդքան բազմութիւնը գաղթել ու փոխուել են զանազան տեղեր, ուր տեղ ապահով ապրելու յոյս ունեցած են. այժմ Շուշի քաղաքին մէջ ա-

ուանձին թաղ և առանձին եկեղեցի կայ
 ‘Վազանչեցւոց’, կոչուած, որոց մէջ կան
 դեռ մինչև ցայսօր խանդամիրեան մեծա-
 նուն տոհմի շառաւիղները: Վլխաւոր
 պարապմունք այժմու բնակչաց գիւղիս են
 երկրագործութիւնն, այգեգործութիւնն,
 խաշնարածութիւնն, մեղուաբուծութիւ-
 նըն, և շերամատածութիւնն. արհեստնե-
 րըն են դարբնութիւն, հիւսնութիւն, ոս-
 տայնանկութիւն, և սափրչութիւն. երկրա-
 գործութիւնն ծաղկած է փոքր իշատէ, իսկ
 այգեգործութիւնն՝ գաղթականաց մէջ:
 Ինիկ ժողովրդականաց լեզուն՝ Նախիջե-
 ւանի գաւառական ջարբառն է, միայն
 շատ բառերի մէջ կլսուին Սիւնեցի հրնչ-
 մունք, և այն մօտ դրացի լինելուն պատ-
 ճառաւ է երևի:

Մեծաւորի եկեղեցի:

Ըսկերտի նախնի մեծութիւն, փար-
 թամութիւն և բարեպաշտութիւն հրո-

չակի հարկանողն այս եկեղեցին է «Ամե-
 նափրկիչ», անուամբ, ո՞ր կարող է առանց
 զարմացման տեսնել այսպիսի ընդարձակ
 մեծադիր, և շքեղաշէն եկեղեցի մի. շի-
 նութիւն համակ սրբատաշ քարամբք
 տանիք եկեղեցւոյն և փոքրիկ կաթուղի-
 կէն վայելչաձև չորս փառաւոր և ամրա-
 պինտ սեանց վերայ հաստատուած են
 թաղակապ, ունի երեք սեղան, մինն մի-
 ջինն որ և աւագ, ընդարձակ և հոյակապ,
 և երկուքն աջ ու ձախ կողմերն, երկու
 խորանների վերայ. սորա շինութեան թո-
 ւականն անյայտ է. գուցէ և փակուած
 լինէին ի ներքուստ, կաթուղիկէի բոլո-
 րակ պատուանդանին վերայ գրուած մե-
 ծատառ տողին մէջ. բայց դժբաղդաբար
 խոնաւութենէ եղծուած լինելով այն ըստ
 մեծի մասին, հնար չեղև գրի առնելու:
 Այկեղեցւոյ արեւմտեան դրան ճակատին
 գրուած փոքրիկ խաչքարի վերայ կայ գր-
 ուած «Թ. ՌՂԳ շինեցին», սակայն այս
 կամ խաչքարի շինութեան կամ տաճա-

ըի նորոգութեան թուականը պիտի լինի
 ըստ որում տաճարի հնութիւնը և քա-
 ըերի արդէն մաշուած լինելը ցոյց կտան
 որ այդ թուականէն շատ յառաջ պիտի շի-
 նած լինի: Այնպէս Վկեղեցւոյ պարստապատ դաւ-
 թին մէջ կան քանի մի գերեզմաններ գետ-
 նին հետ հաւասարք, և առանց արձանագ-
 րոց. միայն մէկի վերայ այս արձանագիրն
 էր, Այս է պապան խօճայ Յովհաննէ-
 սին, որ փոխեցաւ առ Քրիստոս թվին
 ՌՂՁԵ, , գուցէ սա լինի Նանդամիրեան
 Յովհաննէս քաջ իշխանին գերեզմանն.
 որ թէև դեղակուր եղև Վախիջևանի
 մէջ, բայց հաւանական է կարծել որ
 մարմինն փոխադրուած լինի այս տեղ:
 Նորա մահուան թուականի և այս ար-
 ձանագրի մէջ հինգ տարի զանազանիչն
 միայն կարծիքի տակ կ'թողու:

Ս. Յովհաննէս:

Գիւղի մէջ տեղը քարուկիր շինու-
 թեամբ եկեղեցի մի եղած է այժմ քան

միայն հարաւային կիսափուլ որմն և դու-
ռըն իսկ այլ ամէն շինութիւն հեղեղի
բաժին է եղած. որ փոքր առ փոքր իւր
սովորական ճանապարհը թողլով, և ըն-
թացքը ուղղելով այս եկեղեցւոյ վերայ,
սրբել է միանգամայն, որոյ սեղանոյ տե-
ղըն այժմ ուռենիք սաղարթ արձակած
են. յիշատակեալ դրան մէկ կողմի քարին
վերայ միայն գտանք այս գրերս «ՊՂ»,
գիւղացիք պատմեցին որ երեք տարի յա-
ռաջ վայրի ոչխար մի իւր ոտքովն եկաւ
պարկեց այս եկեղեցւոյ դրան առաջին
իբրև մատաղ և իրանք մորթեցին ու
բաժանեցին բոլորի վերայ:

Քարվանսարայ:

Հին շինուածոց մէջ տեղ կոփածոյ
քարամբք և կրով կանգնած ամուր և
նշանաւոր շէնք մի է. որոյ արևմտեան
կողմի տանիքն այժմ փլած. ինչպէս այժմ
երթևեկ օտարականաց, նոյնպէս և ի հը-

նուճն մեծափարթամ կարաւանի հան-
 զստարանն կամ իջլանն է եղած: Այս
 կարաւանոցի չորս կողմն սփռած են ա-
 մայի կիսափուլ աւերակներն բնակարա-
 նաց տառապակիր նախնի Շահկերտոյ.
 բայց դոցա շատերն ևս հողի հետ հաւա-
 ւասարուելով այգիք են ձեացած: Քար-
 վանսարայի արեւելակողմն իբրև երեսուն
 քայլ հեռի, կայ կանգնած վայելչաքան-
 դակ բարձր խաչքար մի, որոյ եզերքին
 գրուած «Աս դրիգոր կանկնեցի խաչս
 զայս իմ հողւոյս . . . թվ Շ» բայց
 թէ ինչու համար կանգնեցրել են այս
 տեղ այս խաչքարն չիմացուեցաւ:

Բերդ Ապանոյ:

2. Միքայէլի յիշատակած բերդն է այս՝
 ի թիկանց Շահկերտի, ուր ահրացան
 2էյտար խանի հարստահարութեան ե-
 րեսէն ահաբեկեալ Շահկերտոցիք. այս
 բերդն՝ յիրաւի ինչպէս կգրէ նոյն պատ-

միչ “ սրածայր և անմատչելի լեռն է,
 որոյ վերայ կանգնած ամուր դղեակն ըստ
 նորուն, կայր շինեալ ի վաղ ժամանա-
 զաց . . . և էր այն տեղի ապաւինու-
 թեան քաղաքացւոց, Պարիսպն՝ զոր
 նախանձելի իշխանն Յովհաննէս կանգնել
 տուած է ապաստանեալ բազմութիւն
 ապահովելու համար, ցարդ ևս կպատէ
 կիսաւեր որմովք դղեկի ստորոտը. նոյնպէս
 կան և աւերակք աշտարակին, որ շինած
 էին լերան քովն, մօտավաղ գետէն (Ն-
 րնջտկ) անմնաս և ապահով ջուր առնե-
 լու համար: Այս ամբողջիս վերայ Յով-
 հաննէս իշխանն խանդամիրեան իւր հինգ
 հարիւր զինակրներովն շէյտար խանին
 ‘Նախիջլեանի— մարդախոշոշ բռնաւորի
 ահագին բազմութեանն և կատաղի սըրտ-
 մտութեանն երկար ժամանակ դէմ դրեց
 քաջաբար, առ ոչինչ համարելով նորա
 սպառնալիքն և ստապատիր խոստմունքն.
 Բայց երբ որ իւր փոքրաթիւ խմբի մէջ
 տեսաւ մտած երկպառակութիւնն, այն

ժամանակ յուսակտուր և ճարահատ անձ-
նատուր եղև ինքնին, և Հէյտարի շա-
րամիտ հրաւիրանօքը՝ Նախիջևան գնա-
լով, գեղ մահու ընդունեց և կնքեց իւր
կեանքը. նորա հետ և այնքան ողորմելի
գերդաստաններ զոհ գնացին անօրէն
Պարսկի դառնութեանն. արտասուելի
ճշմարտութիւն է, որ բնութիւնը հայի
բազուկը անգծելի զէնք հաստատեց, բայց
զայն չգործածելու համար սիրտը անկեր-
պարան հրէշ մի դրաւ—անմիաբանու-
թիւն, զայն ի ներքուստ միշտ կրծելու և
թուլացնելու համար:

Այս տեղ ցարդ ևս պանծանօք կյի-
շատակեն այս ամեն անցքերը բնակիչք
տեղւոյս, Խանդամիրեան Յովհաննէս իշ-
խանն, դժբաղդ հայ զօրագլուխն կկոչեն
‘Պօջայ վանի’, և այն արիասիրտ աներ-
կիւղ այրն Ղարիգոր, որ յարձակելով մի-
այնակ՝ աշտարակն պաշարող Պարսկաց
վերայ հալածեր է ի բաց, ինչպէս կգրէ
Հ. Միքայէլն (հատ. գ. եր. 846) կան-

ւանեն մականուամբ «Սարու Վիրգոր»,
 կմնան ցարդ ևս և աւերակ տեղիք երկու
 այգեաց և տանց խանդամիրեան իշխանի,
 որոնք բնակչաց մէջ կասուին «Խօճայ
 Վանու յիգին», «Խօճայ Վանու տնե-
 ըը»:

Շահ—բէկի յոր

Շարկերտի արևելակողմն է այս ձորը
 կպատմէ տեղական աւանդութիւնն, թէ
 նորա համար կոչուեցաւ «Շահ—բէկի»,
 որ Վազանչեցի Խօջայ Վօստին Շահ
 Աբբասին այս տեղ արքայավայել ձոխ
 սեղան տալով հրաման առաւ շահէն որ
 և իցէ շնորհ խնդրելու. և խնդրեց թէ
 ինձ իրաւունք տուր այս տեղ գեղ շի-
 նեմ, և ի պատիւ ձեր անունն դնեմ
 «Շահ գիրդ», ի. և շահն հաւանելով
 առաջարկութեանն, կկատարէ հայցուա-
 ծըն երևի թէ ասպատակութեանց գերու-
 թեանց և հարստահարութեանց պատ-

ճառաւ այս աւանն ժամանակաւ բոլորո-
վին անմարդացել և ամայացել էր, մին-
չև որ Շահաբբասի հրամանաւ յիշա-
տակեալ խօճայ Գոստին կրկին բնակու-
թեամբ զարդարել է. ինչպէս աւանդու-
թիւնն ցոյց կտայ. կամ գուցէ աւելի հին
ժամանակի տալու փոխանակ, Շահաբ-
բասի օրով կոնէ այսպիսի անցք մի, ա-
պա թէ ոչ, Շահկերտ անուէնն շատ հին
է քան զՇահաբբաս:

Կանոնք Շահկերտի:

Գիւղի առաջեաւը, Արնջակ դեռի վե-
րայ կանդնած կոփածոյ քարամբք և թա-
ղակապ ամուր շինուած կամուրջ մի է,
յիշատակ խօջայ Պօղոսի Ազանչեցւոյ.
որոյ և յիշատակարանն կար արձանա-
գրած ճակատին, բայց ջրոյ յարդութեան
պատճառաւ չկարացի մօտենալ ու կար-
դալ:

ԹԵՂԵՂԵ

Ղաղանջուն սահմանակից և իբր չորս վերստ հեռաւորութեամբ հովտաձև դաշտակի մէջ շինուած է այս գիւղն, երբեմն, հայաբնակ. այժմ ունի իւր մէջ երեսուն տուն մահմետական բնակիչ. հայոց տների աւերակներն և գերեզմաններն կան գիւղի արևելակողմն. բլրակի վերայ, գերեզմաններն շատ հին են, ուստի և արձանագրութիւններն եղծուած ու մամուլապատ լինելով շկարդացուեցան, միայն մեծ խաչ քար մի կար կանգնած, որոյ ճակատին գրուած «ԹՎԻՍ ՌՆԾԳ», և խաչի պատուանդանին «ի բարեխօսութիւն Ղաւթի», միւսներն անվերծանելիք:

ՆԷՆԳԵՅԷՆ ԹԵՂԵՂԵ

Գիւղի մէջ տեղն միջակ մեծութեամբ և բարձրութեամբ փառաւոր և գեղեցիկ

չէնք մի է, կոփածոյ քարերով կանգնած
 թաղակապ, չորս սների վերայ. տանիքն
 երկու տեղ փլտծ. ամենեին չունէր ար-
 ձանագիր, ունի մի սեղան և երկու աւան-
 դատուն. ձախակողման դասու սեան մօ-
 տը գերեզման մի կայ, որոյ կոփածոյ մա-
 հարձանը չունէր գիր:

Վ Երէն անդո-ր. (Բաշ Անդո-ր)

Թէ յվազին սահմանակից՝ դարաւան-
 դի վերայ տարածուած գիւղ մի է, բնա-
 կութիւն 40 տուն մահմետականաց. իսկ
 ի հնուքն բազմամարդ աւան շայոց. որոց
 քարաշէն շինուածոց կան և կմնան աւե-
 րակներն. անունս «Անդուր հայացի
 «Անկզաձոր բառն է, առնուած ինչպէս
 այս, նոյնպէս և երկու համանուն գիւղե-
 ըի ընկզենեաց բազմութենէն, որ աղաւա-
 դուելով տաճկական շրթանց մէջ դար-
 ձել է «Անդուր»,

Եկեղեցի Քերջ

Քարաշէն վայելչակերտ, և փոքր գրու-
թեամբ փառաւոր եկեղեցի է. չորս կիսա-
սեանց վերայ թաղերով հաստատուած.
ունի սեղան մի, և երկու անանդատուն
և դուռն մի արեւմտեան. տանիք եկեղեց-
ւոյն միանգամայն խոնարհած է: Դրան
արտաքին ճակատաքարի վերայ գրուած է
«Հիմնարկեցաւ ի թուական ՌՂՂԲ ա-
ռաջնորդութեամբ մերս Տեառն Մատ-
թէոսի արհի եպիսկոպոսի, : Երեւմտակող-
մըն գիւղին է ընդարձակ գերեզմանա-
տունն Հայոց հին ժամանակի:

Մեջն Ենդուր (Օրնայ—Ենդուր)

Վերնոյն սահմանակից՝ ձորակի մի մէջ
կանկանի այս գիւղ, հնուքն հայաբնակ,
իսկ այժմ տասն տուն մահմետականաց
պատսպարան. հայ շինուածոց կիսակոր-
ծան աւերակներն կան միայն:

Եկեղեցի զերջ:

Գիւղի արեւմտակողմն բարձրաւանդա-
կի վերայ շինուած է այս եկեղեցի ան-
շուք, միջակ մեծութեամբ. այժմ չորս
որմուկնքն կան. հարակողմն՝ եկեղեց-
ւոյս պարսպի տակ է գերեզմանատունն
հայոց. որոց արձանագրերէն վեր առինք
միայն հետեւեալքս.

“Այս է Տապան Աննիկին տէրտէրի Թ.
ՌՂԽՕ, ին.,

“Այս է Տապան Մաթոսին թուին
ՌՂԻ,”

Է և միւս գերեզմանատուն հայոց բաւա-
կան մեծատարած, եկեղեցւոյ արեւելա-
կողմն, ճանապարհի ձախ թևի վերայ,
միայն հնութեան երեսէն արձանագրերն
բոլորն եղծուած:

Ներքին Անգլո-ր (Գիւղ Անգլո-ր)

Չորի մէջ ընկած քառասուն տուն մահամեաական բնակիչ ունեցող գիւղ մի է, ի հնումն փարթամ և բազմամարդ աւան հայոց. ինչպէս ցոյց են տալիս նախկին հայակերտ կիսաւեր շինուածոց մնացորդքն, և ընդարձակ գերեզմանատունն. բոլոր շինութիւնքն փառաւոր, մեծամեծ բարձր, և քարաշէն:

Եկեղեցի գեղջ,

Քարուկիր թաղակապ. և հոյաշէն շինութիւն է, չորս սեանց վերայ հաստատուած, այժմ տանեաց կէսն և որմոց շատ տեղերն խոնարհեալ:

Գիւղին մէջ տեղը ձգուած ձիթահանի քար մի տեսի: որոյ տափակ երեսին վերայ գրուած էր «Այս սրանոցն Ալէքսանի որդւոյն (քանի մի գիրն անվերծա-

ների) թվին ՌՂՕ, : գերեզմանատունն
տխուր զգացմամբ շրջելէն յետոյ հետե-
ւեալ արձանագիրս միայն առնել հարկ
համարեցի, որք են.

“Այս է տապան Նաւասարդի որդի
Ասատուրին. թվին Ռ,”

“Այս է տապան Օսատուրին, որ հան-
գեաւ առ Քրիստոս թվին ՌՂԳ,”

“Թվին ՌՂՕ այս է տապան նուաստ
Խլղաթին որ փոխեցաւ առ Քրիստոս,”

“Այս է տապան նուաստ Սարգսին
թվին ՌՂԺՕ,”

“Տապանս Ա շարդիկին թվ. ՌՂՕԳ :
Այս թուականների վերայ ուշ դարձնե-
լով կտեսնենք որ շատ ժամանակ չէ ան-
ցած գիւղիս հայ բնակչաց ջնջուելը, և
տաճկաբնակ լինելը. բայց թէ որպիսի առ-
թիւ և ճակատագրով, դժուարին է գի-
տել. գերեզմանոցի արևելակողմն ճանա-
պարհի ներքեւը երկար ու կարգաւ ձը-
գուած կան մնացորդք աւերակաց փոքրա-
դիր շինութեանց, և կերևի որ եղած լի-

նին ժամանակին կրպակներ: Ասն նա և
այգեաց նշմարելի ցանկեր . և ամէնքն ի
հարկէ ցոյց կտան գիւղի երբեմնին մեծու-
թիւնը, փարթամութիւնը, և բնակչաց
աշխատասիրութիւնն:

Շ օր-ն-ը.

Հովտաձև դաշտակի մի վերայ կանկա-
նի այս գիւղը, երբեմն նշանաւոր ծաղ-
կեալ և փարթամ աւանն Հայոց. աւան-
դութիւն տեղացի ծերոցն կասէ՝ որ հը-
նումն քառասուն չորս գլխաւոր վաճա-
ռականք կային (խօճայք) որոց տուրեւան
էր Պօլսոյ և այլ նշանաւոր տեղեաց հետ:
Գիւղիս բազմաթիւ հոյակապ և մեծա-
ծախս հին շինութիւններն տեսնողն, յի-
րաւի կարդարացնէ աւանդութիւնն. շը-
քեղակառոյց եկեղեցիքն և Մենաստան-
ներն, փառաւոր և հոյաշէն տներն, և սե-
նեակներն (զէրզամբի) աղբիւրներն, ջը-
րամբարներն և գիւղի հարաւակողմն ցան
և ցիր սփռած պէսպէս շինուածոց մնա-

ցորդներն, կվկայեն բնակչաց երբեմին
բաղմամարդութեանն, ձոխութեանն և
յառաջադիմութեանն:

Մ. յժմու բնակիչք տեղւոյս են քսանհինգ
տուն հայ և եօթն տուն թուրք. որք կը-
պարապին երկրագործութեամբ, այգեգոր-
ծութեամբ տաւարատածութեամբ, ու-
մանքնա և մեղուաբուծութեամբ և շերա-
մատածութեամբ:

Ս: Յակոբ եկեղեցի.

Գիւղին մէջ տեղ փառաւոր, հրաշա-
կերտ և հոյակապ եկեղեցի է, համակ կո-
փածոյ քարերով ներքուստ և արտա-
քուստ. երկայնութիւն շինութեանն ար-
տաքուստ քսան ութը քայլ, և լայնու-
թիւնն տասն ութն. սաղալանջ տանիք
եկեղեցւոյն և աղիւսակերտ վայելչաձև
կաթուղիկէն հաստատուած են չորս մե-
ծամեծ չքնաղաշէն սեանց վերայ, ունի ըն-
րդաձակ բեմ և սեղան, և երկու աւան-
դատուն. ձախակողմեան աւանդատան ձա-

կատին բարձր դրուած մարմարեայ քա-
 ըին վերայ գրուած է «Թվին ԱՊԱ շի-
 նեցաւ սուրբ Յակովբս: Թվին ԱՂԲ
 կանգնեցաւ խաչս յիշատակ Փշրկանց
 Խօճայ Մարգարին կողակցացն Նազըու
 խանին և մարգարիտն. որդիքն Սահակն,
 Ջաքարէն, Սուքիասն և միւս մերձաւորք
 նոցա,, Սեղանոյ աջակողմեան կիսասեան
 ճակատի փոքրիկ մարմարեայ քարին վե-
 րայ բոլորակ գրեալ «Տէր Աստուած, Յի-
 սուս Քրիստոս. օրհնեցաւ սուրբ սեղանս
 ձեռամբ ամէն Թվ ԱՂԻԵ
 յիշատակ Շօռօթայ հասարակութեան,,
 բաց աստի յաջակողմեան խորանի ճակա-
 տին կային ևս երկու մարմարեայ քա-
 ըինք, բայց գիր չկարացինք նշմարել. ար-
 ձանագիր մի ևս երկտող՝ մնաց անվեր-
 ծանելի եկեղեցւոյ հարաւային երկրորդ
 սեան կամարի վերայ բարձրութեան պատ-
 ճառաւ: Աթոռղիկէի արաաքին գօտւոյ
 վերայ շրջապատ տող մի գրուած էր խոշո-
 րագիր այսպէս «Չնորհօքն Աստուծոյ շի-

նեցաւ Աթոռղիկէս եկեղեցւոյս ի հայ-
 րապետութեան Տեառն Աղէքսանդրի և
 առաջնորդութեան սուրբ Արապետին
 Միմէօն վարդապետի. արդեամբ Շօռօ-
 թայ իշխանաց Սամուէլին. Այվազին,
 (եղծեալ քանի մի բառն) թվ. ՌՆՃԳ,
 ունի տաճարն երեք դուռն. արևմտեանն
 փառաւոր, մեծ, և գեղաքանդակ, գործ
 ճարտարուեստ մատին. առաջեալ դրանս
 եղած է նոյնպէս մեծ վայելուչ գաւթ
 չորս սեանց վերայ թաղով հաստատու-
 ած, որ յամի 1841 կործանուելով (ինչ-
 պէս և կաթոռղիկէի հիւսիսային գաղա-
 թը) երկրաշարժէն փլատակի տակն ա-
 ռած է մօտակայ տան մի բնակիչ հինգ
 անձինք. այժմ կան միայն չորս կամարի
 հիմունքն. Այս գաւթիս մէջ եղած են
 մինչև տասնի չափ խաչքարինք, որոց մի
 քանին գեղաքանդակ, և կգտնուին այժմ
 եկեղեցւոյ մէջ. երկուքի արձանագիրն
 առինք ի գիր, մինն այս «սուրբ խաչս
 կանգնեցաւ ի թվես ԹՆԻ հոգւոյ փր-

Կութեան Աղազարին և իւր կողակցին
 Նուշեկին և իւր ծնողացն Խութլի բէկին
 Օւաքարին Հուռումսին Մեսիրին, միւ-
 սըն՝ «սուրբ խաչս յիշատակէ Ամիրին
 ծնողաց Մարիամին որդւոյն Ազիզ բէկն
 Ասպահանայ Թ. Ռ. Վ. Ե.», շուրջ եկեղե-
 ցեաւս է պարիսպ քարաշէն, տաճարի
 հարաւակողմն եղած են աղիւսակերտ
 Թաղաշէն վայելչաձև սենեակք, որոնք
 այժմ աւեր են:

Սուրբ Նշան եկեղեցի.

Ս. Յակոբայ յարաւակողմն է այս աւեր-
 րեալ եկեղեցին որ եղած է բաւական մեծ
 և շքեղ. այժմ կտեսնուին միայն արևմը-
 տեան և հարաւային որմունքն քարա-
 շէն և չորս սների ու սեղանոյ հիմունքն.
 ունեցել է և գաւիթ փառաւոր երկու
 սների վերայ հաստատուած, որոց միոյն
 դեռ կէսն կանգուն միւսն մինչև հիմն խո-
 նարհեալ. հարաւային դրան ճակատա-
 քարի ներքին երեսի վերայ գրուած էր

«ԹՎԿ ՌՆԲ՝ սուրբ խաչս յիշատակ-
է Սալուր բէկին որդւոյն Հայրապե-
տին,,

Ս. Աստուածածնի անապատս Առասանայ.

Գիւղի հիւսիսակողմն կէս վերստ հե-
ռի կանկանի այս անապատս, որ միջակ
մեծութեամբ, քարուկիր և կամարակապ
շինուած մի է. աւանդութիւնն սեղական
ճերոցն կասէ որ քառասուն կուսանք կա-
յին այս տեղ. այս անապատիս մէջն է
գրուել Մարգարիտ կուսի ձեռամբ յամի
. . . այն աւետարանն, որ կայ Ս. Աշտիածնի
գրադարանի մէջ : Տաճարն ունի մի սեղան
և երկու խորան բեմ սեղանոյն կապուած
է բոլորն գեղաքանդակ խաչ քարերով :
և ամէնքն ևս ունին արձանագիր. միայն
աջակողմեան ծայրի առաջին երկուքն
թուական ունելով արժան համարուե-
ցան օրինակելու. առաջինն է այս «խաչս
յիշատակ է Խաթունին ԹՎ. ՌՆԲ՝»
երկրորդն «սուրբ խաչս յիշատակ է Փր .

. . . . Մաթոսին, և մայրն Հռոմսին,
 Մարիամին տոռն սորա Օվանէսն որ փո-
 խեցաւ առ Քրիստոս թվին ԱՂՒԳ,,
 Աւնի տաճարս մի դուռն միայն — արեւմ-
 տեան, որոյ աջակողմն կապտագոյն խաչ-
 քարի վերայ գրուած է. «սուրբ խաչս
 կնկ հոգւոյ փրկութեան Անյօրին մրգ-
 ըին Ա. Հ. թվին,, սորա ձախակողմն է մեծ
 և գեղաքանդակ խաչքար մի, որ ունի
 գրուածս «սուրբ խաչս յիշատակ է Ա. ի-
 դնս քահանայի սկիզբն և շինող սուրբ
 Աստուածածնիս և քեռ իւրոյ Մարիա-
 մին մաւր ուխտիս, և միւս քեռ Աղիսա-
 բէթին: Տնողացն Սուլթան բէկին Մի-
 հրպանին Թ. ԱՂՒ և Ժ, դրան. ձախա-
 կողմն կապտագոյն խաչքարի վերայ
 «Մրքին Թմօ Մխթրն,, թուականն եղ-
 ծեալ. սորա ձախակողմն դարձեալ գեղա-
 քանդակ խաչքար մի, որոյ վերայ գրուած
 «սուրբ խաչս յշտկ է ՅՏնս քՏնյի հոգա-
 բարձու և վերստին նորգղ սուրբ ուխ-

տիս. և Տնողացն Գրիգորին և Ջօրիկն
 կողակիցն Մօղվմին որդ, Մրգրին եղբար-
 ցըն Թաթոսն շկզ, միւսն եղծեալ :
 Գրան առաջեաւ եղած է աղիւսակերտ
 կամարակապ գաւիթ երեք սեանց վերայ,
 այժմ կործան. գաւթի հարաւային սեան
 տակն է գերեզման խօջայ Խառումին, որ
 խեղդամահ եղած է անապատիս կրօնա-
 ւորելոյ անարգանաց վրէժն առնելու հա-
 մար*) Մենաստանիս չորս կողմն եղած

(*) Աւանդութիւն բնակչացն կասէ որ տեղւոյս
 1500 տուն բնակիչներէն երեք հարիւրն մահմետա-
 կան էին. դոցա մոլլայն կախարդական բժժանօք յին-
 — քըն ձգելով անապատիս կրօնաւորեալ կուսան-
 ներէն երկու դեռափթիթ չքնաղ աղջիկներ, եր-
 կու տարւոյ չափ գաղտաբար կպահէ զիրենք իւր
 տան մէջ. յայտնի լինելէն յետոյ խօճայ Խա-
 ռումն գիւղի միւս խօճաների հետ վրէժխնդրու-
 թեան հնար մտածելով, զիշերուան մի մէջ տաճ-
 կաց մզկիթն այնպէս կործանել և յատակել
 կտայ, որ նշանն անգամ չերևի. ձայնն Նախիջե-
 ւանի Չանդ Բեարիմ խանին հասնելով կհրա-

են քարաշէն սենեակներ մանաւանդ հա-
 րաւակողմն, որն բնակարան կրօնաւորե-
 լոցն և որն զանազան պիտոյից համար,
 հարաւային պարսպի տակն է և այդին
 վանուց, որ մինչև հիմայ ևս «անապատի
 բաղ», կասուի. որոյ մէջն է ընկուզենի մի
 «մարգարտի ծառ», կոչեցեալ յանուէն
 կուսի ուրումն հիւսիսային պարսպի տակն
 է գերեզմանոցն կուսանաց ուր կան յիս-
 նաչափ գերեզմանք, որոց երկուքի արձա-
 նագրերն գրի առի, որք են «Ն. յս է տա-
 պան Փանիկէի դուստր Անուամէին փոխե-
 ցաւ առ Քրիստոս թվ. ՌՂ՝ՕԻ», «Ն. յս
 է տապան Պետրոսի դուստր կռաթին
 փոխեցաւ առ Քրիստոս թ. ՌՂ՝Օ:

մայէ խեղդել Խառումը: Գիւղի հիւսիսակողմն
 կան ցարդ ևս խօճայ Խառումի աւերակ տներն.
 իսկ ստորերկրեայ կամարակապ «զերզամբին»,
 գեռ անվնաս:

Ս. 1. — — — — — լան 4 :

Առսանաց անապատի արևելակողմն
 կէս վերստ հեռաւորութեամբ շինուած
 է այս մէնաստանն կոփածոյ քարամբբ,
 հոյակապ, և վայելչակերտ, միջակ գրու-
 թեամբ, լայնութիւնն ի ներքուստ ինն
 քայլ, և երկայնութիւնն տասն և վեց.
 ունի փոքրիկ աղիւսակերտ կաթուղիկէ,
 որ սագաշէն տանեօքն միասին հաստա-
 տուած է երկու կամարակապ սեանց վե-
 րայ. ունի սեղան մի և երկու խորան,
 (աջակողմեանի վերայ վերնատուն) առա-
 ջեաւ տաճարին է գաւիթ վայելուչ չորս
 սեանց վերայ հաստատուած, որոյ ներ-
 քին կողմն գեղեցիկ նկարներով և երանգ-
 ներով զարդարած է եղած, այժմ նշմա-
 րելի մնացորդքն կմնան. կաթուղիկէի ար-
 տաքին շրջապատի վերայ կայ գրուած
 « շնորհօք ամենազօրին Աստուծոյ շինե-
 ցաւ կաթուղիկէ եկեղեցւոյս աշխատու-
 թեամբ Գրիգոր Ա, արդապետին տրօք և

ողորմութեամբ Շօռութու ժողովրդեամբ
 բրն օգնականութեամբ մահդասի Յովսէ-
 փի որդի Նազարէթին և կողակից Մարիա-
 մին ի թագաւորութեան Շահ-Սուլան
 Հիւսէյնի ի հայրապետութեան Տեառն
 Աղէքսանդրի և յառաջնորդութեան
 սուրբ Աարապետին Սիմէօն Աարդապե-
 տին և գեօղիս Մէլիք Փարսագանին և
 վանից միաբանիս Տէր Մարկոս Տէր Մի-
 քայէլ և Տէր Յովսէփ «թվ. ՌՄԾԿ»
 Շրջապատ մենաստանիս ձգուած է քա-
 ռաշէն պարիսպ ամուր, ի տեղիս տեղիս
 քայքայեալ գաւթի առաջն արեւմտակող-
 մըն եղած են երկու փոքրիկ բայց գեղե-
 ցիկ սենեակներ, այժմ կիսաւեր. հիւսի-
 սակողմն գաւթի պարսպին մէջ կայ պա-
 հարանակերպ խորշ մի, ուր կան քանի
 մի խաչքարինք և ունին յիշատակագրու-
 թիւններ, բայց դժուարին եղև կարդալն
 միմիայն քար մի հանուած է աստի և կը-
 գտնուի եկեղեցւոյ մէջ, որոյ վերայ կար-
 դացի «Մուլք վանիցն ծախալվար», գաւ-

Թի մէջն, ինչպէս ասացի կան երկու ե-
 պիակոպոսաց շիրիմներ, միայն աղիւսների
 դարսուելուն պատճառաւ չտեսի: Տաճա-
 րի հարաւակողմն է աղբիւրն վանից որ
 ունի աւազան կոփածոյ քարերով, և այ-
 ժրմ ցամաք է ու աւեր. աստի հանած են
 մարմարեայ քար մի, որոյ վերայ գրուած է
 ‘Արդի Թուականիս ՌՂԺԻ, մեք Շօ-
 ոթեցի Փշրկանց Խօճա Սահակս և Օւ-
 քարեայս բերաք աղբիւր ի գեօղս յիշա-
 տակ մեզ և ծնողացն Մհրասի Մարգա-
 րին և Նազուլ - Խանին և կողակցացն մե-
 րոց Մարեամանցն և մեր որդւոցն Թուամա-
 սին ի ժամանակս Հայրապետութեան
 Տեառն Յակոբայ և Թագաւորութեան
 փոքր Շահաբասին. յիշողքդ յիշեալ
 լիջեք, մի և նոյնն գրուած էր պարսկէրէն
 լեզուաւ Հայերենէն վեր. արտաքոյ պա-
 րսպին արեւմտակողմն և հարաւակողմն
 ազգի ազգի շինուածոց կիսակործան
 մնացորդներն կան. իսկ հիւսիսակող-
 մըն պարսպին կից, է կրապատ քարա-

շէն ջրամբար մի, ուր տեղ ջրերը ժո-
 դովելով գործ դրած են վանուց ջրա-
 դացը շարժելու համար. այս ջրամբարէն
 փոքր ինչ հեռի է գերեզմանատունն, ուր
 կան երեք փառաւոր շիրիմք. առաջեւ
 մենաստանին կանկանի առու ձորակաձև,
 ուստի կվազեն սովորաբար հեղեղացած
 անձրևաջրերը: Տաճարի դիմացը կանգնող
 ու մտիկ տուող աչքին կներկայանայ ա-
 մէն կողմէն չքնաղ և զուարճալի տեսա-
 րան. Յայտնի չէ թէ երբ ամայացած է
 այս մենաստանն, միայն ցաւալի է որ դեռ
 նոյն վիճակի մէջ է, կալուածոց շատերը
 թէև անտէրու թեան պատճառաւ ընկած
 է թուրքերի ձեռք, բայց գործունեայ
 ձեռքով շուտով կհաւաքուին, ըստ ո-
 բուժ օտարանալը շատ ժամանակ չէ:

Ս. Ստեփաննոս

Շօռու թէն հինգ վերստ հեռաւորու-
 թեամբ դէպ ի հարաւ լերան մի գլխին
 շինուած է այս մատուռն յանուն Ս:

Ստեփաննոսի, շէնքն հասարակ քարով
 և հողով. իսկ տանիքն թրծած աղիւսով
 թաղ առած, ունի և սեղան մի փոքրիկ.
 քեմի առաջին կանգնած նրբաքանդակ
 խաչքար մի կայ, եզերքն արձանագրուած
 «սուրբ խաչս կանգնեցաւ՝ հոգւոյ փրկ-
 կուլթեան Ախթիարիս. Սաւլանի՝ Նեկահ
 հարիաւ Աւս», խաչի պատուանդանին
 «Աստուածատուրի Անահորին Սիրայ-
 մարզին Մելքիայեթին Տատում Ղաղա-
 մին Ղուլումին ի թվիս ՅԷԵ», Մատ-
 ղան առաջին դաւթի ձեով երկ յարկ
 երկու սենեակ կային քարաշէն, կիսաւեր:

Ս. Աղիա Մարգարէ

Գիւղի հարաւակողմն, բլրակի մի վե-
 րայ կայ աւերակ փոքրիկ մատրան յանուն
 Աղիա Մարգարէի:

Աղի-ր+ Գե-ղե

Գիւղին մէջ երեք տեղ խողովակնե-
 րով բերուած է ջուր. երկուքն այժմ ո-

չնչացած հազիւ նշաններն թողած են,
 իսկ մինն, որ «սուրբ նշանի», մօտն է հա-
 րաւակողմն, կոփածոյ վէմ քարերով և
 գեղեցկաշէն աղբիւր մի է, բայց այժմ
 խցեալ ունի երկու մեծ աւազան: արեւմ-
 տակողման աւազանի մէջ մարմարեայ մեծ
 քարի վերայ Պարսկերէն և Հայերէն գր-
 քովք վերտողած է միւսնոյն արձանագիրն
 ինչ որ Ս. Նուսաւորիչ վանքի աղբիւրի
 քարին վերայ «Արդի թուականիս ՌՂ՝
 ԺԳ և ըն:

ԼԵՏ Երեսուցի.

Գիւղի հիւսիսակողմն վերստ ու կէս
 հեռաւորութեամբ մեծ և ընդարձակ լիճ
 մի եղած է, որ բնակիչներն սովորաբար
 կանուանեն «Ղըրխ—այաղը», (քառաս-
 նոտնեան) այս լիճն հեղեղների և անձ-
 րեաջրոց բերած հողովն և խճովն այժմ
 միանգամայն լցուած հաւասարուած է
 թմբերին. բայց դեռ մինչև ցայսօր ամ-
 բողջ կանգնած կայ սրբատաշ քարուկիր

շինութեամբ հարաւային որմն լծին. ջը-
 րանցքն այնքան լայն շինուած է, որ մարդ
 մի կարող է քիչ մի կորացած մտնել ներս:
 Շինողք լծիս դարձեալ փշրկանց բազ-
 մամարդ ցեղի շառաւիղքն են, հարա-
 վատքն Սահակ, և Ջաքար, վերոյի-
 շատակեալ աղբիւրների բերողները, որոց
 և յիշատակն մարմարեայ քարի վերայ
 գրուած, կայ ազուցած նոյն հարաւային
 որմոյն մէջ:

Գերեզմանատուն Շօտտ-Խայ.

Ընդարձակ գերեզմանատուն մի է, շքեղ
 և բազմաթիւ մահարձանօքն այցելուի
 զարմանքն շարժողն. ուր կան բաւական
 հին շիրիմներ, բայց ամենէն աւելի աչքի
 զարկողներն և նշանաւորներն Փշրկանց
 մեծանուն ցեղի գերդաստանաց գերեզ-
 մաններն են. որոց միայն չորսը գրի առ-
 նուլ հարկ համարեցինք. և սոքա են.

“Այս է տապան Ղազարի որդի Ղի-
 ւան բէկի աղա Մուրատին որ փոխեցաւ

առ քրիստոս թվին հայոց ԱՊԼԻ,,

“Այս է տապան Փշրուկ հազարապետի աղա Մուրատին որ փոխեցաւ առ քրիստոս արքայն թվին հայոց ԱՂԻԻ,,

“Այս է տապան Փշրուկի որդի Խօջայ Սահակին, որ փոխեցաւ առ քրիստոս արքայն թվին հայոց ԱՂԻԻԻ ին,,

“Այս է տապան Սարուսի որդի աւագերէց տէր Օհանին որ փոխեցաւ առ քրիստոս ի թվին հայոց ԱՂԻԻԻ ին,,

Գերեզմանատան չորս կողմը պատած է եղեր պարիսպ քարաշէն, որ այժմ թողած է միայն հիմունքը. գերեզմանատան հարաւակողմն, սորա և գիւղի մէջն է ‘բաղարի մէյտան,, ասացեալ տեղին, ուր ձգուած են եղել բազմամարդ աւանիս վաճառաշահ կրպակները. այս հրապարակի մէջ կանգնած կայ խաչքար մի որոյ եզերքն տողեալ ‘սուրբ խաչս կանգնեցաւ հոգոյ փրկութեան Աշարտին,, և խաչի քառաթևի վերայ ‘թվ — իս Ա — ժԻ,,

Գիւղի արեւմտակողմն՝ ձորակի վերայ
 ձգուած կան երեք քարաշէն ամուր կա-
 մուրջներ, երեքն ևս կիսաւեր:

Փորագաշտ.

Շօռութի արեւմտակողմն դարաւանդի
 մի վերայ ձգուած գիւղ է այս, այժմ բը-
 նակութիւն քառասնաչափ (աղքատ հայ
 գերդաստանաց: Անունս «Փորագաշտ»,
 ըստ ոմանց է «Փարագաշտ», և յառաջ
 եկած իբր թէ փարայ և դաշտ բառերէն.
 ըստ որում գիւղին մօտ դաշտի մի մէջ
 կգտնուին փարայի այն է դրամի ձև ունե-
 ցող շատ քարեր: Այս տեղ մեռաւ դե-
 ղակուր, Սաղաքիա վարդապետ Արիմե-
 ցի: Հ. Միքայէլ Չամչեան սխալմամբ
 այս գիւղն կկարծէ լինել ի Գուգարս,
 այնքան դոնէ ուշ չդարձնելով, որ իւր
 պատճառ անցքերը Արնջակի մէջն են
 պատահած և ոչ ի Գուգարս:

Ս. Գեորգ եկեղեցի.

Փոքրիկ, հասարակ քարերով շինու-
 ւած. փայտածածք անշուք եկեղեցի մի
 է, գիւղի մէջ տեղն:

Ս. Նդիս.

Յանուն Մարգարէին փոքրիկ մատուո-
 մի, գիւղի արեւմտակողմն բարձրացած
 լեռնակի գլխին, այժմ աւերակ. հին փո-
 րադաշտը այժմու գիւղէն կէս վերստ հե-
 աւորութեամբ կանկանի հիւսիսակողմն,
 զառ ի վայր լեռնոտի վերայ. պահելով
 մինչև այսօր իւր կիսակործան աւերակ-
 ներն քարաշէն. որոց մէջն է և կիսաւեր
 եկեղեցի մի քարուղիր և կամարակապ
 շինութեամբ, որոյ համար բնակչաց ա-
 ւանդութիւնն կասէ «Պրանկր եկեղեցի»,
 և հարցրած ժամանակս պատմեցին թէ
 «պապենեկան լսած ենք, որ գիւղի կէսն

Ֆրանկացած ժամանակը էս եկեղեցին շինել են իրանց համար, և ցոյց կտային մեզ ի հեռուստ նաև ձորակի մի մէջ գտնուած գերեզմանատուն մի ընդարձակ, հանդէպ յիշատակեալ եկեղեցւոյս, և կասէին թէ «կէսն Ֆրանկի ա կէսն հայի», թէպէտ ցանկալի էր ձորը իջնել և կարդալ արձանագրերը շիրմաց, բայց եղանակի վատութեանը պատճառաւ չկարելով, ուրիշ հնասէր անձին խուզարկութեանն կ'թողում:

Այդ կիսաւեր եկեղեցւոյ աւերակաց մէջ ուշի ուշով հետազօտ լինելով, միայն մէկ խաչքար գտի կիսամաշ, որոյ վերայ այս քանս երեւեցաւ «Թ. Ռ. Հ. Օ. սուրբ խաչս յիշատակ է (հ) Արուսինն Ղազարին»,

Ղազարի Ս. Ստեփաննոսի.

Պիւղէն չորս վերստ հեռաւորութեամբ գէպի հիւսիսակողմն, ձորակի մի ձախակողմն բարձրաւանդակի վերայ շինուած է

այս մենաստան յանուն Ս. Ստեփաննոսի.
 Տաճարն հասարակ քարամբք փոքրիկ ան-
 շուք և փայտածածք շինութիւն է. ունի
 սեղան մի և դուռն մի. շորս կողմն ձգուած
 է պարիսպ քարաշէն, բարձր և ա-
 մուր. արեւմտակողմն պարսպի տակ ձրգ-
 ւած էր խաչքար մի, որ ունէր այս հե-
 տագայ խօսքերը «ի հայրապետութեան
 Եղիազարու և մեր Եպիսկոպոս Մարկոս
 Արդապետին Եւ Մուղղուսի Գանիէլս
 ձեռամբ իմով շինեցի զայս պարիսպս և
 զայս յիշատակին և իմ ծնողացն զհայրն
 իմ Սհակն և զմայրն իմ Խուպնիկարն
 և վանից միաբանքն ամենեցուն բերան մի
 ողորմի ասէ ի թվ. ՌՆՂԻ ին,» վանքի
 պարսպին տակ փոքր ինչ ցած կայ աղ-
 բիւր մի բարեհամ «նահատակի աղիւր,»
 ասացեալ. այս տեղ են և երկու գերեզ-
 մանք, գուցէ մինը Մաղաքիա Արիմցւոյն
 լինի և միւսն Յովհան Արոտնեցւոյն, որ
 ըստ ցուցանելոյ պատմութեանն թաղե-
 ցաւ. առաջնոյն մօտ: Երբունի բնակչաց

աւանդութիւն այս մինաստանիս համար
կասէ որ շատ հին է, և այս տեղ կնաստէր
վիճակի առաջնորդը. երբ որ (կասեն)
Ֆռանկութիւնն Քռնա յառաջ եկաւ,
Յովհանն Արոտնեցին այս տեղէն գնաց
Ապրակունիս, և սուրբ Աարապետի վան-
քը շինելով կանգնեց նրանց հակառակ:

Այս մենաստանն ունի յիսուն խալվա-
րաչափ գետին, սեպհականութիւն. բայց
անհող և անխնամ մնալով թուրք բէկի
ձեռքն է ընկած գաղտաբար: Հինգ տարի
յառաջ սուրբ Աջմիածնի Սիւնհոգոսի
հրամանաւ և թոյլտուութեամբ վանու-
ցրս սեպհականութիւն համարուած լե-
րան մի միջէն մերձաւոր տեղեաց բնակիչ-
ներէն երկուքը սկսան պեղել ու պղինձ
հանել, բայց առ հարկի աղքատութեանն
անկարող գտնուեցան շարունակելու:

Գ. Է. աղ.

Իլանդադուոյ արևելեան հիւսիսակողմն
սեպագեալ լերան ստորոտին շինուած է

այս գիւղը. բնակութիւն քսան տուն բը-
նիկ և գաղթական հայ ժողովրդակա-
նաց. որոնք կպարսպին երկրագործու-
թեամբ, այգեգործութեամբ, տաւարատա-
ծութեամբ, և մեղուաբուծութեամբ:
Եւ այց մտիկ տուած գիւղիս փառաւոր և
վայելչակերտ եկեղեցւոյն, կիսաւեր բեր-
դին, գիւղը շրջապատող պարսպին և
դէպի արևելք ու արևմուտք սփռած տա-
րածուած շինութեանց աւերակներին,
հարկաւ պէտք է մակաբերել սորա երբեմ-
նին մեծութիւն, բազմամարդութիւնն
և ճոխութիւնն: Եւնիկ բնակիչք տեղւոյս
պատմեցին որ «մենք մեր պապերից լսած
ենք՝ որ էս գիւղումն եօթ հարիւր տուն
ա էլած. և բոլորն էլ սովաքեար մարդիկ,
նրանց սովդէն էլել ա Ղստամբօլի ու մեծ
մեծ տեղերի հետ. երբոր Նադիր Շահի
ժամանակը թալան տալը եսիր տանելը
խստուեց թողացին գնացին ուրիշ դհով.
ամա շատը Իզմիր գնաց, ու ընտեղ էլ
մնացին,, :

Օղ և ջուր տեղւոյս շատ առողջարար է. բնութեան տեսարանը քաղցրախորժ և զուարճալի:

Ենունս «Գեաղ», կամ «Գաղ», տեղական բնակչաց ասելովն յառաջ է եկած իբր թէ Ս. Հռիփսիմեանց մասանց և այս տեղ բերուելովն ու գաղուելովն:

Ս. Գրեթե՛ք էկեղեցի.

Մեծադիր, հոյակապ և փառաւոր եկեղեցի. անջնջելի վկայ տեղւոյս նախնի բնակչաց փարթամութեանն և բարեպաշտութեանն. սագաշէն տանիքն և կիսաւեր կաթուղիկէն հաստատուած են չորրս մեծամեծ ամրակուռ սեանց վերայ*) շինութիւն տաճարին համակ ներքուստ և արտաքուստ կոփածոյ քարամբք. միայն

(*) Ինչպէս կաթուղիկէն նոյնպէս և տաճարի հարաւային որմն վնասուած են 1841 թուականի երկրաշարժէն:

տանեաց ներքին երեսն թրծաց աղիւսով.
 ունի սեղան մի մեծ, և խորան երկու. ու-
 նի և տանեաց մէջ դժուարամուտ պա-
 հարաններ և դարաններ, ուր մտնել հը-
 նար է միայն տաճարի հիւսիսակողմն և
 նորան կից շինուած սենեկաց միջովն բայց
 անձանօթ մարդ ամենևին չէ կարող ա-
 ռանց թելի կամ առաջնորդի այդ բազ-
 մապտոյտ արուեստահնար անցքէն դուրս
 գալ: Ունի այս եկեղեցի դուռն մի արեւմ-
 տեան, որոյ ճակատին դրուած խաչքարի
 վերայ գրուած է «Այս քարս յիշատակ
 է Մհրսի Սայիբին, կողակցին, թոռան,
 դստեր Աւդալի և Մարիամայ թվ. ՌՃԵ»,
 Ղրան աջակողմն գեղաքանդակ փոքրիկ
 խաչքարին վերայ գրուած է «սուրբ խա-
 չըս յիշատակ է հոգւոյ փրկու թեան, Օօհ-
 րապին և կողակցին Ղիւլխաթունին ա-
 մէն. թ. ՌՉՕ», դրան ձախակողմն գրտ-
 նուած փոքրիկ խաչքարի վերայ «սուրբ
 խաչս կալ օգնական հոգւոյ փրկու թեան
 տէր Ռարդուղիմէոսի որդի Ներսէսի թվ.

Ա., ստորե քան այս խաչ, է միւս ևս
 փոքրիկ՝ նուրբ փորագրուած խաչքար մի,
 որոյ վերայ վերտողած էր «սուրբ խաչս
 յիշատակ է Փախլաթին, Տաղմիշին. խա-
 նուէկէ Մկրտչին բէկ թ. Ա. Կ.», Առա-
 ջեաւ Տաճարիս եղած է գաւիթ փառա-
 ւոր, վայելչաձև, աղիւսակերտ տանեօք,
 որոյ երկու քարաշէն սներն կմնան միայն.
 Հարաւակողմն և հիւսիսակողմն են կիսա-
 ւեր սենեակները, ուր բնակուել են ինչ-
 պէս կերևի կրօնաւորներ. հարաւակողմն
 եղածներն թրծաց աղիւսով են շինուած
 թաղակապ:

Ս. Յովհաննէս.

Գիւղի արեւմտակողմն ճանապարհի
 վերայ փոքրիկ մատուռ մի քարաշէն, ամ-
 բողջ և անվնաս:

Նահապետի.

Ս. Յովհաննէսի արեւմտակողմն Ղլան-
 գաղւոյ տակ շինուած է այս եկեղեցի փոք-

րիկ, հողաշէն և փայտածածք. դժուար է
որոշել թէ ինչու համար «նահատակ»,
անուանա առած է այս եկեղեցի, որոյ ուխ-
տաւորներն միշտ անպակաս են. եկեղեց-
ւոյ տակէն կրղիւէ աղբիւր մի յորդ. որոյ
ջուրն փոքր մի գաղձ լինելով, ընդունու-
ած է այս կողմերի բնակչաց մէջ հանքա-
յին առողջարար ջրոյ տեղ :

Անապատ.

Նահատակի արեւմտակողմն Նլանդաղ-
ւոյ ստորոտին փոքրիկ բլրակի մի վերայ
կան նշմարելի մնացորդք հիման փոքրիկ
մատրան, և մէջտեղն կիսամաշ խաչքար
մի. բնակիչք այս մատուռն «անապատ»,
կանուանեն. և գուցէ ժամանակին, անա-
պատասէր անձին ձգնարանն եղած է. սո-
րա մօտն է բարեհամ աղբիւր մի, ուռե-
նեօք զարդարուած որոյ ջուրն ժամանա-
կաւ խողովակներով տարուած է գիւղը.
երկիւղալի ժամանակներն, բնակչաց գիւ-

զիս՝ Իլանդադուոյ գլխին ամրացած միջոցը,
այս աղբիւրներն եղած է նոցա պասուքը
զովացնողն. այսպիսի աղբիւր մի ևս, որ
սորա հիւսիսակողմն է, դարձեալ խողո-
վակներով տարուած է գիւղն:

Ս. Եղիս.

Գիւղի հիւսիսակողմն երկայնած բար-
ձրը լերան գլխին կայ փոքրիկ մատուռ մի
կիսաւեր, յանուն Եղիայ Մարգարէին:

Էն Վանաստեղ.

Գիւղի արեւմտեան հարաւակողմն, այ-
գեստանեայց մէջ ընկած աւերակն կմնայ
միայն եկեղեցուոյս, զոր «վանք», կանուա-
նեն սովորաբար բնակիչքն:

Բերդ Գեղիս.

Գիւղի բնակութեանց առաջովն, գէպի
արեւելակողմն բարձրացած դժուարամատ-
չելի լեռնակի գլխին քարաշէն ամուր պա-

րիսպներով շրջապատուած ապաստանա-
 րանն է հին բնակչաց որք և երբեմն երբեմն
 ցոյց տուած են ինչպէս ծերունիքն կպատ-
 մեն, իւրեանց կորովաբազուկ անվեհեր
 քաջութիւններն Պարսից յարձակմանց և
 ասպատակութեանց դէմ, այժմ շրջա-
 պատ պարիսպն կիսաւեր է: Բերդիս ա-
 րեւմտեան ծայրին փոքրիկ մատուռ մի կայ
 միանգամայն այժմ աւեր. իսկ հիւսիսա-
 կողմն, բերդէն քիչ մի անջատ, է դար-
 ձեալ միւս ևս մատուռ փոքրիկ զոր բը-
 նակիչքը կանուանեն «սուրբ Սարգիս»,
 ուր կան քանի մի խաչքարինք առանց
 արձանագրոց:

Թ.՝-ը Գեղեւ.

Տեղւոյս այգիները ոռոգող և տնային
 զանազան պիտոյից համար գործածուած
 ջրերը աղբիւրներ են, հին ժամանակին
 բազմաթիւ ձեռնհաս խօջաների հոգացո-
 ղութեամբ խողովակներով հեռու տեղե-

րէն բերուած ինչպէս և մէկ երկուքի հա-
մար յիշեցի. այժմ երեք ջրամբարներ
կան. մինն «նահատակի», աղբիւրի ջրոյ
առաջն, ուստի և այգիքն և պարտէզնե-
րըն կոռոզուին.*) մինն գիւղի մէջ տեղ,
ուստի խմելու և այլ պիտոյից ջուրը գործ
կածեն. և միւսն գիւղի արևելակողմն
բաւական հեռի, որ յանուն շինողին կը-
կոչուի «Առաքելի գետ»,

Այգի գործութիւնն կատարելապէս
ծաղկած է նոցա մէջ ուստի և ամէն տա-
րի այգիք առատ արգասաւորութեամբ
կվարձատրեն ժիր երկրագործի քրտինքը:
Ահասարակ քաջ և զինավարժ են գիւ-
ղիս բնակիչներն և մինչև այժմ ոչ մէկը
վնասուած չէ գողի ձեռքէ, վասն զի ամէն

(*) Այս ջուրն հնումն աւելի մեծ և ընդար-
ձակ ջրամբարի մէջ ժողոված ունենալով, գործ
են դրած ջրաղաց մի բանեցնելու համար. այժմ
կան միայն սրբատաշ քարերով շինուած ջրամ-
բարի և ջրաղացի աւեր մնացորդներն:

շրջակայ բնակչաց մէջ ակնածելի են և
հռչակուած հին ժամանակէ ի վեր մինչև
այսօր:

Թ. ս. զայ (հին).

Հայկեան պատմութեան մէջ այնքան
նշանաւոր և փառաւոր տեղ զրաւող
հռչակաւոր, հինօրեայ և փարթամ քա-
ղաքն Հայոց, Արասխ գետի եզերքին,
Արնջակ և Գողթն գաւառաց սահմանա-
կցութեան մէջ. որ և ամեն դարուց մէջ
զլիսովն անցած անցքերովն, կամ մեծա-
գործ և անուանի բնակչաց համբաւովն
ամենի հետաքրքրութիւնն և ակնածու-
թիւնն կշարժէ:

Այս տեղ ձեռնադրեց Քարղուղիմէոս
առաքեալն իւր Աոմսի աշակերտն յԱ-
պիսկոսպոսութիւն Գողթան, այս տեղէն
յառաջ եկին այնքան նշանաւոր մարդիկ,
որոց ոմանք իւրեանց նիւթական կարո-
ղութեամբն մեծամեծ ձեռնարկների մէջ

սիրացան, և ոմանք ազգային հանրսկան
 գործերի մէջ փայլեցան: Այս տեղ այն-
 քան ծաղկեցաւ և զարգացաւ վաճառա-
 կանութիւնն, որ Շահաբբասայ հեռա-
 տեսութիւնը դրդելով յամի 1605 ան-
 խնայ տանջանօք և չարաչար տառապա-
 կրութեամբ գաղթել տուաւ բնակիչքը
 միւս գաղթեալներէն զատ, Պարսկաստա-
 նի մէջ սոցա ձեռօք առուտուրն ծաղկե-
 ցնելու համար: Բուն Գուղայեցւոց շա-
 ռաւիղք էին և մեծանուն իշխանքն Ա-
 զարեանք ի Առւսաստան: Ս. Աջ Թիւսի
 շինութեանց շատերը դեռ մինչև այսօր
 Գուղայեցւոց յիշատակովը կ'փայլեն, և ինչ
 Այժմու նորաշէն Գուղայն, որ հնէն
 վերստ մի հեռացած է, կբաղկանայ յիս-
 նաչափ շայ գերդաստաններէ, և կանկա-
 նի դարձեալ Արասխայ հիւսիսեզրը, լեռ-
 ներով երկու կողմէն շրջապատուած դիւր
 տեղ մի. բնակիչքն ըոտ մեծի մասին գաղ-
 թականք են. իսկ փոքր մասն ինչպէս ի-
 րանք կասեն, մնացորդ են առաջնոցն, ո-

բոնիք դադարեցու միջոցն եօթն տան չափ
 կարողացած են հնար դռնել աղատուե-
 լու, և այժմ բաւական բազմացած են.
 սոցա լեզուն միանգամայն կտարբերի ե-
 կաց և Նախիջևանի կամ Արևանայ բար-
 բառէն զօ. « երթամամ, երթամաս, եր-
 թամայ, երթամանք, երթամաք, երթա-
 ման. ասուամամ, ասուամաս, ասուամայ, աս-
 սուամանք, ասուամաք, ասուաման, ևլն: Սո-
 ցա ասելովն, իրանց մէջն դեռ կան շառա-
 վիղք Խօջայ Խաչիկի, հովանւոյն Աս-
 զարեան տոհմի:

Ս. Գ. Է. Բ. Գ.

Նոր շինուած գիւղի հիւսիսային ծայ-
 րին է այս եկեղեցին յանուն Ս. Գ. Է. Բ. Գ.
 դայ, հին Ս. Գ. Է. Բ. Գ. եկեղեցւոյ պատուոյ
 համար, որոյ աւերակներն առաջին Գ. ու-
 ղայի մէջն են. շինութիւնն հասարակ և
 անշուք, տանիքն փայտածածք. աւաղա-
 նի առաջի պատին մէջ ազուցած մար-

մարեայ քար մի կայ հնէն փոխադրուած
այս տեղ, որոյ վերայ վերադրուած է Վաւրբ
աւազանս յիշատակ է Մխիթարի որդի
Ավանէսին ի յարկս Սրբոյն Վեհորդեայ
գորավարին ի թուին ՌՆԼԳ.:

Կաճո-ըջ Գ.ա-ղայի.

Հարաւակողմն գիւղիս Նրասխի վերայ
շինուած է եղել չորս ամրապինս կամարի
վերայ կամուրջ մեծ և ընդարձակ կոփա-
ծոյ քարավրք. իսկ այժմ միայն չորս սիւ-
ներն կմնան կանգուն: Այս կամրջի շինու-
թիւնն աւանդութիւնն կդժուարանար
որոշ ժամանակի և անձին տալ. միայն
նորս կործանուին կտայ ընչաւէտ պառաւ
կնոջ մի, որ եօթն տարուան հին քաջախ
վերան լցնելով քանդել է:

Սո-ըջ Աստու-աճաճին.

Այժմու գիւղի արեւմտակողմն, և նո-
րան կից է աւերակն եկեղեցւոյն յանուն

Տիրամօրն. որոյ արեւմտեան որմն մնայ
 կանգուն, կոփածոյ կարմիր քարամբք գե-
 ղեցկաշէն. եկեղեցւոյ չորս կողմն է գե-
 րեզմանատուն. գերեզմանաց շատը հին,
 որոնք զարդարուած են նուրբ փորագրած
 մեծամեծ կանգուն խաչքարերով. միայն
 մէկի այս թուականն՝ որ բոլորի մէջ հինն
 երեկեցաւ, կառնուածք այս տեղ. խաչի քա-
 ռաթեի միջոցները գրուած էր « $\frac{\text{Թ}}{\text{Խ}} | \frac{\text{Ռ}}{\text{Ը}}$ », և
 ստորեւ « Սուրբ խաչս յիշատակ Վարդա-
 շին, Վասատին, խաթունին հոգուն », :

Նստուածածնի հիւսիսակողմն Նրաս-
 խի եզրին բարձրացած բլրակի գագաթին
 կան կիսաւեր մնացորդք բազմաթիւ քա-
 ռուկիր շինութեանց — սենեկաց և պարբու-
 պաց, որոց մէջ է և մատուռ մի այլ՝ փոք-
 րիկ, քարաշէն, թաղակապ և անմնաս,
 դարձեալ Տիրամօր անուամբ, որ ունի և
 սեղան փոքրիկ: Նրան հիւսիսակողմն ար-
 տաքուստ որմոյն մէջ հաստատած մեծ
 խաչքարի մի վերայ վերտողած է « Նս-
 տուած ողորմի Նղամալին », միւսներն

Եղծեալ . սորա աջակողմն փոքրիկ խաչ-
 քարի մի վերայ « Խաչս յիշատակ է
 Մկրտչին Աստուած [Թվ.
 Ռ-Լ, , . սեղանոյ ձախ սեան վերայ դրու-
 ած խաչ քարի վերայ « Խաչս յիշատակ
 Մահակին , , . [Թուականն Եղծեալ : Մատ-
 ըան արևելակողմն գտնուող միապաղաղ
 ընդարձակ ժայռը կշրջապատէ քարաշէն ,
 ամուր և բարձր պարիսպ , որոց համար
 կասեն « Աստուածածնի բաղ , , . բայց հա-
 ւանական չէ բնաւ ապառաժ բլրակի գլը-
 խին այդուոյ , որքան ժամանակին պատրս-
 պարանք լինելն :

Աստուածածնի արևմտակողմն միապա-
 ղաղ բարձրացած լերան գլխին կան դեռ
 մնացորդք կիսաւեր պարսպաց , զոր կա-
 նուանեն « Զուղայու բերդ , , կամ
 « Ղարվաղիւրի գլխի բերդ , , , որ յիւսելի
 անմատչելի պատսպարան մի եղած է ժա-
 մանակաւ . « Ղարվաղբայ , , կասուի բեր-
 դի և Արատախի մէջ տեղն փակող բարձր
 պարսպաւոր դարբասն , որով փակուած

է եղել դէպ ի բուն Ջուղայն տանող
 ճանապարհն. այժմ սորա աւեր մնա-
 ցորդքն կնշմարուին: Մեծ դարբասիս
 կամ դրանս առաջոմն Արասխի մէջ կայ
 այժմ մեծ բեկոր ժայռի, և նորա գլխին
 կոփածոյ քարամիք կանգնած շինութեան
 նշխարք, սա ինքն է, որ բնակչաց մէջ
 կասուի «Շահ-թախթը», և տեղական
 աւանդութիւնն կրատմէ որ սորա մէջ
 (շինուածոյն) Խոջայ Խաչիկն Շահաբ-
 բասը մեծարելով հացկերութիւ, հաներ
 է ի ապաստակի խաղող, ոսկի խնձոր և
 հակիթ, ու այլ տեօակ արուեստաշէն
 ոսկենիւթ մրդեղէններ. Շահաբբասն
 նախ բնականն կարծելով ձեռք է պար-
 ղեր դէպ ի խաղողն, բայց երբոր իւր վե-
 ղիւրի ազգարարութեամբն կհասկանայ ա-
 բաժնիւն, զարմացած այսքան փարթա-
 մութեան և յառաջադիմութեան վերայ,
 միտքը կգնէ դադթեցնել Ջուղայեցիքը,
 ինչպէս և արար: Շահ-թախտի գանուած
 տեղն Արասխայ ջրոյ պտոյտ առնելու

պատճառաւ կկոչուի « Պատան », նոյն
 աւանդութիւնն կասէ դարձեալ, թէ
 Զուղայեցւոց դաղթած ժամանակը Շահ
 - արքայի հրամանաւ, յիշատակեալ Աս-
 տուածաճնի բանալիքը ձգած են այս
 Պատանի մէջ, նշան՝ որ Զուղայեցիք
 մտքներէն հանեն միւսանդամ նորա դու-
 ուրն բանալն: Շահ. թախթէն քառորդ
 վերստ հեռաւորութեամբ Արասխայ հիւ-
 սիսային եղերքը տարածուած երկայնա-
 ձիգ հովտին մէջ կանկանին բուն Զու-
 ղայի աւերակներն, այցելուի դառն զգաց-
 մունքը շարժողներն, բոլորն քարուկիր,
 և շատերն փառաւոր շինուածոց նշխարք,
 ինչպէս շքեղ եկեղեցեաց, մեծամեծ
 տանց, ընդարձակ կարաւանոցի, և ինչ
 Աւերակացս հանդէպն Արասխայ միւս
 եղեր վերայ է ամայի՝ բայց ընդարձակ և
 քարաշէն կարաւանոց (քարվանսարայ)
 նախնի մեծափարթամ կարաւանի իջեա-
 նը. նորա մօտն և եկեղեցի մի, զոր « Գը-
 ուանկի », կանուանեն բնակիչքն: Այսպի-

սի մի և կեղեցի ևս « Գռանկի », ասացեալ
 Տաղայի աւերակաց մէջն է:

Էն գերեզմանաբան Տաղայոս.

Իսկն գիւղի արևմտակողմն, Արասխայ
 հիւսիսային եզերքին կանկանի գերեզմա-
 նատուն, Տաղայոս երբեմնին բազմա-
 մարդ, ծաղկեալ և նախանձելի դրութեան
 և վիճակին յաւերժական քարոզ, և աշ-
 խարհիս սքանչելի տեսարաններէն մինն է
 Արբոր առաջին անգամ մարդոց հայեաց-
 քը ընկնի այս տեղի վերայ, անշուշտ պի-
 տի սոսկայ և կարծէ որ բազմաթիւ զօրք
 սպասողինուած կանդնած են Արասխայ
 փրփրադէղ ալեաց հետ պատերազմելու.
 վասն զի անթիւ են մեծամեծ ու կանդուն
 խաչքարերն, սիւսած ընդարձակ լեռնոտի
 երեսին. (դեռ շատերն հնութեան երե-
 սէն խախտուել կործանուել են). վահ,
 սիրելի ընթերցող, չպիտի կարողանամ
 քեզ համոզել լաւապէս թէ՛ մարդ յիրա-

և ի կափշի կշու արի միանգամայն, տեսնելով այսքան դերօրինակ կատարելագործուած և սքանչելարուեստ նուրբ քանդակագորութիւնները*):

Հիացմամբ մեծաւ և տխուր զգացմամբ պատելով մեջներն, հարկ համարեցի եօթնի չափ միայն տապանագիր տոնելու. առ աջինը քաղաքապետին տեղւոյս Խօջայ Խաչիկայ, որոյ համար բնակիչք պատմեցին լինել հաւն Նազարեան առհիմն: Մատուռն որ կանգնած էր աճիւնացած մարմնոյ վերայ, ունէր միջակէտին զեղաքանդակ բարձր խաչքար, որոյ բուն վերին ծայրի վերայ երկու անջատ տողերով գրուած «Մուրբ խաչս բարեխաւս առ Քրիստոս մե՛ծ և անուանի քաղաքապետ Խաւջայ Խաչիկին որ ի Ա՛Օ՛Գ թուա-

(*) 1871 թուականին այս Խաչքարերէն չորս հատ որոշուած բերուեցան Նախիջևան քաղաք, անտի Տիֆլիս արքունի թանգարանը հասուցանելու համար:

կանիս հանդես առ Քրիստոս , , . իսկ
 խաչի պատուանդանի վերայ « Խաչս յի-
 շատակ Խաւջայ Խաչիկին և կողակից
 Մարիամին , , :

Բ. « Խաչս յիշատակ է Մարիֆարին
 հոգուն թ. Ռ. Խ. Գ. , , :

Գ. Խաչքարի վերին ճակատին « Մի-
 բական Գրիգոր թ. Ռ. Խ. Թ. , , . և պա-
 տուանդանին « Սուրբ խաչս բարեխաւս առ
 Քրիստոս մանուկ Գրիգորին թ. Ռ. Խ. Թ. , , :

Դ. « Թ. Ռ. Խ. Ե. խաչս յիշատակ է Գու-
 հարի հոգուն , , :

Ե. « Սուրբ խաչս յիշատակ է Ես-
 տուածատուին թ. Ռ. Խ. իէլ — կզզ , , :

Զ. « Սուրբ խաչս յիշատակ է Եւեաի-
 կին. թ վին Ռ. Խ. Գ. , , :

Է. « Ի թ վինս Ռ. Խ. Գ. սբ խաչս բարե-
 խոս առ Քս Սէրանին հոգուն , , :

Եյս վերեզմանատան ստորեջ հարա-
 լակողմն, Արասխայ բուն ափին է մեծ և
 զեղեցկաշէն բաղանիք. իսկ արևեկակողմն,
 մնացորդք կոփածոյ քարանիք և կրով

կառուցեալ Ջրադացի: — Այսքան բազմ-
 մթիւ գերեզմաններն, յիրաւի կարդա-
 րացնեն այն աւանդութիւնն, որ հին
 Ջուղայի բնակիչքը կղնէ տասներկու հա-
 զար, և Շահաբրասի տարած գաղթա-
 կանների թիւը կհամարէ քառասուն հա-
 զար:

Առ-զիկ Տաճի քար.

Գերեզմանատան արեւմտակողմն լերան
 զառիվայր ստորոտին դէպ ի վեր Ամենա-
 փրկչի վանքը տանող ճանապարհի աջոյ
 թևի վերայ կայ փոքրիկ կարկառ մի քա-
 րանց “ Առզիկ Մամի քար ”, ասացեալ .
 աւանդութիւնն կպատմէ որ կռզիկ պա-
 ռաւ մի Ամենափրկչի վանուց մարկորա-
 ներէն սոխ գողացած լինելով, այս աւել
 հասած կքարանայ. հեղեղատն ևս՝ որ
 նորա քովէն կանցնի, կասուի “ Առզիկ
 Մամի չայ ”:

ԱՌՆԱՓԻՐԿԻՆՆԷՆ.

Գեղեղմանատան արևելակողմն, բարձր
 լերան մի դադաթինն է քարուկիր և ամուր
 շինութիւն միջակադիր մասրան մի՝ որ
 կոչի « Ամենափրկիչ », կամ « Ամենա-
 փրկչի վանք », շինուածն համակ կոփա-
 ծոյ քարով է և կամարակապ. ունի փոք-
 րիկ կաթուղիկէ, սեղան մի, և երկու խո-
 րան, և դուռն մի բարձր և լայն. մէջ տա-
 ճարին սպիտակ սուաղած. դրան աջակողմն
 դանուած խաչ քարի մի վերայ վերտողած
 է « Սուրբ Խաչս բարեխօս առ Քրիստոս
 փրկութեան թէոզոսին թ. ՌՒԳ. », միւս
 ևս խաչ քարի վերայ « Խաչս յիշատակ է
 Խօջայ Լ: զրու մի, Խօջայ ջան աղա բէ-
 կին (երկու տողն անորոշելի). խօջայ՝ Աս-
 դար բէկի թ. ՌՒԸ. » :

Աւնի մենաստանս արևմտակողմն և դա-
 լիթ փոքրիկ, բայց վայելուչ, երկու
 սեանց վերայ թաղ տուած, որոյ մէկ եր-
 կու սեղն այժմ քայքայեալ է: Տաճարի

չորս կողմն քաշուած է պարիսպ բարձր
 և ամուր, քարուկիր շինութեամբ, որ
 մէջ առած է արեւմասկողմի կամարակապ
 քարաշէն խցերն կրօնաւորաց, և միւս
 կողմերի շէնքերը, փռատուն, հացատուն,
 ամբար, և այլ զանազան մեծ ու փոքր ան-
 ձեակները՝ բոլորն քարուկիր շինութիւնս

Մեծնութիւնն կասէ որ Տ. ուղայեցւոց
 գաղթած ժամանակը Շահաբբասն նոցա
 սիրան գրաւելու, մանաւանդ թէ խնդիր-
 ներն յարգելու համար այս Ամենափրկիչ
 վանքի հողէն և քարերէն (ինչպէս և Աջ-
 միածնի) տանել տալով ուղակիով Աղա-
 հան, այն անդ մի և նոյն անուամբ վանք
 շինել տուած է. և այս այն Ամենափրկի-
 կիչ վանքն է՝ Աոր ջուղայի, ուր կնստի
 անդւոյն Առաջնորդն. և այդ վանքին
 միայն Շահաբբասն ի շնորհուկս Տ. ուղա-
 յեցւոց իրաւունք տուած է զանդակ հար-
 կանել :

Տաճարի և հարաւ ային պարսպի մէջ
 անդ կար մահաբձան մի փռաւար

դեղաքանդակ խաչքար. բայց զբերն մա-
 շուած էին դրեթէ խապառ. նոյն պարսպի
 աբտաքին ճակատի վերայ երեք անդ կա-
 յին մի մի փոքրիկ խաչքարիկք և ունէ-
 ին յիշատակարան, բայց բարձր լինելուն,
 և մեր հնար ջունկնալուն համար, բայց խ-
 այս խօսքերս « խաչս յիշատ », Կժ ուարա-
 ցանք ուրիշ թան մի որոշել. ուստի և կը-
 թողումք ուրիշ հնասիրի աշխատութեա-
 նրն: Փոքր ինչ անջատ հարաւային պա-
 րբասպէն, արտաքուստ կանգնած էր մեծ և
 հին խաչքար մի, որոյ ճակատին գրուած
 « Կանգնեցաւ խաչս բարեխօս Իգնատիոս
 ար . . ինին թ. Թ. Գ. Ե. », նոյն հարա-
 ւային պարսպի տակն սփռած են մնացորդ ք-
 աւերակաց, բոլորն քարաշէն, և դոցա-
 ներքևը բազմաթիւ դերեզմանք. որոց շա-
 տերը դեռ կանգուն կպահեն չքնաղ և
 փառաւոր և մեծամեծ խաչքարերը: Մ. յս
 դերեզմանաւան մէջ ևս դէ գ ի արևելեան
 հարաւակողմն կանգնած կան քանի մի
 հաս թաղակապ քարաշէն մատուռներ,

(մի քանին աւեր), կրելով իւրեանց
 ճոցին խաղաղացած մարմնոց շիրիմներ։
 Այս գերեզմանատունն բոլորն վանուցս
 միարանիցն է, և եպիսկոպոսաց ու վարդապետաց շիրմաց շատերի վերայ մահարձանների — սքանչելարուեստ փորագրած
 մեծամեծ խաչքարերի վերայ նկարուած
 է պատկեր կրօնաւորական, փիլոն վերան
 և կնդուղն գլխին։ Ղոցա մէկի վերայ արձանադրած էր « Խաչս յիշատակ Մաթէոսին և Տնողացն Թանգոսին թ.
 ԲՂԹ, » երկրորդի մի վերայ « Վանգնեցի Ս. Խաչս փրկու թեան հոգւոյ տէր Հայրապետ եպիսկոպոսին և իւր Տնողաց թ.
 ԲՂԹ, » երրորդի մի վերայ « Խաչս յիշատակ է Խաչատուր արեղին վարդապետին տէր Պետրոսին և Տնողաց Մերուրին Արտունին թ.
 ԲՂԹ, » չորրորդի մի վերայ « Խաչս յիշատակ Մանուէլ արեղին թ.
 ԲՂԹ, » կային և շատերը, որոնք սոցանէ աւելի զարմացուցիչն էին իւրեանց հնութեամբն և ճարտարարուեստ փո-

րազրու թեամբ, բայց ավստս անվերծա-
 նելի մնացին մաշուած արձանագրերն: Երևմտակողմն գերեզմանատանս կրղխէ
 աղբիւր մի համեղաջուր՝ շրջապատուած
 կանաչասաղարթ ծառերով. այս ծառերն
 բնակիչք ջուղայի կկոչեն «Աւանքի բաղ-
 չայ», և կասեն ո՛վ որ ձեռն սայ այդ ծա-
 ռերին՝ կպատժուի: Այս աղբեր ջուրն
 լերան մէջէն հատեալ անցքովն, խողո-
 վակներով տարած է Արասխայ հարա-
 ւային եզերքին տարածուած, վանքի այ-
 գին ոռոգելու. այգւոյ ցանկի մնացորդ քն
 միայն կտեսնուին այժմ. իսկ անուն այգ-
 ւոյս բնակիչք կտան «Աւանքի ծակուտայ
 բաղ», ջրանցքի անունէն առած:

ջուղայի հանդէպն և մօտն է «Դար-
 րուղաղ», կոչեցեալ բարձր և ընդարձա-
 կանիստ լեռուն, ուստի դուրս կգայ ընտիր
 ջրաղացաքար, որոյ վերայ գլխաւոր աշ-
 խատողներն ջուղայեցիք են:

Տամազինն նոր.

Տուղայէն երկու ժամու ճանապարհ
 հետի դէպ ի հիւսիս կանկանի այս գիւղն,
 գիւր տեղւոյ վերայ, բնակու թիւն քա-
 ռասնաչափ Մահմետական գերդաստա-
 նաց, որոնք կպարապեն երկրագործու-
 թեամբ, բայց աղքատ են և սակաւաշ-
 խատ: Այս գիւղիս մօտն է «Ալի-Մա-
 մատ», կոչուած նուիրական ձորակը, որոյ
 մէջ կան սուրբ համարուած ծառեր, ուր
 զոհիւք ուխտի և երկրագործեան կզան
 Տամազինեցիք. և այդ ծառերի մէկ ձիւ-
 ղին անգամ ձեռն տալ չհամարձակեն:
 Էին Տամազինն նորի արևելակողմն է
 հինգ վերստ հեռաւորութեամբ, ուր կան
 շատ աւերակներ, որոց մէջ և մնացորդք
 թաղակապ քարաշէն բաղանեաց:

Ղ. Գ. Ժ. Կ.

Էին Տամազինի արևելակողմն և սահ-
 մանակից, Արնջակ գետի վերայ ձգուած

փոքրիկ գիւղ մի է, մօտ ժամանակի հաս-
տատած բնակութիւն տասնութն տան,
որոց երկուքն Հայ, մնացածն Մահմետա-
կան. գիւղիս հարաւակողմն կտարածուին
ընդարձակ լեւինք և բլուրք, ուստի կելա-
նէ ջրալացաքար: Ենունս «Ղղճա»,
առնուած է հարաւակողման բլրակաց
հողի կարմրութենէն: Գիւղիս արեւմտա-
կողմն՝ Երնջակ գետի ափին է վէմ մի
մեծ «Ղանաքար», ասացեալ, և ինչպէս
կերևի՝ սահմանադրուիս եղած է Ս. Աա-
րապետի կալուածոց:

Երազին.

Եպրակունիսի արեւմտակողմն վեց վերստ
հեռի կանկանի այս աղքատ գիւղ, բնա-
կութիւն վաթսուն գերդաստանաց, որոց
կէսն թուրք. Հայք գաղթականք են
Պարսկաստանի և ունին փոքրիկ անշուք
եկեղեցի մի: Շատ արգասաւոր է այս
գիւղի հողը, և բնակիչք նշանաւոր են
մրգաստան (բօսան) մշակելու մէջը:

Արդեօրոք .

Արագենի հիւսիսային արեւմտակողմն
կէս ժամ հեռի կանկանի այս գիւղ՝ բնա-
կութիւն երկհարիւրաչափ գաղթական
Հայ գերդաստանաց. խիստ արգաւանդ է
նոյնպէս և տեղւոյս հողը, բայց ջրոյ սա-
կաւութեան պատճառաւ չի կարող աշ-
խատասէր բնակչաց աւելի միջոց տալ
վաստակելու, որք ընդհանրապէս ժրաջան
են, ջերմեռանդ և հաւատաշատ, միևնոյն
ժամանակ և խիստ նախապաշարեալք և
արբեցողք, և գլխաւոր ըմպելին սոցա
Գողթան գաւառի թթի օղին է. մէջեր-
նին կան բաւական հարուստ գերդաստանք,
և շատերը կպարապեն նաև առևտրով .
ուրին եկեղեցի մի հասարակ փայտա-
ծածք: 1871 թուականի խօլերայով այս
տեղ մեռան եօթանասուն անձինք:

Խաչափարարի.

Ապրակունիսէն ժամու կիսոյ ճանապարհ հեռի դէպ ի հիւսիս թերակղզւոյ պէս երեք կողմէն լեռներով և բլուրներով շրջապատուած ընդարձակ դաշտի մի մէջ շինուած է այս գիւղն, բնակարան քառասուն տան Մահմետականաց, որոնք կպարապին սուլարածութեամբ և երկրագործութեամբ. հին Խաչափարարիսը նորի արեւմտակողմն, երեք վերստ հեռու կանկանի, պահելով ցարդ բազմաթիւ շինուածոց աւերակներն. և երե ի թէ ջրոյ նուազութեան պատճառաւ անմարդացած է. նոր գիւղն ունի աղբիւր մի, որոյ ջուրն ժողովուրդով լճակի մէջ գործ կը դրուի ըստ պիտոյից. գիւղին մէջտեղ կանգնած է հողաշէն բուրգ մի՝ որ շատ հին չերևի. այս տեղէն մտիկ տուողին չքնաղ տեսարան կրնճայեն Մասեաց սպիտակափառ գագաթը, և Նախիջևանի այգեստանեայք: Անունս « Խաչափա-

բախ, յ խաչ և փարախ բառերը արտասա-
 նելով, գուցէ ունի իւր մէջ շայ կեանքի
 կամ անցքի մի՛ այժմ անյայտացած յի-
 շատակարան: Ասած լինելով որ այս կող-
 մերի Մահմետականաց աչքին ակնածելի
 և նուիրական ուխտաանդ մի կայ «Մաս-
 բի—քեաբ», անուևով, կամեցայ տեսնել.
 ուղղելով ձիոց ընթացքը դէպ ի արևելք,
 և շափելով բլուրներն ու ձորակներն,
 հանդիպեցանք փոքրիկ բլրակի մի, որոյ
 վերայ կար ահագին քարակոյտ, և նորա
 մէջ բուսած դժնիկ ծառ մի կարճահասակ,
 գոյնզգոյն հանդերձից կառնելով ծան-
 բաբեռնած. հարցմունք արած ժամանակ
 լսեցի տեղական աւանդութիւնն թէ սա
 ճգնաւորաց շան գերեզման է. երեք սուրբ
 մարդիկ փախչելով Անկթամուրի աս-
 պատակաւորաց երեսէն, ամբացած են
 սուրբ այրին մէջ (որոյ համար պիտի խօ-
 սինք). իսկ նոցա արդար շունն մնալով
 այս տեղ, սպանուել է և թաղուել, որ
 մինչև ցայժմ ցոյց տուած է և ցոյց կտայ

զօրու թիւններ, մանաւանդ ջերմ և տենդ
 փարատելովն. իսկ այն դժնիկ ծառն, որ
 կայ այժմ, առժամայն բուսած է արևան
 թափած տեղն: Այս տեղէն փոքր մի դէպ
 ի վեր բարձրանալով երկայնեալ անձուկ
 հովտի հանդիպեցանք, երկու կողմէն միա-
 պաղաղ ահռելի ժայռերով շրջապա-
 տուած, այս է դէպ ի յիշատակեալ ուխ-
 տատեղին տանող ձանապարհն, որոյ վերայ
 շատ տեղ տեսանք կիսաւեր որմունք, և
 ի տեղիս տեղիս շուք ընծայող կանաչա-
 դարդ թթենիք և սօսիք. բաւական ուղի
 հատանելով հովտիս միջովն տեսինք յան-
 կարծ սարսափելի այրեր և խոռոչներ,
 ուր տեղ և դադար առինք. ձախ թևոյ
 վերայ կար քարաշէն պատ մի, որ կշքա-
 պատէր բարձր ժայռին մէկ խոռոչը, ու-
 նելով դուռն մի, մտինք հետաքրքրու-
 թեամբ ի ներս և տեսինք թաղակապ
 փոքրիկ պատուհան մի երեք կանգուն
 բարձրութեամբ և երկու լայնութեամբ,
 միջը աղուցած հաւասարաչափ մարմար

եայ քար գեղեցիկ վերտողած Պարսկե-
 րէն լեզուաւ, որ Պարսիկ ախուճնտի մի
 ասելովն Ղուրանի մէջէն բերած հասած-
 ներ է. գուցէ անձնասիրութիւնն ստի-
 պած լինի տգէտ ախուճնտին ինձ այդ ասե-
 լու, բայց ես չկարացի կարդալ, և ոչ օրի-
 նակել, որովհետեւ օրն տարածամ էր.
 նորա մօտ գետինը ընկած կային և երկու
 կիսաբէկ քարինք, նոյնպէս Պարսկերէն
 արձանագրութեամբ. այս տեղ ամրացած
 և պատսպարուած են յիշեալ երեք ճրդ-
 նասուն անձինքն, որք ըստ աւանդու-
 թեանն երեք հարիւր տարի շարունակ
 քնած մնալէն յետոյ, զարթնել գնացել
 են քաղաքը և հարցրել իրանց վաղան-
 ցիկ ծանօթները: Ասն և սորա հիւսիսա-
 կողմն ուրիշ այրեր, որք ունին նմանապէս
 և ուրիշ նու իրական նշանակութիւններ.
 սոցա մէկի մութ անկիւնին մէջ տանիքէն
 ժողոված ջուր կկաթի այնքան նուազ և
 ծանր, որ հաղիւ ժամ մի ներքեւը կանգ-
 նողի վրէն ընկնի կաթ մի, այս պատճա-

ուաւ առել է այլ նշանակութիւն. « Ով
որ սրտին խորհուրդ ունենայ, կասեն տե-
ղացիք, կերթայ այս կաթանքի տակ կը
կանգնի. եթէ ջուրը կաթեց վրան, ասել
է որ խորհուրդը կկատարուի, :



ԿԱՐԵՒՈՐԲ.

Երեօ	Տող	Սիւսլ	Ուղեղ
Ե	8	որոնք . . .	որուն
Զ	3	բնիկ գաղթ. .	բնիկ և գաղթ.
„		Սեզրակեանց	Սեզրակեան
3	8	տամոն . . .	դամոն
„	17	գրեթէ տես	գրեթէ շատ տես.
10	11	մածուկի . . .	մածունի
12	13	վերջնոցն . . .	վերջնոյն
13	14	դղզմամբ . . .	դղզմամբ
46	5	ցիցն . . .	ցեցն
62	18	հաւկաւիթ . . .	հաւկիթ
64 - 65	22 - 18	գնացել . . .	ջանացել
81	8-9	անանբաղդ . . .	անբաղդ
89	15	հեռի . . .	հեռի: Ըստ պատմելոյ Ստեփաննոսի Օրպելեան, այս ամբողջ, Սիւնեցի Սիսակազարմ իշխանաց մէկի կինն, Երնջիկ անուն՝ է շինած, որոյ անուամբ և կոչուել են բերդն և գաւառն: «Իսկ մի ոմն ի կանանց նոյն նահապետացն Երնջիկ անուն, շինէ և զանհարին ամուրն Երնջակ. և յիւր անուն բերդն և գաւառն կոչի Երնջակայ. և դնեն ի նմա տուն զանձու և հարկաց աշխարհին . . . (Տես Պատմ. նահանգ. Սիսական, արար Ստեփ. Արքեպ. Սիւնեաց, ի լոյս ընծայեաց Կ. Վ. Շահնազ. Փարիզ, 1859. հատ Ա. գլ Գ. երես 52):
91	6	վարոցներով . . .	վարոցներէն
128	9	„ Լորելոյ	„ Լորելոց

